





شهرستان فصاحت نظم ونثره داور* و بازار سمخثورانه بلاغت آور
انجمن شعرائك مرجع و مآبى* استاد كامل يوسف نابی افندی
فاضلك تحفة الحرمین المحترمین نام رساله
تألیف کرده و اطسائف

آورده سیدر



۴۰۰



*** بسم الله الرحمن الرحيم ***

ای بیت حرامی صف غفرانه مقام * وی باب سلامی مدخل دار
سلام * ای ملتزم شریفی مستلزم عفو * وی زمزمی صفحه شوی
عصیان انام * شمار قافله انفس حجاجدن بیرون شکر و منیت اول
حضرت منعم بی علتی که ماصدق آیه کریمه (ان اول بیت وضع
للناس للذی بیکه مبارکاه وهدی للعالمین) اوزره سرای جهان آرای
کعبه معظمه بی زمین دلنشین مکه مبارکده خواستکاران استحکام
ارکان ایمان ایچون تمهید ایدوب کشده کان بیابان عصیانیه وسیله
هدایت ایلدی (بیت) کعبه بنا کشت که روی نیاز * سوی وی آرند
بوقت نماز * سجده که آن باشد و مسجود حق * معبد آن باشد
و معبود حق * کشته مکان حرم کبریا * کرده خدایش لقب ام القری *
و قطار قطرات سرشک اشیاقدن افزون جد و ثنا جناب وهاب
خفی الحکمتی که بر خوای نظم کریم (ولله علی الناس حج البیت من
استطاع الیه سبیلا) خوش نشینان ممالک اسلامی ضیافتخانه عیم
النوال محترمه دعوت و بر موجب وحی قدیم (من دخله کان آمنا)

بجره زج اخرب مکفوف
مفعول مفاعیل مفاعیل
فعل
بیت حرام مکه مکرمه در که
حق تعالی اکا احترام اغیری
برده مباح اولان نیچه اشایی
انده حرام ایتشد در صف
تحفیه در غفرانه مضاف
اولشدر وی وای دن
مخفدر صفحه شوی
وصف ترکیبدر معنای
ترکیبسی صفحه بیقایبی
دیکدر چونکه صفحه
کاغذک یوزی معناسنه در
شوی شویدن مصدرندن
مشتقدریقامق معناسنه در

مأذنه امان و غفرانی نهاده پیشخوان عنایت ایلدی (بیت)
کعبه کز اودر همه دلها رهست * جزئی از اجزاش عین اللهست *
جوهر آینه دلها وی است * کوهر کنجینه دلها وی است * و عقد
اللاک کرانقدر صلوة و تحیات نثار سر خاک سلطان سر بر لولاک
اولسونکه ابر ناطقه کوهر بارلندن صدور ابدن (بین قبری و منبری
روضه من ریاض الجنة) حدیث شریفی ایله پیراسته اولان کلستان
مقدسده رخصت یافته کلکشت زیارت اولنلر (من زار قبری وجبت
له شفاعتی) مصداقچه کاجین نهال شفاعت * و خار آزار کار فرمایان
دوزخدن دامن آزاده استراحت اولورلر (قطعه) سید اولاد آدم
جبرئیلش خوانده ام * رجه للعالمینش حق تعالی ساخته * آل
واصحابش که باشد اختران چرخ دین * بهر شان لطف ازل جنت
مهیا ساخته * و تحفه کیاب دعا اجابت اقتفا * داور دین پادشاه
روی زمین * تاجدار عالی کهر * شهر یار مکارم پرور * خورشید افق
سلطنت کوهر یازوی معدلت خسرو کامبخشا * صاحبقران عالم کشا
ابوالفتح و المغازی * سلطان محمد خان غازی * ایده الله وابقاه
حضر تیرینک برداشته پای سریر معدلت مصیرلری قلمیق سزادر که
آثار جایه علیه ملوکانه لری ایله راه رحمت پناه حرمین شریفین غائله
بیم رهناندن آزاده * و نظر همت جلیله خسروانه لریله رهروان
بیت خدایه اسباب امن و آسایش آماده در (بیت) عروس کعبه که
ام القرای آفاقست * وظیفه خواری او و قبیلۀ اجداد * جهان
چو صفحه تقویم پرزخانه شده * چنان جایه اوسایه افکند بیلاد *
مدام کلشن عمرش بهار و خرم باد * بروی دولت و بخشش نگاه
بد مر ساد * سبب ترشح سحاب قلم بکشتزار مرام * و آغاز سخن
در عزیمت راه بیت حرام * قائد کتبیبه خیال * بو طریق اوزره ترتیب
قوافل مقال ایدر که زلال صاف سرچشمه رسالت علیه الصلوة

من بحر سرای مطوی موقوف
عین الله حجر الاسود در
عقد عینک کسر یله
منظوم اینجو باغی دیکدر
کران کاف عجمینک
کسر یله آغر معناسنه در

من بحر رمل مقصور

کیاب نادر معناسنه در
اجابت اقتفا یعنی شویله
دعا که اجابت انک قفا سنده

من بحر مجنت مخبون

ترشح صرزمق معناسنه در
کشت کاف عربینک
کسر یله اکین معناسنه در

والسلام حضرت تری منبع ماء الحیات مکہ دن سیرا بساز تشنه لبان
ایمان اولمغچون جانب مدینه منوره یه هجرت بیورد قلمی تاریخنبرو
طولاب دوازده پرسین دلو مهر و ماه ایله کشتزار روز کار اوزره بیک
سکسان طقوز کره دور ایلدیکی سالدیه برقع کشای شاهد نو خرام
بیان اولان (یوسف نابی) ناتوانک آثار جاذبه الطاف آلهیه ایله روزنه
سوی دای دل سودازده سی مهب هوای حجاز و بساط صبر و آرامی
پرچیده دست شوق راحت کداز اولمغین (بیت) شوق حرم
دردل من جوش زد * کوکبه عشق ره هوش زد * آبله پایه ازان
چشم و سر * کونکشود ست دران کونظر * مضمونی دخی توسن
تند خیر شوقه تازیانه اقدام اولیجی اولاجناب ولی النعم * آصف
ستوده هم * وزیر پاکیزه نژاد * شیر شیر نهاد * دستور و آلا کهر *
فاضل افاضل پرور * داماد شهنشاه عالمکش * مصاحب مصطفی پاشا
حضرت تری نک اذن عالی بزند نصر کره اوصاف عرش اتصاف حرمین
شریفین سیاقنده مدایح جیله خسروانه بی حاوی * برقصیده
نضیده شوق آمیر ایله استعطای مکارم پاد شاهی اولمغین مراحم
همایون کامبخشاری جلوه کر موقع ظهور اولوب مهام طریق مرام
محافظ مصر وزیر کاردان عبدالرحمن پاشا حضرت تری جانبدن
ترتیب اولمغی باینده خط همایون سعادت مقرون ضمیمه احسان ایدان
بیور لمغین کجیده خروار امکان اولدیغی قدر لوازم طریقه مباشرت
اولندیغی خللده زمین دلدن بر تخم آرزو سرزده اولدیکه وقایع آمد
شد راه بیت الحرام که منظور نگاه رغبت خاص و عام در نوبو
صورتمای مرآت ظهور اولدجه مشاطه خامه طرفه نکار * زلف خم
بخم سلسله سطور عنبرین ایله پیرایه بخش رخساره آثار اوله تاکه
(بیت) مثال کعبه یا نور دیده عشاق * کورن جمالی مشتاق کور میان
مشتاق * و فقیحه بو شاهد نو خرام کوچه ملاحتک کر شمه نهفته ایله

دقایق حسن اداسی * و شیوه ناموده ایله روش خاطر رباسی * اولدن
ناثل وصال حرمین اولنره وسیله شوق جدید * و حسرتکشان
ارزوی عزیمته مایه تا کید * اولمغله در یوزه کر در یچه عرفان
یعنی نابی پریشان بیانی دخی سقاطه نواله دعادن فراموش ایلیم
بنابرین فاتحه عزیمتدن خاتمه عود ته دک چشم کذار اعتبار اولان
اما کن متبرکه * و پیچیده منوال ایام و لیل اولان متاع نوظهور
وقایع معتبره * دغه خامه عاجزانه ایله بافته کارگاه بیسان قلمغه
شروع اولمغین تسمیه (تحفة الحرمین) ایله تمغازده رواجگاه اشهار
قلندی * رجای واثق و امید صادق بودر که حضرت غفور کنه
بخشا بو بهانه ایله مسوده جریده سبئاتمی قلم عفو و مغفرت ایله
بیاض ایدوب خدمت اوصاف حرمین شریفین برکاتنده رهرو جان
ترک تخت روان چهار پایه بدن ایلد کده مرافقت مشعله ایمان
کامل ایله ره پیمای درجات باغ نعیم ایلیمه آمین (بیت) نیست طمع
جائزه از کس مرا * جائزه ام عفو همین بس مرا * میطلبم جائزه
این سخن * از کرم و مرحمت ذوالمنن (کردن از اسکدار رفع
خیام بسوی راه حجه الاسلام * برسییده دم قافله شعله بار اختران
کهنه رباط اسیری السقف آسمانن رفع رخت اقامت ایلد کده
دهان رکاب شوق انتساب (بیت) بر قدم کم اوله جنبان ره بیت
خدا * جایی اول پایک اولور سه خانه چشم سزا * مألن او یخته
کوش هوش اتمکین متمینا بدکر الله تعالی فضای دمر د سپای
اسکدار دن مقیم مسافر خانه زین اولوب (قرتان نام منزله تحریک
بال استعجال اولندی (بیت) همنم بدرقه راه کن ای طائر
قدس * که درازست ره مقصد و من نوسفرم * روز دوم کبوزده
بر مقدار جلسه استراحتدن نصر کره خلیج قسطنطنیه دن عبور *
السنه انامده صعوبت ایله مشهور * اولمغله امواج فلك سای

در یوزه سؤال ایتک

یعنی دیمکدر کر

کاف عربی ایله کاردن

مخفف در اذاعلدر

در یچه درک تصغیردر

قیو معناسنه در

سقاطه طعام مثالو

نسنه نک یره دوشنی

معناسنه در

از بحر سریع مطوی

(اسکدار)

جنبان بمعنی متحرک

فضا میدان معناسنه

ساییدن سور مک

وسر شد در مک فلك سای

وصف ترکیبدر

بدرقه مشعله معناسنه در

طار قدس جبریل امیند

قدس باری تعالانک

ذات پاکندن عبارتدر

تشویش فرمائی در بای دلدۀ آمد شدۀ آمادۀ اولغین همان اول کون
مساعده وقتۀ مساعده هوایی مقرون بولغله (مصرع) کناره
عزم ایدۀ لم بویله برهوا دوشمز * زمزمه سیله ساحل خلیجہ شتاب
اولنوب سوهان عمر عز زهر روان اولان پست و بلند امواجدن
خالی آینه هموار کی صورتی مراد مشاهدۀ اولغین مقذاف
توفیق ایله ساحل هر سکه گذار اولندی (روز چارم بدرقۀ توفیق
بلدۀ ازینقہ دلالت ایتکین (بیت) کردیلرسک اوله سن واهمه دن
آزادہ * اولسون آرامکھک در کہ اشرف زادہ * دست آویزی ایله
خاک آستان اکسیر فشان تکیہ گاہ جبین نیاز قلندی (اسکی شهر نام
قصبہ دہ نمونہ اشک کرم عشاق اولان کر مابہ بی کلخن قدرندہ کرد
راہدن تطہیر آبدان عادت رهران اولغین (مصرع) یارب
اسکی شہرہ یکی عادت اولسون * دیو ابنای سبیل ایله اول آب
سلسبیل آساده صورتی نیلوفر اولوب فردا سندہ سید غازی بہ
نہضت اولندی بر کوہ سربلند اوزرہ رخام تراشیدہ مجلادن مبنی
وجلای احجار دیواری آویزش مرآدن مستغنی * تکیہ عالیشان کہ
رسم مصنوع و طرح مطبوعی شکست آوراندازہ آسمان پیمای افکار
دور بین مہند سان روزگار در خصوص میان قباب حباب شماردہ
مدفن حضرت سید غازی اولان قبہ فلک موازی کہ طائر نگاہ دفعہ
کنکرہ سنہ پروازہ مجال محالدر پیودہ اندازہ نگاہ حیرت قلوب
مزار فیض بارلری زیارتی ایله دیدہ دل تنور اولندی (اقشہر قصبہ سندہ
قطب دائرہ عرفان * شیخ محمود حیران * حضرت تریک (بیت)
باقیا خانقہ عالم حیرتہ همان * هر کلن کیمسہ بو اسرار لہ حیران
انجق * مضمونی نقش کا بہ سی اولان آستان عالیسی وسید نعمۃ اللہ
نخجوانی حضرت تری زیارت اولنوب بتخصیص لطائف مشہورہ محفل
الصدق دوائر آفاق نمودار قلعہ قہقہہ ایلین خواجہ نصر الدین

خلیج نہر معناسنہ در

مقذاف کی کورکی
(هر سک)

رمزمہ آواز مہیب والفاظی
ظاهر اولیان کلام معناسنہ
(ازینق)

(اسکی شہر)

کردکاف عجمینک فتحیلہ
غبار معناسنہ در کسر لہ
مدور نسنہ معناسنہ و بر
نسنہ نک چورہ سی دیمکدر
السلسبیل عین فی الجنتہ
(سید غازی)

نیلوفر نہر لردہ بتر صاری
چیچک

حباب صواو زرنہ اولان
قبار جق معناسنہ

علیہ الرحمہ بک زیارت خاک زعفران خاصیت خندہ فرمائی ایله
اکنسب انشراح درون اولند قد نصکرہ میان کوہ بہشت
شکوہدہ واقع وادی خاطر ربادہ اولان قصر ارم نمون کہ سلطان
بہشت مکان مراد خان غازی طاب ثراہ حضرت تری عزیمت فتح
بغداد اثناسندہ شیخ الاسلام * عالمقام * یحیی افندی ایله سایہ
انداز تشریف اولد قلندہ هوای خاطر زداسی کاخ روب ضمیر
شہریاری اولغین زہت نشین وشوق کسترین و طراوت
حوالی روح پرورین * متضمن نونہال روضہ سلطنت ایله صفحہ
دیوارین تزیین بیور مشلر (کفہ سلطان مراد) بہشتدن
قطعہ درحقا کہ بو عشرتفرامایوی * بوکہ داخل اولان مردہ
اولور ذوقی ایله احیا * مرادی فتح ایراندن جنکم کندی بغدادہ *
تعم ایلوب ایچک بو کوثر دن شراب آسا * و یحیی افندی بطریق
الظہیرہ بو پنج بیقی مانندہ دست انصاف نہادہ سبنہ تحسین
ایتملردر (نظیرہ یحیی افندی) زہی جای فرحبخش صفا کستر
حیات افزا * نباتدن بسہ بر مرغ الو بدر طوطی کویا * بہشتک
قطعہ سی دیر دم ولی رشک بہشت اولمش * قدوم پادشاہیلہ بو
زہتکاہ بی ہمتا * صوین کوثر دیو نظمندہ اوکش اول شہ عادل *
خوشایا گیرہ نظم و روح پرور آب روح افزا * آلہی حضرت
سلطان مرادہ عمر سرمد ویر * مسخر اولہ اکہ جملہ دنیا و ماغیہا *
دیہ اخلاص ایله یردہ بشر کوکہ ملک آمین * دعا ایتدیکہ اول شاہ
جہانہ صدقلہ یحیی * اول کوشہ دلارا تماشاسی ضمندہ روح
شریفارینہ تحفہ کیاب دعا اہدی اولندی (ایلغین ولادیک مزلاری
ضمیمہ منازل مطوبہ اولند قد نصکرہ دار الملک یونان زمین *
ومسقط رأس افلاطون خم نشین * اولار شہر قونیہ کہ ذرہ ذرہ خاک
عطر ناک اجزای آبدان اولیا * و قطرہ قطرہ آب فیض ناکی

انشراح برنسنہ یی کشف
ایتمک و شرح قلب قلبی
آچوب پاک ایتیکہ دہ دیرلر
وانقولی

شکوہ ہیبت وحشمت
ویراشقلق و کوزللاک
نعمۃ اللہ

خم نشین آگری اوتور یی
دیمکدر یعنی مجاہد و چلہ
کش معناسنہ در

نالک ادا و صفدر کہ کلہ نک
آخرینہ لاحق اولور
اتصاف و اتصال معناسن
افادہ ایدر مثلاً زہر ناک
و فرح ناک کی
نعمۃ اللہ

سرشك خونين اصفیادر خصوصاً مستغرق دریای عرفان *
 بالانشین انجمن عاشقان * بلبل رنگین نوای گلستان حقیقت *
 و طوطی دستان سرای شکرستان طریقت * نخلبند گلشن هوا
 شکن مثنوی * پرده شکاف دقایق صوری و معنوی * شهریارم الک ارشاد
 * تاجدار سریر رشد و سداد * مرهم سینه دلسوختگان * آرام خاطر
 سودازده کان * پیشوای اصفیا * و مخدوم اولیا حضرت مولانا جلال
 الدین رومی قدس سره السامی حضرت تهرینك شوق ناصیه سایه
 آستان بهشت نشانتری ایله بوسبره نوخیز مرزعه دل وسیله اذن
 دخول قلندی (نظم) ویرر نشاط مؤبد مکان مولانا * ایدر
 جبین منیر آستان مولانا * لباس خطوه کیرا پروانی شوقندن * و انچه
 ناصیه سا عاشقان مولانا * رواج کل جواهری قور نظر رده *
 صفای خاک جواهر فشان مولانا * بولورمی بلبل بیگانه رخصت
 فریاد * نعیم قریده در گلستان مولانا * اولورمی بوسه زن زیر پای
 کنکر چرخ * تنزل ایلمسه زائران مولانا * نوله جواهر ایله اولسه
 مثنوی مملو * کلید کج حکمدر زبان مولانا * نه مثنوی در شاهوار
 مخزن فیض * نه مثنوی چن بیخزان مولانا * سطور صف سپاه
 قلم و تحقیق * نه فوج موج یم بیکران مولانا * ره وجوده بصلدن
 قدم بوایدی امید * کاولم جبین زده آستان مولانا * خدایه شکر
 نصیب اولدی بلبل نکهه * کل مشاهده بوستان مولانا * خوشا
 ستوده ره ورد رهبر توفیق * زیارت حرم عرش سان مولانا * امیدی
 شمدی بودرنابی سیه کارك * که انکچون ایلیه لردوستان مولانا *
 کنار دفتر دلدی بوکونه نامی قید * کینه خاک در بندکان مولانا *
 استقبال امواج روحانیتدن دیده وهل شناور دریای دهشت و حیرت
 اولوب (بیت) قدم بهوش بیاید نهاد ای مشتاق * که این خزانة
 فیضست و کعبه عشاق * صداسی در و دیوار فیض بارندن سامعه

پیشوا هر طائفه نك
 مقتداسی

جانی برایدوب (بیت) تاب شوق ابلنجه دل سنکینکی موم * نیچه
 ممکن کاوله سک نائل بزم شه روم * خطابی زبان قنديل مه سجا سندن
 خانقه درونه آتش صالمغین * بر مدت داور حیرت مملکت دلدی
 حکومت ایلد کدنصکره ینه اعانت فیض هوشبخشاسی ایله سرمایه
 اندك شعوره دست رس مبسر اولیحق بیک جانله خریدار طواف
 مرقد نور آمیزلی اولوب پروانه تورنگاه بالای سر شمع مزار لرده
 وقف کردش قلندی حقا برقه رفیعه کردون نمودر که عقد ثریا
 آویزه کردن کنکره براق * ونوک کنکری میل سرمه دیده سکان
 سبع طباقدر * زیرقه جلالت دستگاهنده مجرد کندولرک و پدر
 عالی کهرلی سلطان العلماء بهاء الدین حضرت تهرینك آسایشگاه
 خاصه لری اولوب طاق قبه ایله بازو بند اتصال اولان طاقلر سایه سنده
 فرزندان دلب و آثر اداری حضرت سلطان ولد وینه کناره نشین
 خوان نعمت ولایت اولانلردن سکه دار خالص العیار ضر بخانه
 معنی * و مذهب سر صفحه نسخه هدی صلاح الدین زرکوب
 قنوی * و شمشیر نیز بازوی توفیق سر فرو برده نیام تحقیق *
 حضرت چلبی حسام الدین و سائر اولاد اجماد لری آسوده خوابگاه
 رحمت پناه مزار لری اولوب کندی زبان کوهر فشانلردن زیور
 آغوش ظهور اولان کلام حکمت نظام اوزره پهلوزده پستراحت
 کستر خاک اولملری پادشاهانه واقع اولغله سائر مرقد اولیای کرام
 قدس الله اسرارهم کویا زیرقه ده ترتیب دیوان ثریا نظام ایتشلردن
 بعده صدر الصدور انجمن حقیقت * مرکز دوار پرکار طریقت *
 داور قلم و معنی * دست برده سرمایه هدی * رهنمون کاروان عالم
 علین * کنجور خزینه دار الملک یقین * جناب شیخ صدر الدین *
 قنوی قدس سره حضرت تهرینك خاک مشکین فیض آکینلری
 عبیر طره مژگان قلنوب اول راستکوی انجمن قدس حضرت تهرینك

سپا بگز و چهره

مرقد پرانوار لری
 نسخه

جلالت دستگاه ال
 ایر شمس و قدریدن
 کایتدر

و آلا بمعنی بلند قدر

دخی لسان بدیع البیان نریدن مربع نشین چار بالش حیات اولماز
امیرانه * و غنوده خوا بکاه ممت اولماز فقیرانه * اولسون دیو
صدورایدن مقال حکمت اشتغال و فقیحه بالای مزار عطر آمیز نریده
ماننده مجمر مشبک چوب تراشیده دن ساخته برقبه قفس سیم واقع
اولمشدر که طائر کنکره افلاک اولان روح لامکان پروازلرینک کالبدی
آرامگیر کنج قفس اولمشدر هنوز صدر نشین مدرسه شهود ایکن
ناطقه سامعه پیرا لری مفتاح الغیب کنجینه حکم اولدیغی دار
الافاده لری که خزائن پرزروسم کبارا کا نسبت کلخن پر خاکستر *
ومعادن جواهر آیدار کا نظرا اورام صدور دن بد ندر * وانک
طبقه فوقانی سنده واقع کابخانه رحمت نشانلری که (یت) حفظ
ایچون نسخه محبت کی * ایلدم چاک سینه می دولاب * خواستی حاوی
بر نیچه دولاب مخصوص جناب کرامیلرینک میراب ماء الحیات چشمه
ساردل الهام آثار لری اولان خامه عنبر افشانلرندن چکیده صحیفه
تألیف اولمش اسرار قدسیه الهیه دن مملو نسخ معتبره ایله مالامال
اولدیغندن غیر قطب ربانی فاضل صمدانی * شناور بحر اسرار
غواص لائی افکار پیشوای واصلین * رهنمای محققین شیخ
محی الدین عربی قدس الله سره العزیز حضرتلرینک کالای کارگاه
ایقان * و محصول مزرعه عرفانلری اولان کتاب سعادت نصاب
فتوحات مکیه که بالمله جناب ولایت پناهلرینک قلم فیض بارلرندن
اوتوز درت مجلد اوزره کشیده صحیفه بیاض اولوب و هر جلدینک
خاتمه شریفه سی کندی اسم سامیلر یله واسفار تسویددن اوراق
نبیضه نقل یوردقلرنده نائل دوات مشارکت مقابله اولان عزیزک
نام نامیلری ایله ختم و تزییل بیوروب مجموع مجلداتی ارزوی دولت
حفظ یله آغوش خزانه جنت خیازه کش حسرت اولان بر صندوق
ایله جایگیر * و اول کابخانه علیه نک دولابنده تقریر اولمشدر

غنوده او یومش
و آسایش معناسنه
نعمه الله
کنکره دیوار اوزرنده
اولان بد ندر
وانقولی

حتی سلطان الاولیا برهان الاصفیا آفتاب فلك ولا یت نشا نگاه
سجده سلسله سیادت * قائد حبش روحانی شیخ عبدالقادر کیلانی
قدس سره حضرتلرینک شمع ضیاء بخش لسانلرندن بومقدار
سالدنصکره بردفعه دخی پرتو چراغ اسرار مناجمن افروز خطه
اندلس اولق مرسوم پروانه دیوانخانه ازلدردیو صدورایدن کلام
کرامت نظاملری و فقیحه خرقه لطیفه لری علی طریق التوصیه
دور ابدان خلفاء قادریه ایدرک (یت) اولدی بکافس و کوهکنندن
واصل * کلدسته سر عشق اولوب دست بدست * و فقیحه
محی الدین عربی حضرتلرینه واصل اولوب جناب محی الدین دخی
پوشش حیانتن مجرد یوردقلرنده نصکره دیوانخانه معناده شیخ
صدر الدین جنبانه الباس اولمغین حالاصندوقیله مضبوط کنج
کابخانه لریدر بحمد الله تعالی اول نسخ شریفه و اول خرقه لطیفه نک
عبر کبوسوی حوران بهشته راجع اولان غبار لری توتیای چشم
افتخار قلندی (ارکلی قصبه سنده پیشرو اصحاب قبول شیخ شهاب
الدین مقتولک خاک خون آمیزی مرهم سینه اعتبار قلندی نمونه
اشک کلکون حسرتیان اولان قزل ارماق کنارنده واقع ادانه ده
برکون تخلیه خانه زین اولنوب دل سنکین خوبان جور آیندن
نمونه رخام جلاداده آینه سیمایله بنا و انمش جامع مشهور بی نظیرینک
تماشاسنده صورت انشراح مشاهده اولندی (السنة نقله اخبار
ازمنه سابقه ده جاری اولدیغی اوزره حضرت دانیال علیه السلام
چاره جویی موت بی درمان ارزوسيله اجزای نسخه حکمتی
استصحاب ایله صحرايه شتاب اثناسنده حضرت روح الامین کوشه
جناحیله نسخه حکمتی انداخته آب ابتدیی محل اولق اوزره
شهر تیاب اولان جسر مسپسدن گذراولندی (هوای تب فرماسنه
نسبت آه کرم عاشقان نفس زمهریر اولان پیاس قصبه سنده

پروانه کابلک و حجت
و خبرچی نعمه الله

الخطه خاک کسر یله
شول بدر که برکسه
کندی نفسی ایچون
اختیار ایدوب انده بنا
یا مغه علامت وضع
ایله وانقولی

(رسیدن بقصبه ارکلی)

(ادانه)

(جسر مسپس)

(پیاس)

بر کون گرمی هوادن لب دریا صفت کف زنان و مبتلای مرض
صولغان اولوب سنبل صفت نفس سوخته و دود کبود ایل به بقراضه
عزیمت * اندن انطاکیه به نهضت اولندی رؤس جبال شاهقه به
آغوش استحکام صامش حصار وسیع الارجاسی که بیک خرد
بر کونده حوالیسن دوره عذیم الاقدار در ورع ربعی مقداری انجق
مسکون * و بقیه سی پازده نوع انسانی اولمق غائله سندن مصون
بر شهر اعجوبه در میانه شهرده واقع معماره بانی آثار * جناب حبیب
نجار حضرت تیرنگ مشهد رحمت امیرتری زیارتلرینه دل نالان
مانند آب عاصی جریان ایلد کدنصکره اوچینی کون شهر حلب
الشهبای منظور چشم شوق پیمای اولمق مبسر اولدی * واقعا بلده
غریبه حلب بر معموره بو العبد که رواق بنیانی کلاه افکن نظاره
یکان * و طباق قصوری عجز فرمای باصره تماشا باند * طاق ایوانی
قوس فلکدن فراخ ورنکین * طرح قوا عیسی کاخ بهشت قدر
دلنشین * نقش رخامی حیرت ده صورت کران دیر او هام * فرش
رخامنه پای نابره حرام * لطافت حیاضی چین رسان نواصی
رحیق و تسنیم * زاهت ریاضی مستغنی آمد شد کاروان نسیم *
جوامع و مساجدی بسیار * خوانق و زوایای بیکنه حد و شمار
خصوصا جامع کیرینک جانب قبله سنده مشهور اس مبارک حضرت
زکریا صلوات الله علی نبینا وعلیه که هنگام زیارتنده منشار
حیرت دل زواری ماه کی دونیم * و مشام اشتیاقی نائل بوی کلزار
نعیم ایدر میان شهرده واقع خندق بعید الغور پر آب احاطه سنده
بر توده مصنوعه دن مستحکم بر قلعه سر بگردونکه غایت ارتفاعدن
ناشی افواه اهل بلاددن رسیده گوش هلال اولان کلبانک صیت
وصدا * مسامع سگانه نارسا * و بالای برچندن آتلان طوب رعد
آشوبک صداسی گوش سگان شهره یتشمک خلی معنادر * خصوصا

(انطاکیه)

دکر رسیدن بدینار حلب
نسخه

الایوان بالکسر الصفة
العظيمة جمعی ابوانات
واواین کالدیوان
ودواین قاموس

چین بمعنی بوکلم
الرحیق الخمر
الصافية
التسليم عين
فی الجنة العالیة

السنة انامده نظیری مستور برده ابهام اولان خانقاه نزهت پناه
شیخ ابو بکر که میان قباب بی حسابنده سر کشیده اولان سرور
بیان امتناع قبول مثالنه لسان حال * وساحه راحت بخشاشنده
اولان حیاض مالا مال * ادعای رجحان آب حیوان ایچون بسط
زالال مقال ایتمده درگاه شهر دلارا وگاه مسائر روح بخشاشده ایام
عشره کامله تکیه زده وساده استراحت اولدقدنصکره (نظم)
سینه بی مخزن شوق ایلدی سودای وطن * چشمی بیکنه خواب
ایتدی تماشای وطن * قالمدی کار که دلده متاع آرام * اولدی
غار زده پنجه یغمای وطن * دار غریبته غریب اکدیغی دمه
وطنی * دل چکر جانلری جانلر تی تن پیرهنی * مضمونی ناصیه خالده
یدیدار اولغله عنان اختیارر بوده دست هوس * وناله اشتیاق
هم نفس جرس * قلوب پرورشگاه جسم عجز پناه اولان رها جانینه
سوق مطیبه شوق اولندی (بیت) چنان بشوق خرامان شدم
دران کشور * که سوی حله شتابان عروس نوداماد * میانه طریقه
واقع قلعه بیره القرات داماننده نمونه کاهکشان نهر فراتدن سفاین
هلال سیمایله کذر وایکنجی کونده سده دروازه معموره وطن غربت
شکن بوسه گاه پیشانی نگاه اولمق مبسر اولدی آرامگاه وطندن
آستانه دولت جانینه کربند عزیمت اولدنبیری نسخه دورنگ قرطاس
سنبندن اون اوج ورق کردان اولوب بحمد الله تعالی حصول اسباب
کامرانی * ووصول درجه آمال و امائی ایل هر صحیفه ماضیه دن
خوبتر * وعطا خانه الطاف یزدانیه دن توجه ایدن هر بر نعمت
مقدمه نعمت دیگر اولمشیکن بینه (بیت) یوسف که بمصر پادشاهی
میکرد * میکفت کدا بودن کنعان خوشتر * مصداقی اوزره هر بار
یاد وطن حوالی کرد شهر بند خاطر اولد بجه تسلسل قطرات اشک
لاله کون دل دیوانه به (حب الوطن من الایمان) ناله سن اشعار

دکر عزم فقیر
بسوی وطن

(بلده رها)

الحلة فتمتدله کلین اوی

ایدر زنجیر جنون اولوردی بوقدر سوزش حسرت ایلله اول سواد
دلاویزك دريچه سته قدمزن دخول اولق ميسرا ولدقده بخار
سرور مقعر دماغه صعود * وکسب رطوبت ایلله راه چشمدن ورود
ایدوب اگر دیده ارزویه اکسیر اعظمدن معتبر کور بین غبار
دروبی توتیا قلمسه خروش سیلاب سرشك قصه طوفان نوحی
صحایف ایامدن شسته ایده جک مر تبهر نمایان اولوردی بو حالت
کریه خیر سرور انکیر ایلله صحرای عد مدن دار البریه امکانه قدم
نهاده اولدیغم خانه نك چشم دريچه سته غبار راه ایلله دخول ميسر
اولدقده نسیم شوقله دريچه لری سینه چاك * روزنلری شوق ناك *
رواقلری بال کشای پرواز صفا * طاقلری آغوش افراز مر حبا *
اوراق واشجاری برر زبان خوش آمد کویان * سبره ساحه سی
طوطی شکر خای شکر یزدان اولوب (بیت) رواق منظر چشم من
آشیانه تست * کر نما وفرودا که خانه خانه تست * زمزمه سی چار
دیوار مسرت اندودندن استماع اولوردی خصوصاً که ثمره ازدواج
ابوین یعنی اختین و اخوین که (بیت) مرا امید وصال تو زنده میدارد *
و کر نه هر دم از هجر تست بیم هلاک * ترغیله بوقدر مدت نبیره دیده لری
روزنه راه حسرت * و سامعه لری موقوف پیام بشارت اولوب (بیت)
عجب کوررموز اول روی بردخی * یو خسه قالور کیدر او غریب الدیار
کلزمی * ناله سن دمساز آه و این دل حزین ایتمکله پیغوله نشین
اولدقلری حالدیه بوسوزش آزمای آتش فراق دخی دريچه حرمدن
صورتمای وصول اولدقده برمدت هر بری هجوم حیرتله نمونه
صورت دیوار اولوب (مصرع) اینکه می بینم بیدار یست یارب
یا بخواب * مضمون لسان حال ایدرک یمین و شمالدن آغوش
حسرتلرین حائل کردن جسم تزار ایند کلر نده نشسته معجون
مفرح وصال بر زمان دخی جمله بی رنگ زلال ایدوب قافله شعور

دروب جمع الدرب
یعنی صواقلر

اندود یعنی صوا
نعمه الله

دستمایه حیرت ایلله بر نیچه دفعه آمد شد نصکره آخر استشمام
رایحه انس قدیم ایلله رباط پنج گوشه حواسده استقرار بولیحق
طرفیندن کالای دراز ماجرای اشتیاق * یدش کش پای تلاق *
قلمغه آغاز اولندی فحما ثم جدا ثم جدا حضرت قادر علام *
جمله افتادگان پیغوله حسرتی مشاهده صورت مظلومیله فائر
المرام * و همه زهرابه کشان کربت و غریبی کردش کاسه مراجعت
اوطان ایلله شیرین کام ایلله آمین * کوییا اول حین مسرت آیین
مرقع ایام حیاطه بر مجلس مصور * یا نسخه کیاب زنده کانیده بر محل
معتبر اولشد رکه اول هنگام دل آرامده پیمانه خاطری لبریز ایدن
صهبای نشاطک تحریر کیفیتی خامه مستانه خرامه حرام * و اول
روز کدر سوزده تلاطم ایدن امواج انبساطک تقریر کیتی تصویر
رسم او هامدر * مواصلت جسمانیدن نشأت ایدن ذوق روحانی
ایلله گاه مکالمه سرگذشت ایام فراق * و گاه مذاکره مشکلات
نسخه اشتیاق * ایدرک کنجینه عمر دن برکون دزدیده قلندی
هنگام طفولیتده که نوآمده شهرستان غیب اولغله هنوز کبسه
هوسده دستمایه انس روحانیدن بقیه بولمغین بهر سو صرف
نقدینه نگاه اولندججه چاشنی ریاض جنان احساس اولنان گلستانلر
خصوصاً حلقه بند کنج دبستان اولدیغمر زمانلرده گاه سبقداش
نسخه الفت * و گاه مشق نویس عشق و محبت * اولدیغمر اطفال
وامثال که (بیت) خار لر ضبط ایملش تختی سلطان کلک * زاغله
طونمش دریغا جایگاهن بلبلک * رسمی اوزره هر بری خط آورده
کار گلستان عذار بلکه اکثری (مصرع) شکوفه چمن
رحمتست موی سفید * و فقیحه یاسمن نمای میانه سنبل زار اولوب
(بیت) شد از فشار کردون موی سفید و سرزد * شیری که خورده
بودم در روز کار طفلی * مقالن ترجمه بیان حال ایتمشلم تجدید ذکر

حالات گذشته ايله اكنساب نشاط ايام شباب ايدرك بنخصيص
 طلسم جائل كردن فقيره تعويد مسافرت منتقش اولديغي ايامدن
 بري نيجه نورفتار سه ساله كوچه ملاحت * ونيجه زيور دوش
 دايه اولان متاع حسن بهجت * ونيجه جنبش كهواره دن تعلم
 طرز خرام ايدن نازنين * ونيجه افق مشيه ارحامدن طلوعه آماده
 اولان مه جينلر كه هر بري برسرو سرافراخته بوستان افتخار *
 وهر بري بر ماهپاره آهو نگاه وعاشق شكار اولشرايدى (بيت)
 بالله بكوچه نام دارى * واندرچه فلاك مقام دارى * ديه رك كاه
 استطلاع اسامى واحواللرى ايله محصل الامال * وكاه مظالعه
 صحايف جمال وكماللرى ايله منشرح البال * اوله رق كشت وكذار *
 وسير چن وكلزار اولندي (المنه لله تعالى مقدم حقيرانه من ايله
 اهالى ديار يرك دخي مهمانسراى قلوبى منزلكه قافله انشراح
 اولوب اجراى لوازم الفت وصحبت * واداي مراسم اكرام ورعایت *
 وكشت اماكن وسير مساكنده وزيارت موطن متبركه ده بردقيقه
 مستور پرده اهمال قلندى خصوصاً مابه الافتخار ديار يرك اولان
 رسول يزدان * خليل رجن * بر كزیده رب رحيم * جناب خلت
 پناه ابراهيم * صلوات الله على نبينا وعليه حضرت تيريك بهترين
 متاع كارخانه آفرينش اولان وجود جود نمودلى زينت افزاى
 رواجگاه امكان اولدقلى غار كه كنجه انوار * وشهر مرز بورده
 مولد خليل ناميله رسیده حد اشتها در در فرش وسقف وچار
 ديوارى يکپاره رخام بي مسامدن تراشیده اولغله طرق احتمال
 ترشح مسدود ايكن بر آب زلال مثال ايله مالا مال اولديغي معجزه
 ابراهيميه دالدر * اول غارك جانب غريبسند ووقع مسقط رأس
 مباركلرى مخصوص بر صندوق سيرايله متعین در اول غار ايله طرف
 شرقيدن هم پهلو بر غار ديكر كه والده مكرمه لرى اول نازنين

مهد خلتي واهمه متجسسان خدمه ظلمه نمرود بدبود دن محافظه
 ايچون وديعه آغوش غار ايلديكنده فرمان قادر ستار ايله دفع
 مظنه اشرار * وكتمان جواهر اسرار * ايچون پيرامن دهان
 غارى تار عنكبوت ايله ممهور قلمشيدى واول طفل نودرس كنجانه
 تحقيق مقتضای استعداد ازليه ايله نسخه نه ورق بيروزه كون
 كردونده مرتسم اولان نقط خرد و بزرگ انجمن استكشاف
 مطلوب حقيقى ايچون قرعه انداز تفحص اولدقلى حالده مر سوم
 لوح جين ستار كان اولان داغ افول مانع قبوللرى اوليحق
 (فاطر السموات والارض) جانبنه توجيه وجه عبوديت بيوردقلى
 اماكن هدايت انكيرك غبار مشك عياريله تنوير ابصار اولندي
 وينه اول شاهباز بازوى عنایت آشيانه كفه منجنيقدن ميان
 آتش غروده پرواز ايلدكلى فیهض غماي بخشای باغبان قدر قامت
 زبانه بالاكش ناره الباس جامه كلزار ايدوب چكیده زبان پراعه
 روات اولديغي اوزره اول مكرم مهمان شهر بند اعجاز آغوش
 آتشدن جای ساز اولدقلى چشمه دوزانوى مباركلرى تقبيل ايله
 ناز شكر بهشت برين اولان قطعه زميندن فوران ايدن آب
 حياتبخشا كه برودت وسلامتى ثبوت یافته بوستان نظم كر يمدرحالا
 حوالى منبعه ساخته معمار همت اولمش بر حوض عظيم
 طولانى كه احد طرفينده اولان كسسه نك تشخيص ذاتنده پرده
 اشتباه مرتفع دكلدر اول آب زلال مثالك عمى اوج نيره دن متجاوز
 ايكن ينه كمال صفوتندن ناشى ته آبدۀ اولان رمال انامل انظار ايله
 شمار اولنق مرتبه امكانده در اول حوض موزون درونده آب
 سيمكون اوزره سواد منزله سنده اولان خوشمنونه ماهيلر كه پرده
 آب نمايش انداملرينه حجاب اولوب كار حوضدن كذار ايدن
 زوارك قدومنه صدهزارى بزدن شتاب ايدوب خواهش ناپاره ايچون

براعه بمعنى يونلش قلم

قوله ته بمعنى زير و تحت
 دشبشه

بطلمبوس افلاكى طقوز
 قاندر ديوب اشاغيدن
 يوقروبرى برندن اكبر
 اولوب طقوزنجى فلاك
 اعظم در كه جميع افلاك
 اوزر ينه حاكم دراكافلاك
 اثير ديرلر زير اول غيريسنه
 تأثير ايدوب دورايتديرر
 لغة دشبشه

صورت لسان حالیه (بیت) بوس لب مهوشانی اکبر هرگز *
 بوس لب نانه در سپهر ایلله نزاع * مضبوطی اجرا ایدر لر اول
 حوض خاطر کشانک جانب غریبسنده سایه حصارده برتکیه
 فردوس نمون که شمشیرلی مجلس مصور شهنامه کی صحیفه
 پیروزه کون آب اوزره کشیده * کنسکره زر اندوده قبای مقعر
 فلک اثیره رسیده در پیرامن حوض صفا آیینی هنوز آثار گلشن
 کلخن شکن ابراهیمیه دن باقی اشجار ملتفه سایه افکن ایلله مزین *
 والی الان زمینی کنده تیشه باغبان اولدجه نیچه نیره مقداری
 خاکستر ظهوریله اول محله صحت وقوعی میرهندر * واول
 سرچشمه هدانک حصار شهر دن بیرون اولنجیه دک مجرا سنده
 واقع ریاض وجوامع ومساجد وخوانق و بیوت وطوا حین ومغاسل
 وقهوه خانه لره ایصال فیض ایتدیکندن ماعدا بیرون شهرده دخی
 حدائق بیشمار افاضه سیله مغتدر * واول جوی کدر شویک
 جانب جنویسنده واقع ذروه کوه کردون شکوه اوزره سرافراخته
 اولان قلعه فلک رشک فرازنده مهندس بنیان کفره وضلال *
 معلم دبسان مکر و احتیال * ابلیس علیه اللعنه نک ریخته قالب
 ابداع ایلدیکی ایکی قطعه احجار تراشیده دن پرداخته منجیق
 مناره سیمه که کویا نمرود بد بودک نفی ادعای باطلی ایچون صورت
 لاده نمودار * ویاخود دوش ضحاکده ایکی مار مغز خواردر * کاه
 اول مصانع بوالعجب مطالعه سیله صحیفه دلی تخته تعلیم وقایع
 روز کار قدیم * وکاه اول زهتگاه کدر فرسامشاهده سیله استیفای
 نشئه ذوق نعیم * ایده رک شمار ایام استراحت درجه خسبئی
 تجاوزد نصکره قامت کوتاه وصال تبدیل لباس فراق ایتمکه قریب
 اولوب آرزوی صدای درای راه حجاز * انجمن دلده نغمه یه آغاز *
 ایتمکین (قصیده) کل کوکل عزمه بیت خدا ایلیم * سعی ایدوب

شهر ائیر بادوم فارسی
 یعنی کوره ناری
 سرفنام
 الاثیرهی الطبقة العليا
 من طبقات الهواء
 الملاصقة بكرة النار
 شیخ

مروهیه تحصیل صفا ایلیم * ایشمنز ایلسون التوزد وجهانده
 مولی * ناودان زرك الشده دعا ایلیم * عرفانک سوره لم خاکنه
 یوزلر کوزلر * سرخ روی اولمغه اکسیر رجا ایلیم *
 لب اییک زن و چشم سر شک افشانی * کوجه خواهش
 رحمتده کدا ایلیم * کاسه کاسه جه زمزم دن ایچوب آب حیات *
 جان پرعلتی لبریز شفا ایلیم * الالم کوه رحمت ویره لم نقدگاه *
 دلی سودا کربازار منی ایلیم * باب سلطان سرافرده لولا که
 واروب * قدیمز بارتضرعله دوتا ایلیم * ویره لم روضه پاکینه
 صلاتیله سلام * علت جرمه شفاعتله شفا ایلیم * اوله لم خاک
 در روضه سنه ناصیه سا * جبهه مز مشرق خرشید هدا ایلیم *
 کجیروب بنده لری دفترینه نامزی * یریمز حشرده ده زیرلوا ایلیم *
 دفتر جرمی یاقوب ایلیم * خاکستر * نابیا آینه قلبه جلا ایلیم *
 مقالن زاده شوق ایدرک بر صبحدم رهایافته آرامگاه رها اولوب
 طراز دامن سواد بیره منزله سنده اولان نهر سرخ فام فرات * پیچیده
 اقدام سفن بی ثبات قلندقد نصکره بیم رهنزان عرب راه راستدن
 انحرافه سبب اولمغین حسن سیم * ولطف آب وهوا ایلله عروس
 عربستان اولمق اوزره شهر تیاب اولان شهر عینتابه شتاب * وواج
 کون مشاهده صفای جمالیه نشئه مسرت اکنسابند نصکره
 ینه حلب الشهباده اون کوندن تجاوز اتکاء وساده استراحت
 اولندی (بیت) چین زانی قدر اولماز سکا جای آرام * بعد ازین
 ای دل آواره علیکم بالشام * ترانه سی حدی اجازه عزم اولمغین
 جانب شام شریفه توجیه لجام مطیه اقدام اولندی (بیت)
 یا برید الحما حاک الله * مر حبا مر حبا تعال تعال * ترانه سی نمونه
 قدس فلک اولان دولاب محمدیدن استقبال ایتمکین نطق سیمین
 میان سواد حما اولان نهر عاصی محار یسنده کردن کردونه آغوش

جائلی ایتش دولابلر که (یت) قنده بر صاف درونی که کور آب کبی
 * دل سر کشته دوزاوستنه دولاب کبی * مقالن اداره ایله ریاض
 چشم و کوش تماشا نیانی سیراب نشاط ایتشلر بعضیسی (یت)
 بر برینه کردیلر دولابلرله آبلر * آبلر غالب اولجه دوندیلر دولابلر *
 مطلعه نظیره پردازلق وادیسنده (یت) کور جا شهرین دولمش
 کوشه کوشه آبلر * نهر عاصی به طبع اولمش دوز دولابلر * نظمن
 مقام اوجده اصول دوری اوزره ترنم ریز اولدجه ستم کشان دوران
 واژ کون کردونه شست و شویی کدر درون ایدرلر (یت) ما حاصل
 شهر جا بر مایه سودا ایش * آب عاصی بر شراب عافیت بخشا ایش *
 اول نشئه خاطر کشا ایله جوی عاصیدن دولاب وش روکردان *
 وجانب حصه عنان جنبان اولوب نیم راهده واقع جسر راستدن
 کذراولند قدده خورشید فلک حقیقت * مرکز دائرة شریعت *
 سلطان بارگاه عرفان * شهر یار قلمرو ایقان * نور چشم اولیا * مشعل
 ضیا پاش قافله اصفیا * مسند نشین صدر صفه عارفین * رهنمای
 کاروان واصلین * کالایمای کارگاه ابرار * تنها سوار ممالک انوار *
 جناب بایزید بسطامی قدس الله سره السامی حضر تترینک
 خاک عطر ناک مزار فیض نثار لری بوسه گاه جبین نیاز قلنوب الله الحمد
 جواهر سرور محزون قلب محزون قلنق مبرسر اولدی اندنصرکه
 سواد ویرانه نمای حص منظور نظر اشتیاق اولندی حقا که پرویرانه
 صوری که هر کوشه سنده بر کعبه معنوی دفین * وهر جانبده بر شیر
 غریب پیشه زار ولایت مکین اولمشدر از جمله سلطان عالمگیر سرور
 رسالت صلی الله تعالی علیه وسلم حضر تترینک دیوان بهشت
 عنوان حلقه اصحاب کرام لری بیننده بالانشین کرسی اعتبار ودار
 الضرب میدان غزاده سکه یافته اشتها راولنلردن حضرت
 خالد بن ولید و سعد بن ابی وقاص و کله ربای کنکرة فلک اعظم

دورروان اصولی اوزره
 نسخه

پیک نیز تک رکاب سید عالم صلی الله تعالی علیه وسلم * عمرو بن امیه
 و پیام رسان جهان آفرین اکثر یا سیمای پسندیده لرین استعاره
 ایتدک لری دحیه بن حلیفه الکلبی رضی الله تعالی عنهم ورواه حدیث
 نبویدن عکاشه و عبدالله بن مسعود و عبدالله بن عمرو و عبدالرحمن بن
 عوف و ابوموسی الاشعری و کعب الاحبار رضی الله تعالی عنهم
 و بونلردن غیری عبد الرحمن بن خالد بن ولید و عبد الله بن
 جعفر طیار و عبد الرحمن بن جعفر طیار و دوش سید شهدا حمزه بن
 عبد المطلب خلعت پوش سرخ فام شهادت اولمشکن یننه تلاطم
 جویبار مغفرت ایزدی قامت ندامتیه الباس جامه رحمت ایدن وحشی
 رضی الله عنه (ومشاهرا اصحاب کمالدن جمال الدین قطب رحمة الله
 علیه که مر اقدنده دودست دعا محیفه سبع المثانی قلند قد نصرکه
 قلعه فلک رس صعب الصعودنده واقع جامع شریفک جانب یمین
 محرابنده صحایف پوستین غزال اوزره نکاشته قلم مشکین رقم
 عثمانی اولان کلام یزدانیکه (یت) از چشم هزار خون براو ریزانست
 * برک کل سرخ مصحف عثمانست * مالی کارا وراق خون آلوده
 سنده هویدادر اول کل سرخ رخ گلستان حیار رضی الله تعالی عنه
 حضر تترینک چشم و زبان لری شناور امواج سطور بحر قدیم یزدانی
 اولدیغی حالده دندان نهنک دریای قضا * یعنی دشته سرتیز جفای
 اعدا * ایله بدن بهشت آرا لردن فوران ایدن جویبار خون کریمه
 (اذا جاء اجاهم لا یستأخرون ساعة ولا یستقدمون) مسطور
 اولدیغی صحیفه به الباس جامه کلکون ایتدیکی دخی باشقه بر حکمت
 غامضه قادر بیچون ایدیکی اصحاب اعتباره نمایاندر اول حالت رقت
 خیر مشاهده سی چاک افکن کریبان جگر اولغین بی اختیار سطر
 جبین سیاه گاه آکین * اول صحیفه خونینه ساییده قلنغه اجتر
 اولندی امیدوار الطاف کرد کارم که اول بشارت یافته مغفرت

قلند یغندن غیری قلعه
 نسخه

ایزدی اولان حضرت ذی النورینک کندی رقرده قلمشکارلی
اولان وحی منزل ربانی که رشحات خون نافه ریزلی دخی کلکونه
عذار صحایف اوراقی اولغله زیارتگاه خرنه فردوس ایدی
محسوم ایکن اکا مالیده قلنان پیشانی انجمن رستاخیزده ماننده
خورشید قیامت فروغ مغفرت ایله نورانی اولمه دن محروم
اولیه (آمدن در دیار شام شریف) اندنصره مشهور السنه
عوام اولان کار بانسرای قطیفه ساحه سنده ضرب خیام آرام
اولنوب سپیده دم قطیفه بوغازی نام مردن کذر اولندقدده دیده
اشتیاق پروره بر بحر اخضر بیدار اولدیکه تحریک نسیم روحبخشادن
صفوف امواجی سواحل آفاقه پیوسته اولغله احاطه پرکار مد
بصردن بیرون * واندازه باصره مساحه ساحه سنده کوناه اولق
مرتبه سندن افزون ایدی واقعا کثرت اشجار بر مرتبه پهن کستر
دامن وسعت در که هر نقدر اطاره شاهباز تیر پرواز انظار
اولنسه افاصل سنده آشیانگیر اولق محال * وهرندکلو اداره پفره
افکار اولنسه پنه نهایتندن شکار طائر اخبار اولق عیدم الاحتمالدر *
نهالستان رطوبت پیرا بردرجه ده غایافته ساحه ظهور اولمشدر که
اشهر بلدان عالم اولان شام کی بر سواد اعظم سایه چین کپسوی
خیابانده پنهان اولوب دریجه محلاتنه وضع قدم اولندججه آثار
مبانی شهر ورای پرده خفادن صورتغای ظهور اولماز اول باغزار
بهشت کرد ارك اقرب اطراف قطیفه جانبی ایکن ینه بش التي
ساعتدن مقدم پیوده اندازه اقدام خبول قلمق خارج حیرامکاندر
پانهاده مداخل محلات اولنجیه دل سر تسر عکس مقلده اشجاردن
نقش پذیر اولمش قالیچه آبکون چن طراز اوزره رفتار اولنوب
(بیت) بید آبه دیمش که لطفکدن * دمبدم رشحه زلال ایچرز *
آب بیده دیمش که بزده سنک * سایه دولنکده خوش کچرز *

(آمدن شام)

بقره کوچی و باتفه در که
چلمه لالتنددر
نعمه الله

خیابان اقر صولور
اولوب ایکی جانبین
سایه دار فلک پیوند
اشجاره دیرل
عزمی زاده

بید آبه دیدیکه فیضکدن
دمبدم شربت زلال ایچرز
آبه بیده دیدی بزده سنک
سایه دولنکده خوش کچرز

مالی نعمه تسلسل امواجندن نمایاندر * معموره دلنشین شامده
وطنساز اولان دوستان مهمان نوازدن بری کندی مسکن کلشن
شکننده گوشه کیر آسایش چند روزه اولغیچون مقناطیس پنجه
ابرامن حلقه لجام ایتمکین حل عقده احوال اولنوب کشت و کذاره
نسیم آسای تحریک اقدام اهتمام اولندی (ذکر وصف سواد شام
شریف) خوشا سواد دل آرام شام که کوچهرلی مذاهب زندان
کی وسیع * دیوارلی همت مردان کی رفیع * روزن شه نشینلری
همحال دیده عشاق * رواق طاقلری دست بدست اتفاق * بیرون
بیوتی خشت کل اندوددن پرداخته اولغله اگر چه نوعا صورتغای
نمد پوشان فنا اولمشدر اما درون بهشت نمونی ماننده قلوب
صافیه مطهر و مجلا در نقوش زر جوش لاجورد نامیله تاوان
تابنده جاملری رنگ شکن سقف آسمان * وضع یشه کاری هفت رنگ
هزار پاره ایله فرش رخاملری حیرتبخش مجامع اختراندر اول
معموره دل آرایه کلشن قدیم نظم کریمده بالاخصاص ذکر
جاری اولان ربوه ذات قراردن هفت جوی کوثر سرشت توارد
ایدوب بالجمله اماکنده جاری * وماننده روح حیوانی مجموع
مواضعنه ساری اولغین بالجمله خانه تنک و فراخ صغار و بکارینک
مواضع عدیده سنده ساق سمین و سمین خوبان صفت آب صاف
متسلسل الورود صورتغای شرایین اجسام اولدیغندن غیری البته
رخام آینه فامدن بر حوض متناسب اندام * ساخته دست التزام
اولمشدر ریاض زهت آیینی آب خورده کاسه احسان حیاض
اولغین نهالستان ریاض دخی دوش حیاضه اوراق و ازهاردن
نوبنوالباس خلعت رنگین ایله ادای شکر نعمت ایتده در کرمی آفتاب
رهباب دخول اولماق ایچون شد نطق اتفاق ایتمش طاق برطاق
روشن و براق چارسولر که سودا کر نظر هر نقدر اضاعه بضاعه

(وصف شام)

الشریان واحد الشرایین
وهی العروق النافضة
ای المتحرک لسان العرب
الشریان بالفتح والکسر
یور که اولاشور بر کچرک
متحرک طمردر جمعی
شرایین کلور اح

نگاه ایلسه ینه پایا نندن تحصیل رأس المال استخبار ایتک بعید
ودلال افکار هر نه دكلو خطوه فروش شتاب اولسه ینه مشاهده
صورت هل من مزید در نظافت سخن دكا كنی غبطه گاه كبسه
اصحاب فنا * وزینت طاق ایاوینی خبازه بخش قبه سجاد (یت)
بود بمرثیه دلپذیر زینت او * که کرم وجود رود سایه ناید از دنبال *
میان چارسوی کدر شوینده جایجا خاطر زداود لکشا کر مابه لر که
بمجرد مشاهده طرح نظام جامه کنی انسانی لباس کدر دن عاری
ودرون خلوت نشاطده متواری ایدر جلای رخام فرش خرده کاری
اعتبار آینه صد فکاری به واسطه انکسار وفوران شادروانی
خاطر آب حیوانه وسیله غبار در هر خلوتنده نیچه خلوت نهان وهر
صفحه سنده نیچه صفت عیان اولوب نه بر صفت سی شادرواندن تهی
ونه بر خلوتی بر حوضه غیر منتهی در حجام نه طاق عبرت بر گوشه سنده
کشد راه اولقی مبالغتدن دکلدر (یت) همین که دیده بنظره
اش مقید شد * از اوبسعی بدر بردن دلست محال * ذکر اوصاف
قهوه خانه شام * خصوصا وطن تلخابه کشان غربت * و آرام
جای سودا زدگان * مربت * اولان قهوه خانه لر که ینه فرش
منقش ایله مشتاسی مصیقتدن رنگین مصیقتی مشتاسندن دلنشین *
سخن مشتاسی خاطر شکن سرمای وحشت * ساحه مصیقتی تعدیل
بخش مزاج الفت * فواره مشتاسی پیام آور کر مابه مرام * شادروان
مصیقتی غبار شوی دست و دامن آرام * سقف دیوار مشتاسی نقوش
مائی پسند ایله جلوه کر * فرش مصیقتی نهال شکوفه دار سایه کسرت
ساقی زیننده رفتار قهوه فروش پیمانه بکف * دور مجالس ایلد کجه
طرف طرف خوش نشینان نشین نشاط (یت) قهوه سوداسنی
سکر کبدر رمش دیرل * ساقیا لعلک ایله قهوه بی زمزمه ده ویر *
اداسیله حرف انداز معامله ناز و نیاز اولد کجه خویان قهوه فروش دخی

قولهم لا محالة ای لابد
وهو مصدر بمعنی التحول
ای لا تحول ولا انقلاب

(یت) صونمادی بکافهوه دیمد سن * نصیبک وار ایسه کلور
یمندن * مقالیه شکر ریز تبسم اولورلر ایدی رامشکران مطربان
شوق طراز (یت) کنج فراغ اهل دله قهوه خانه در * حبیله قهوه
مرغ دله دام ودانه در * تقسیم ایله نغمه پرداز اولد کجه گوشه کیران
ز برطاق صفت انبساط (یت) بر مهلقادن اولدی خالی زمانه ده *
اکسک دکل چراغی عجب آستانه در * منطوقی ایله هم آواز اولورلر
ایدی صبا ی نای راست نوا (یت) بشنو توننی چها چها میگوید *
اسرار نهفت کبریا میگوید * رخ زرد و شکم تهی و سر داده یناد *
بی نطق و زبان خدا خدا میگوید * صداسی ایله اوج مطربخانه دن
بنجگاه حواس عشاقی محیر ایند کجه بزرگ و کوچک عربان آهنگ
مخالف حجاز اوزره طرف طرف اهالی عراق و عجم نوروز رسیده کبی
فریاد لرین حسینی به چیقاروب حصار دایره محالسی مانده زمین
نیشابور زلزله ناک ایدرک (یت) غالبانایک ایچی بر کبی سوز دلدن * انکچون
قتی برقی بصره بلر نیرن * اداسیله تحقیق مقام ایدر لرودف صد فکاری
دست خنیا کران ماه سیمای زمزمه سازدن فریاده کلوب (یت)
چون دایره آن ماهوشم میدارد * گاهی به طنبجه دلخوشم میدارد *
کر ناله کم برویم افشانده آب * خاموش شوم بر آتشم میدارد * ولوله سیله
لشکر آلام مستعینه دایره کش حصار ممانعت اولد کجه تفنگ اندازان
دخان آه (یت) تادایره زیب کف یار اولدی ینه * خورشیده سحاب
برده دار اولدی ینه * تاب رخی چقدی طشره به دایره دن * مه هاله
ایچندن آشکار اولدی ینه * غلغله سیله طوب انداز کلبانک درویشانه
هوه و اولورلر ایدی (یت) جهانده کاسه تهیلک بلای جان ایدیکی *
خراس سینه طنبور دن نمایندر * مألن زبان مضرب جگر گاه
اعلام ایدر (یت) دل دایره وش سیله خور دست نمکدر * فریاد
سنگ ای شه بیداد الکندن * مضموتی ربان جلاجل افهام ایند کجه

زرد و درون تهی
نسخه

خنیا کران بضم اوله
بمعنی سرود کر و آواز
مطربان

این بیت از بحر هزج
اخر بومکفوف
و محذوف

افیون زده کان قهوه پرستک (بیت) تریاکی اگر سینه شود صد
چاکش * از دل نرود خباثت امساکش * مانده خشخاش
سر آورده به پیش * سر بر نکند تانه رسد تریاکش * مدعاسنی
مبین اولان قامت خجسته لری مار پیچیده کبی هم صورت چنبرد ف
ایکن (بیت) افیون مفرحبست که در کائنات نیست * انرا که نیست
نشئه افیون حیات نیست * دیه رک دودست حقه پیوستری
مضرب سینه خراش شوق و شغف اولمشیدی زمزمه کما پخته ناوک
انداز صف و حشت * ونغمه قانون شفا بخش خسته دلان
محبت * اولوب (عربی) آهوای رشاء اسمعنی القانون * فی حاجبه
الازج القانون * اقسمت بمن فی الیم القانون * اعیامرضی بقراط
والقانون * آوازه سی انجمن با آلا خانه افلا که پیوسته اولوردی بر
طرفدن ایسه کرمسازان هنکامه جنک جویان دیرین * وقصه
پردازان معرکه پهلوانان پیشین (بیت) ادای شوخ ایله لعلین قبای
شبشه می * محل جده بوکون کم حکایه باشمندی * وفقبحه دست
بهم زن * ونیزه خیرزان ایله قلب شکاف صف سخن * اولدجه
برشخواران سر بزانو کرز کران حقه برشدن خجسته اولان
قامترین هزار رنج ایله با آلا ایدوب بدیع وقاسم نامنده ایکی شخص
مجهول الاصل وعدم الوقوع غوغای ترجیح شجاعتی ایچون
نعره های های بنکبانه ایله صحن قهوه خانه بی میدان و ضایه
دوندور لر ایدی نیچه پابسته کان پیغوله فلاکت خامه مبلعه بی
زبان و دهانی حقه برش ایدوب لعاب سیال برش آلود ایله صحیفه
کریبان چرک آکینلرینه (نظم) مایه مایه جاندر برش * مرهم
قلب پریشاندر برش * خال رخسار صفادر افیون * طره عارض
عرفاندر برش * ویر انسانه حیات ایدی * جان بها اولسه ده
ارزاندر برش * ربه نشئه سن ادراک ایده نه * آب حیوانله

حاجب ازج ای
رقیق و طویل

ادای جوش ایله
نسخه

آکین بصدق ایچی وهر
نسنه نک که ایچی طولش
اوله اکادیرلر وایچنده اولان
نسنه یه دیرلر نعمه الله

یکساندر برش * رنج اندوه قومز دللرده * باد زهر غم دوراندر
برش * مقالن تسطیر ایدر لر دی برکوشه ده ایسه ابدالان بنک
خوار ناهشیار وادی قلندرانه ایله پالهنک سنکیتی زیب میان *
وفنایی نیم شکنی زیور سرب سامان * سفره چری بارحیرت کبی
بردوش * ومنکوش یشمی سخن کران کبی درکوش * وسر دسته
آبنوسی پیرایه زانو * واکتری کوچک نامنده برمه روی هم پهلوی *
ایدینوب اطوار خانه بردوشانه ایله (بیت) مستانه بترکشت ایده لم
هرسوقی * برصید و صدا ایله لم عبوقی * ای همدم جان بکوری
افعی غم * میدان کتور زمرده مسخوقی * اداسیله جرعه دان اسرار
حیرتبخشایی صفانظر یاران و بخش قلندران ایدوب اصطلاحات
مخصوصه لری اولان ترهات بمعنی و خلطیات بی نظام ایله گوشه
قهوه خانه بی همرنگ یتار خانه مجازین ایدوب بر بشقه عالم ایدر لر ایدی
ماحصل (بیت) غرضم ملک بقاییدی عدم راهندن * اوغرایوب شهر
وجوده او یالندن قالدیم * مصداقی اوزره اقصای مقاصد * اوصاف
علیه مساجد و مراقد ایکن رهگذار خامه هرزه کرد اوصاف شامه
دوشمکله سر کرم نشئه معجون صحبتی * و فریفته آب و تاب جمعیتی *
اولمغله (بیت) دل طفلی که آواره لکک لذت الدی * خیر ایتیز
اوبردخی دبستان امید * وفقبحه جیب ادا ربوده دست هوا
* اولمغین پنجه کریبان کیر شخنه ندامت ایله راه جامع امویه به
اماله قبالة عزیمت اولندی (ذکر اوصاف جامع اموی) مرابرید
بیاب البرید جامع شام * که بی برید نیارم برید راه مرام * الحق بناء کار
خانه قدر قباب سبع طباقه اساس افکن استحکام اولدنبیری نه اول
جامع شریفک زانوی ارتفاعنه سر سوده اوله جق بر بناء سرافراخته
عرصه ظهور اولمش * ونه قبه لا جور دکون کردونه قندیل زرین ماه
وخورشید آویخته اوله لی اول عبادتگاه رجت پناهک آرایش سقف و

قهوه خانه شام
نسخه

(بیان جامع اموی)

کنید لا جور
نسخه

دیواری بر آفریده آن صفحه تختیله سنده مرسم اولمش حرم ابناء کنک
فرش رخامنده عکس نواصی کرو بیان نمایان و دیوار فیضنا کنک سینه
بی کینه سنده رسوم اجنحه روحانیان جلوه کاند ر * بیک نگاه
سر منزل طولنه وصولدن عرض اعتذار * وکنند آه سقینه ارتقادن
بسط مقدمه آنکسار ایدر (بیت) قبله گاه صف مقصود اوله مر سن
ای دل * سینه چاک اولمحق صورت محراب کبی * و فقیحه سایه
رحمت نایه سی خوابگاه هفتاد انبیا صلوات الله علی نبینا وعلیهم اعلی
اوزره نبوت یافته تواتر اولان دیوار قبله بسنک دیده بینامی منزله سنده
اولان محراب اعظمک جانب میمند و واقع محراب مخصوص ابوالعباس
حضرت خضر علیه السلام که با آسند لوجه هر صعه سینه
دیوار مشابه سنده ایکی روزن مزینک آرایش کلبه جام ملونی اولان
ایکی لفظه جلاله تعیین حدود مقام خضره دال و اکثر از مانده اول
محراب سعادت نصایده مشهود آشنایان عالم حال اولدقلری پرده
پذیر اشکال دکلدر علی الخصوص شمع سرانداز انجمن نبوت * شاهباز
سرباز میدان رسالت یحیی پیغمبر صلوات الله علی نبینا وعلیه
حضرت تهرینک روضه شریفه نور یمازی که ماه منیر آسا هاله
آغوش جامع شریفه منزل و بدن جامعه جانشین سویدای دلدر
بحمد الله والهنه جوهر خالک پاک و دیعه کنجینه چشم عالم بین *
وعکس نقش حصیر فرش آستان شفاعت عنوانی پیرایه جبین *
قلندی (بیت) مظهر مر جت حضرت مولی اولدق * روضه
حضرت یحیایه جبین سا اولدق * ینه محراب اعظمک جانب میمند
چکیده قلم سوز حضرت ذی النورین اولان مصحف شریفک
سیره مزرعه رحمت اولان صفوف سطور ندن دست نگاه شکوفه
چین انبیا قلندی (ینه جوف دیوار قبله نهفته عبادتخانه خاصه
حضرت معاویه رضی الله تعالی عنه زیارته بسط سجاده همت

صفحه تختیله
نسخه
تألیک بمعنی یاد راجحی
هفتاد بمعنی سبعین

اولندی ینه جامع حیات بخشانک رکن شرق بسنده واقع مناره بیضا که
همسایه نیر اعظم مهمان ضیافتخانه طارم چارم یعنی حضرت عیسی
ابن مریم صلوات الله علی نبینا وعلیه حضرت تهری ساحه سرادقات
ملکوتدن همراهی صفوف روحانیانله پان جنبان خطه ناسوت
اوله جقلری هنکامده (بیت) انتظار ره وصلته غبار اولدی تنم *
باشم اوستنده یرایتسون اوکوزم نوری بنم * اداسی ایله صورت نمای
لسان حال اولغله منزل اولین قدم و آلا ترین عیسوی اولوب نیل
دولت پابوسلرنده اجزای ارضیه دن چوکان کوی ربای مسابقت
اولغین مناره عیسی نامیله سرفراز اوج اشتهار اولمشدر بحمد الله
تعالی درجات مرقاتی هم آغوش خطوط جبهه تعظیم و طریقه
نیاز مندان شفاعت اوزره صحیفه شریفه عنبر ینه مداد سوده
مردم دیده ایله (بیت) دیوان شفاعت ده ایا حضرت عیسی *
نابی قولک ایت بردم جانبخشله احیا * مألله عرض حال دل
سرکشته ترقیم اولندی (ینه اول جامع فردوس سیمانک نظرگاه
دریجه شرق بسنده بر حوض هفت خانه رخامیه میاننده قارپوز
قالدران نامیله برفواره طوفان خیر آوازه انداز شهرت اولمشدر که
ساعده سرین سمین سمین خوباندن افزون بر آب صاف کمال قوت
صعود ایله چرخ نه طاقه اطاله لسان ایدوب کردش هندوانه دکل
بلکه برقه سنکینی دستخوش بازیجه امتحان ایتک مقوله غلو
اغراق اولدیغی مشهود چشم نظاردن اول فواره سودا سوز
وصفوت سازه دیده کشای تماشا اولان تشمین نشاط کسترده تطیب
دماغ استقرار دنصکره جوهر نایاب کونین بهای معدن نبوت *
جسد ملکوت آرای سلطان رسالت صلی الله تعالی علیه وسلم
کنجینه روضه مطهرده دست زده دزدان نقب زن موش فن *
کفره افرنج اولغله قریب اولدقده ساحه عالم مثالده زبان کوهر

طارم یکدن اولان اوکه
اتراله اولر بدروهر قبه کبی
اولان نسنه ده استعمال
ایدنر فلکه دخی طارم
درلر نعمه الله

قل نابی قولک بردم
جانبخشله احیا
نسخه

چرخ ناصافه
نسخه

فشانلرندن ادرکنی یانورالدين خطابی کوشواره سامعه استعدادی
اولغله صبحدم خاك پاك مدينه منوره يه عنان انکیر مسارعت * واول
قطاع الطريق مارکرداری زیر خاکده محفور تیشه خدعه لری
اولان راه پنهانده کزیده افغی شمشیر همت ایتد کدنصکره طائر
عرش آشیان جسد مطهر محمدی بی صلی الله تعالی علیه وسلم قفس
بند شباک اولان سلطان عظیم الشانک مشهد نور آمیز لری زیارتیله
تنویر نظر اولنق ميسر اولدی اندن غیری جانب جنوبی شامده
آسوده نشینان محله خاموشاندن بلبل محفل طراز مسجد نبوی * یعنی
بلال حبشی * رضی الله تعالی عنه حضرت تالینک وابن عم حضرت
حبیب مختار * و برادر زیننده کهر حیدر کرار * جعفر طیار
حضرت تالینک وازواج طاهراندن ماعدا ایکبوزه متقارب حلقه
بندان دائرة مجلس نبوی اولان اصحاب کرام رضی الله تعالی عنهم
اجمعین حضرت تالینک مراقدی زیارتی ايله اکنساب انشراح درون
اولندی (ذکر اوصاف صالحیه شام) معموره شام زیننده مقامک
غریبه مائل شمالی جانبده ذروه قله سی پالهنک نطابق ابدال چرخ
نمد پوش اولان کوه بلند شکوه دامنده قصبه صالحیه واقع
اولشدر که سواد شامله میانده اولان لطافته لسان جری البیان
اشجار وانهار وسیله فیصل * و دو صحیفه رنگین صالحیه و شام
اطرافنده اولان وصاله سبز کون اوزره خطوط انهار سمیدن
مکرر جدول * اولشدر کویا صالحیه و شام دو کفه ترازوی لطافت
سنجدر کفه صالحیه ده خفت بنیان اولغله سواد شامه نسبت ايله
نوعا صورت ارتفاع نمایان اولوب (مصرع) بری بیرندن احسندر
بری بیرندن اعلا در * مصرعنه ما صدق واقع اولشدر قصبه
صالحیه نک طرفین شرق و غربنده واقع ارزه و برزه نام ایکی قریه
قرین الاعتبار بیننده یتش نفر جواهر کجینه نبوت دین مطموره

(بیان صالحیه)

خاک اولدیغی حدیث معجز بیان سلطان تختگاه لولاک ايله رسیده
درجه صحت ایدیکی جائز حد تواتر اولدیغندن غیری کوه جنت
شکوهک صدر و آلاسنده اجله مردان خدا اولان قرقر مقامی و مدار
سبعه سیاره آساید یلر مقامی مسافه بعیده دن نمایان * وانوار یله
دائرة شام درخشان اولشدر علی الخصوص مقیم روضه نعیم *
مرحوم سلطان سلیم قدیم علیه الرحمه نک آثار همت عالم کشاری اولان
جامع شریفده تنهاسوار مضمار ولایت * یکله تاز فضای حقیقت *
سالک راه وحدت وجود * کاشف رموز بود و نبود * باغبان
خیابان طراز فتوحات مکیه * طوطی پاك لهجه شکرستان
سنوحات غیبیه * اشهر الواصلین * اکبر المحققین شیخ محی الدین
این عربی حضرت تالینک و جناب ولایت پناه لری ايله هم پهلوی
نشین خاک اولان شیخ فخر الدین ابراهیم عراقی قدس الله اسرارهما
العزیز حضرت تالینک خاک آستان فیض رسانلری خلعت دوش اجفان
قلندی (ذکر فرمان برای شهر آیین) (بیت) زلف خم درخنده
بولدی قرار * شامدن چقمق استمزدل زار * رسمنده سواد دل
آرام شامک اشجار ملتفه سر با سمانی قفس طائر ضمیر * و امواج
مسلسل انهاری پای دل دیوانه یه زنجیر * اولدیغی حالده مکر اول
سنه عمیه المینه نک هنگام جنبش سپاه فصل بهارنده آصف اکرم
دستور اعظم صدر الوزرا * حضرت مصطفی پاشا * قلعه منیعه
چهرین تخرینه علم انکیر عزم عدوشکن اولد قلرینه بناء دستیاری
الطاف کرد کاری ايله قلعه مزبوره بی نمودار قلوب ویرانه کفار
بیوردقلری نویدی ايله طرف اقطار ممالک اسلامیه یه خوان بهنای
فتوح دن توزیع حصه مسرت اولغله (مصرع) هر طرف نامه
رسان پیک مرصع کمرست * و فقیحه سر شاطران رکاب همایون
نسیم مرده رسان بهار کی ترین شهر و بازار ایچون ابلاغ فرمان

نوید بمعنی مرده
پهنا اینلو و عریض

شهر باری ایتکه (بیت) کلک تشریفه بلبل ندا ایلر دوغایه *
 ینه کل چارسوی باغده سیرایت تماشایی * قولجه زینت عارضیه به
 کالا فروش استغنا اولان مفرح چارسولر * لباس آخرایله دخی
 جلوه کر اولوب اولدن مشاهده سی دو چشم تماشاییانی کفه
 ترازوی حیرت ایدرکن بوزینت تازہ دخی علاوہ لطافت اصلیه سی
 اولغله مد نگاه نظاری اندازه دیباچهای دهشت ایلدی هر گوشه
 برمفرح کاشانه به وهر دکان بر مین خانه به دونوب (بیت) رفع
 ایدوب شبهه پی اوستنده عیاندر دیدیلر * جنت التندہ یا اوستنده
 دینلر شامک * شعشعہ امتعه زرتاریله هر بازار بر مشرق انوار و آویزش
 اقمشہ پرنقش و نکار ایلہ هر دکان بر کلزار شکلند کردی (بیت)
 خیال هست چهارا که پرزد از شوق * که کرده اندز آیین زینتش
 پروبال * رؤس قلل و بروجدن انداخته اولان طوب و تفنک مجالس
 ملأ اعلائی خیر یافته نشاط * و کلباتک ادوات ناری ابرات ایلدی یکی
 زلزله قرار فرسا آسودکان لحاف خاکی نشسته مندان بساط ایلدی طاق
 آفاقه پرده سیه فام شام آویزان اولدقده غلبه چراغان ایلہ هر دکاندن
 نیچه ماه تابان و قنادیل فراهم شده دن هر طاقده بر پروین فروزان
 اولدی (بیت) شبش چنان بلطافت که دیده اعمی * زجیب شام به
 بید جمال صبح و مسا * خصوصاً بومقوله لیالی شاد مانیده اسواق
 شامه مختص اولان آلائی ارباب صنایع که بهر شب اون ایکش
 صنف اصحاب حرف که هر بر صنفک دست اختیارنده عصای آتش
 افشان موسی آسا بر شمع کافور و سائر نور سیده کان بازار ملاحظتک
 دخی نیچه سیمینلرند بر شمع سوزان * و دوش و میانلرند ساعد
 عشاق کی تیغ خونفشان * و تفنک زرنشان ایلہ کشت شهر و بازار
 و حکام شهر پیشگاهندن گذار ایدرلر (بیت) به فوج فوج ظریفان
 اولون لون لباس * جهان بجلوه درآمد با حسن الاشکال * مواسم

فرسودن سورمک
 وایاغله دیمک

فراهم جمع معناسنه در
 فعللر و مصدرلر اولارینه
 داخل اولور فاعللرک
 و مفعوللرک جمع اولسی
 قصد اولنوره ثلا فراهم
 آمدن دیرلر کلجی فاعللر
 برارایه جمع اولوق معناسنه
 فراهم آوردن دیرلر
 کنوریلن مفعوللری
 برارایه جمع ایتک معناسنه
 حلی

اسفار همایون شهر یاریده دار السلطنه العلیه ده جاری اولان اردو
 الایی شکلند هر فرقه مطلع جمعیتلرند نمونه کارلرین اعتساق
 اشخاصده هرور ایدن تختروانلرده ساده رویان خورشید جمال
 یدندن اشعار و مقطع نظام حرفتده شاه بیت قصیده شکلند بر
 تنها سوار میدان حسن جمال و لطافتی لپاچه فاخره ایلہ بر رخس
 نازنده خرامه سوار ایدوب بر کستوان کرانها ایلہ بر نیچه حبیب برزیب
 و سائر لوازم آیین پاشاییدن شاطران زرین طاس و سیمین تبر و مطره
 جیان زراسکوف بکاشی پیکر ترتیب اولنوب نیچه شهسواران
 خورشید منظر تیر کش و تیغ و خنجر ایلہ سلحدار و چوقه دار طورنده
 (بیت) آه کم بر سپاهی دلداری * بنی ایتدی صوقق سلحداری *
 مألن اظهار ایدرک قفارو اولوب طرفیده صف زده اولان
 تماشاییانه (بیت) هرکز نگاه کرم بمن رو نمیکند * نامشورت بکوشه
 ابرو نمیکند * مضغونی اوزره جنبش ابروی مشکین ایلہ صورت سلآمده
 نگاه التفاتیلہ افاضه نشئه حیات ایدرک و بعضی لایالیان بی پروا
 مشرب (بیت) رجای وصاله اوشاهه عرض حاللر ایتدک * نه بر محلی
 دیدر دکنه در کار ایدہ بلدک * و ققجه نیاز وصالی متضمن رفع
 ورقبارة عرض حال ایتدکجه (بیت) کوزا و جیلہ عاشقه که لطف ایدر
 کاهی عتاب * بر سواله بر قومز اول غمزه حاضر جواب * حقه
 اعلین لب شکر فشانی مشرق تبسم پنهانی * و بعضی سیه بختیان
 پریشان روز کاری جنبش چین جبین ایلہ عتاب و آزاره ارزانی *
 و نیچه نامرادک عرض حالن کر بیان صبر و آرامی کی چاک * و نیچه
 ناشادی جلاد بی امان شمشیر مرکانیلہ هلاک * و نیچه آزاده دلیری
 محبوس زندان چاه زنجندان ایتکه فرمان * و نیچه دلبسته لری بردار
 زلف پریشان ایتکه شایان * و نیچه بیکسیری دیوان زیر طاق
 ابروسنه احضار ایچون استعمال * و نیچه بوالهوسلری قاضی محکمه

فاخر ایلہ پاشانامنه بر
 نسخه
 پیشگاهنده بر کستوان
 نسخه

هجرانده مرا فعه به ارسال ایدوب لوازم داد و ستد و مرا اسم دار
و کیده بردقیقه کمتر نامری قومیبوب کذر ایتد کد نصکره بر فرقه
دخی طور آخر و پاشای دیگر ایله مروره باشلدی اولاطائفه بزکران
(بیت) دانه خالنه بق جنت رخسارنده * نیچه صبرایلسون اللهی
سورسک آدم * ترانه سیله زمین دل نظاره تخم محبت که رک و فرقه
آسیا بیان (بیت) کریبان چاکئی عشاق از ذوق فنا باشد * الف
در سینه کندم ز شوق آسیا باشد * مقالیه کلوی عشاق سر کشته حاله
دانه زین حیرت اولدیله * و کرم بازاران خبازان (بیت) ای دل
غدا ی روح ازین خاکدان مخواه * طوفان درین تنور مهیاست
نان مخواه * مألله تنور درون عشاقی فروندن فزون کرم ایلدیله
و آتش دستان کبا بیان (بیت) کباب آسا بلا بزمند کوردم قلب
عشاقی * مخالف دورالندن بر دم اغلر بر زمان ایگلر * ناله سیله
گوشت پاره قلب مشتاقی کوفته صفت نرم ایلدیله (جرب دستان
خوبان آشپزان (بیت) خوان احسانه اغیاری طیورمش دلبر *
کوکک ای خسته هجران نه نک آشن استر * مضمونیه سیر ساز
معدده اشتها پرور انتظار اولدیله * و شر بتیان بنفشه خال کلرخان
(بیت) شربت لعل روانبخشنه عالم تشنه * اوجفا پیشه لطافتده
برایچم صودر * زمزمه سیله حرارت کذار جکر سوختکان انکسار
اولدیله * کرشمه سنجان بقالان (بیت) برآفت بقال ستم سنجک
الندن * طاشلرله دو کر سینه سنی کفه میران * وزنی اوزره بادام
چشم و پسته دهان و لب انکین و روغن سرین ایله چهره سرکه
فروشان بازار انتظاری طبله خنده نمکین ایتدیله (و برشیم تنان
عطاران (بیت) صیدا تمکه مرغ دلی اول دلبر عطار * درهمله
تراوسن ایدر دامله دانه * و فقجه خال قرنفل نام عنبرین یو *
وطره غیر آلودمشکین * ایله تعطیر مشام اشتیاق عشاق رهنشین

سرون عارسیه بضم السین
والراء و یجوز سرین
یکسرهما بالترکیه اوجه
وبالعریه الورك کما فی
التقدمه والسامی وهی
ما فوق الفخذ
تمناک یاش اولمش تمکین
مثله بولفظ تمکین مرکبدر
تم لفظیله آکین لفظندن
ترکیب اولیحق الف
حذف اولنور تمکین دخی
یوبله در معنای غمله و غمله
طولش دیمکدر نعمه الله

ایلدیلر (و شکر فروشان شیرین لبان (بیت) قند بشقه باشنه کله جکر
برار ایدی * چاشنی لب جانانی کورنجه ایدی * ترانه سیله تلخکامان
زهرا به نوشان هجرانی لب قند ریزلندن خطاب مکرر ایله
شیرین مذاق ایلدیله * و حلوائیان شیرین حرکات (بیت) بلنی
قوجه ده در اول صمک درد و بلا * یوخسه شیرین لبی عاشقلره
حاضر حلوا * اداسیله دماغ خنظل آشامان حرمانی چاشنی نبات
التفاتیه فراموش کرده مرا ت اشتیاق ایلدیله * سیم ساعدان
سر تراشان (بیت) اول سر تراشه بنده اولور سینه سین کورن *
قورنقد جان اوستنه آینه سین کورن * نغمه سیله زیر تیغ سرتیزی
جای آسایش عدایدن سر برهنه کان منصفه تسلیمی سرب سامانندن
آناز سودایی تراش ایدوب * و خونریزان قصابان بی رحم دل
(نظم) قصاب دلبری جکر خلق پاره لر * قانلر دو کر غم مره سیله
قناره لر * قصاب چنکی ایتده اغیار یله ولی * عشاق سینه صافنی
کوردیکه آره لر * منظوقی اوزره ساطور نگاه پوستین شکافیه پاره
جکر قربانیاں بسملسکده محبتی زیور قناره مرکان خونپاش ایلدیله *
* زینده قدان خیاطان (بیت) آچدم متاع رازی برتری شوخنه *
چوق اولدی دوکدی کوردی جقشمن تکملدی * فحواسی اوزره
مقراض نگاه و سوزن مرکان و برشیم تارکسو و تابشیر غره روی
دلجو یلری ایله قامت انتظار نظاره جامه دوز اضطراب اولدیله *
(وطنازان قزازان (بیت) ایدردم دکه سینه رشته جانم ایلاک دلدن * غمله
اول مه قزاز اگر بازاره ال ویرسه * رسنجه تار شعله جلالری
ایله کریبان صبر عشاقه تکمه بافی انقلاب اولورل ایدی * چوانان
کفشکران (بیت) پابرهنه کوچه کرد آزاده بی قید ایکن * آه بر شوخ
کفشکر پای بند ایتدی بنی * قولنجه آوارکان کوچه هوایی ایاق
خفافی ایلدیله * و سیم تنان زرکران (بیت) تن زر سیم سرشک و کره

چوق کسدی
بجیدی کوردیکه
جقشمن تکملدی
نسخه

آهیم ایلہ * مسکنم چارسوی زر کره دوندی جانا * مقالیلہ پوتہ محبتہ
قال اولان دلسوختکان سکه دار خالص العیاری دلبصرافی ایلدیلر *
* سلسله مومیان آهنگران (بیت) دوشدی دایمان دله برشر رشور
افکن * عشق آهنگری زنجیر جنون اشرا یکن * ناله سی ایلہ آهن
سرد دوکن مجانین بیقیدی در زنجیر ایلدیلر * وهلال ابرویان
نعلندان (بیت) حساد ایکی یاری بری برینه چقرلر * بو خلق کھی
نعله کھی میخه ققرلر * آوازه سیله نعل در آتش اولان بیقراران
یادر هوایی تسخیر ایتدیلر * سرخ رویان سراجان (بیت) عنانم الدی
بر سراج زردوز ملک پیکر * که چرخ عکس رخساری کل شفتالورنک
ایلر * وفقجه عنان اختیار نظاری ربوده دست ناز ایلدیلر *
ونازک تنان دلاکان (بیت) سیه فوتیله کور جامده اول ماه تابانی *
اگر کورمک دیلرسک ظلمت ایچره آب حیوانی * ماصد قنجه برهنه
جسمان کوی ملامتی کر مابه نشین پرتف وتاب نیاز ایلدیلر *
الحاصل سه شبانه روز علی التوالی اهالی شامک قعود لری قیامه
وآراملری خرامه مبدل اولدی جنبش مقراض اشعه ایلہ مجموعه
ایامدن اوراق لیلال منقطع * وتوسط مسرت وانسباط ایلہ اجفان
انامده هیئات اتصال منفذ اولدی (جامه خوابلری محمل نسیانده
برجیده چارشیلری آبدان تعطیلده پیچیده اولوب طرف طرف
حلقه انجمن یاران صید طائر عشرته حلقه دام * ومشاهده
جال خوبان دیده زده جابگیر منام اولدی (بیت) نه عجب تیر پکر
ذوق وسرور ایامی * ایرمدین نصف نهاری ایشور اخشامی *
مضمونی خاتمه صحیفه شادمانیده نمونه امضای انجام اولوب (بیت)
لباس عاریه درهب پکر کوکل اوله * فریب خورده ترین چارسوی
جهان * مالی صورت آرایش ایامدن پرده کشای ابهام دوام
اولوب (بیت) شامی کوردک ینه تحریک رکاب ایلیم * کل کوکل

سوز افکن
نسخه

ادیم عکس
نسخه

دوام اولغین
نسخه

اصلی به شتاب
نسخه

مقصد اقصایه شتاب ایلیم * دیه رک چشم سار شامدن دست شوی
آرام * ومصر قاهره یه اماله لجام اولندی * نهضت از بلده
لطیفه شام * او خنجی منزله مسند آرای کلبه احزان * پیر پاکیزه
ضمیر خانقاه کنعان * حفید جدا الانبیاء * ناله سنج واسفا * یعنی
جناب یعقوب صلوات الله علی نبینا وعلیه حضرت تیرینک (بیت)
سر شک دیده سی اوستنده پل کی خم ایدی * فراق یوسف ایلہ
قدی پیر کنعانک * مضمونی مبین ساخته معمار همت نبویلری اولوب
ینه اضافه اسم سامیلری ایلہ نائل رتبه افاضه اولان جسر یعقوب
علیه السلامدن مانده سیل اشک کذار اولندی * وپیخته غربال
تواتر اولان حبوب اخبار وفقجه مردم چشم عالم بینلری پیر و
یوسف علیه السلام اولتجیه دک ینکان خاراکدار سر شک
آتش نلریله اول حوالینک اجاری سوراخ سوراخ اولدیغی ممر نظر
حیرت قلنه رق (بیت) یوسف از بهری اخوان بچاه افتاده
است * بیخسد نبود برادر کریم زاده است * مصداقی اوزره
اول محراب ابروانی سجده گاه کواکب اولان ماه منیر اوج رسالت
افتاده چاه رصد حسد اخوان اولوب هاله آغوش غیابه سنده
خلوه کر اولدیغی چاه صفوت پناهه القای کنند نورنگاه و آب
دل زداسی زیارتگاه افواه اجفان قلند قد نص کره هفت روزه طی
منازل ایلہ قصبه رمله بازده خیول وصول اولد قدده اجمال واثقالدن
مجرد طریقله زیارت بیت المقدسه تحریک قامه شتاب اولندی
* عزیم کردن بسوی قدس شریف * رهنمونی فیض خدا ایلہ روزن
کشای حرم اقصا اولان مهمانسرای چرخ آشنای سلطانیه که
ملوک ممدوح السلوک مصریه دن سلطان قیلبای علیه الرحمه نک
ارتفاع درجات داریننه دال * ونقوش خرده کار رخامیه فرش
ودیوار * وسقف شمشعه پاشی صورتغای امتاع قبول مثالدر

بیان
(زیارت بیت المقدس)

اول منزل و آلا ده خطه را حله چند روزه قلنوب رو مال خاك عطر ناك
 حرم اقصايه مسارعت اولندي حقا حرم نور پيای مسجد اقصا
 يز ساحة روح بخشادر كه سكر يوز قرق ذراع طولی و بشيوز
 يكرمي بش ذراع عرضی فرمان بنای كارخانه قدرله رسم كشيده
 پر كار كوشه بال روح الاميد در دأره سور معموره قدس مبارك
 مقدار ثلثي ساحة صحت بخشای حرم اقصی اولوب ثلثان آخری
 مساجد و مواضع بيوت ناس ایدیكى قرار داده مهند سیان دیار در
 (اولا حرم مكرم اقصی حصار جنوبی و شرقیك ركننده غایت
 ارتفاع اوزره واقع اولوب طولی جنوبی شماله و عرضی شرقی
 غربی دوشمشدر و بوحرم شریفك طرف غربی و شمالیسی معموره
 شهره متصل اولوب بالجمله مدارس و طرف شرقی و جنوبیسی
 وادی و كهسار واقع اولوب حتی اوندن زیاده روزه خاطر كشاسی
 بالآی حصار دن جانب جنوبی صحرايه كشاده واقع اولمشدر
 (و حرم شریف اقصا نك شمار طبقات افلاك اوزره نه دریجه
 ملائك نشینی اولوب اشرف اشهری دیوار شما لینیك ركن شرقیسنه
 قریب محله واقع اولان باب الخطه در كه معموره نظم الهیده
 كرمه (و ادخلوا الباب سجدا و قولوا حطة نغفر لكم خطایا كم
 و سنزید المحسنین) ایله اعتلای شانی مبین اولدیغندن غیرى بالجمله
 انبیای كرام صلوات الله على نبینا و علیهم السلام حضرت تلى
 قادمه چنان زیارت اولدقلرنده اول باب سعادت اتسابدن داخل
 اولوب على الخصوص تنها سوار میدان اسرى صلى الله تعالى
 علیه و سلم حضرت تلى دخی شب معراجده رهنمونی روح الامین
 ایله اول باب آسمان جناب سده سین مغبوط قباب نه رواق بیورب
 عنان براق باصره رفتاری مر بط ازمه خیول انبیا اولان حلقه
 سعادتداره بسته بیورمشدر در (و باب الاسباط دخی باب الخطه

الخطه خاتك كسر يله
 شول پردر كه بر كپسه
 كندی نفسی ایچون
 اختیار ایدوب انده بنا
 یاغنه علامت وضع ایدیه
 ومنه خط البصره
 والكوفة و انقولى

ایله علاقه کیر تقارب اولمشدر را کر چه مر سوم كوشه بال روح
 الامین اولان دأره حرم مكرم بالجمله مسجد اقصی ایدیكى متخیر
 درجه تحقیق ایدیكى مسلد ر لکن حالا احاطه دأره حرمد
 مسجد اقصی نامیله سرافراز اوج اهتر از اولان جامع شریف
 دیوار جنوبیده جانب بیت الحرمه توجه اوزره زانورده قعد
 استحکام اولوب جانب غربیسنده مسجد مغاربه نام بر مسجد
 طولانی و جانب شرقیسنده حضرت عمر الفاورق رضی الله عنه
 سواد مرقع معموره قدس مبارکی دست عالمکشای یله صور
 وجود بدبود كفاردن تخلیه و تطهیر بیور دقلرنده تعمیر کرده
 معمار همت بی همتاری اولان مسجد همزانوی صف اتصال واقع
 اولوب جامع اقصادن پابرجای قیام اولان ستون رخام ابرفام خارج
 مراتب شمار * وزخم رسان سبابه تعجب نظار در جانب یمین
 منبرده قامت افراز ساحة اعزاز برستونكه حالا آویش كوشواره
 مینافام قنادیل ایله اجرای مراسم تعظیم اولمشدر اول سرو ریاض
 قدسك سایه دولت مایه سنده کلچین گلشنسرای افلاك * بالانشین
 سریر لولاك صلى الله تعالى علیه و سلم حضرت تلى اکثرا دودست
 خرائش كشای شفاعتترین قفل کنجینه صلوة بیور دقلری مشهوره
 نكشاده چشمان صورت و معنی اولغله اول مسند و آلا ده تخته دریوزه
 دست دعا و نیاز نقد اجابتدن تهی اولدیغی اشباهدن خالیدر
 مسجد عمر رضی الله عنهدن ركن شرقیه به و رنجه رتبه عشره به
 قریب طاجه لاله بر صفة طولانی ساق زده استقرار اولوب تختی محبس
 عفاریت جناب سلیمان نبی صلوات الله على نبینا و علیه در كه هزار
 عماد دیوشكن ایله مغالك هولناك زیر زمینده میانه تقویم فناده ماننده
 شب یلدا تاریك و طولانی * قلوب شیاطین کی ظلمانی جلودانی *
 واقع اولوب هدم و تخریبی بیرون یارای قوت انسانی اولغله بنای

یارای بمعنی طاقت
 یعنی مجال

سایمانیدن باقی قالمشدر اول زندان واهمه رسانه متصل رکن
حقیقی شرفیده حضرت مریم رضی الله عنہا نیک ایام حیاتلرنده
اقامتگاه استراحتلری اولان بر حجره روشن که زردبان چند پایه ایله
زیر زمینده کوشه نشین خفا اولوب دیوار قبلهسندده سینه کشای
هدا اولان محراب مریم پیشگاهنده رخام مجلادن برکنه روحانیکه
خیر مایه انقاس حیاتبخشا * یعنی ذات آسمان مسند مسیحا *
هنوز پیچیده قاط شیرخواره کی اولد قلری حالدده مهد وجود
نازینلری اولغله جانب طارم چارمه خیازه کش حسرت اولمشدر
وینه اول حجره دلپذیرک دیوار شرفسندده واقع صفه ده محراب
حوارین قنبدیل فروزتبعین اولمشدر رکن شرقیدن رکن شمالیه به
وارنجه تأسیس کرده اندازه معمار حکمت اولان حصار مغفرت مدار
شرقی که وسطنده باب الرحه و باب التوبه نام ایکی باب دولت مأب
سینه کشای مطلع آفتاب اولمشدر * اول ایکی در حکمت اثریشگاهنده
اعاذنا الله تعالی وادی هولناک بعید الفور مغاک بحیمدر که بر مقتضای
تعیین ازلی حالا مقبره عذاب نمود کفره یهود اول وادی کافر سوز
درونده صورتهای جدی روی زمین اولوب روز جگر سوز رستاخیزده
کندرگاه رهروان نعیم و بحیم اولان جسر صراط وضع اولنه حق
محلی تعیین و اشارت ایچون باب الرحه ایله مهد عبسی یلنده بالای
حصار شرفیده اوج ذراع مقداری برستون رخام بینه اول وادی
دهشت انداز اوزره خارج حصاره اطاله اولمشدر جناب سلیمان
صلوات الله علی نبینا وعلیه حضرتلری فرمان مبدع کارخانه
ایجاد ایله اتمام بناء بیت المقدس بیورد قلری شام مسرت انجامده
نیت زیارت ایله باب الخطه دن درون حرم محترمه کامزن دخول
اولدقده دائره حرم مقدسی لبریز نور الهی مشاهده ایتلریله تاب آور
تاب تجلی اولدقلرندن پای عزیمتلرین کره بند زمین حیرت ایدوب

پیچیدن بومق
وطولاشمق
القماط قافک کسر یله
شول نسنه در که انکله
بشکده اوغلانی بغلر

آینه زانولرین نهاده روی زمین ایدرک اول نشئه متد صهبای
بی خار تجلی روش مستانه ایله بر نیچه قدم طی ایتد کلرنده فرمان
حضرت کریم چاره ساز دنواز ایله صخره مبارکه نیک بر قطعه سی
استقبال ایچون سنک فلاخن سرعت اولد یغنده اشارت سلیمان نبی ایله
اول منزلده کوشه کیز آرام بزدوام اولمغین با لای سر سعادت اثرینه
ابر قبه بنیاد بیوروب بینه فرمان آرائی انس و جن و وحوش و طنبور
ایچون ترتیب دیوان بیورد قلرنده کرسی حکومت نبوت توأملری اول
جایگاهه قریب محلدده موضوع اولد یغنک اشارتی حالا هویدادر
(اما زمین حرم ارم توأم اقصابه دست فراش صنع ازل ایله قالیچده
بریشم تار سبزه همواره کسترانیده قلوب جابجا آشیانه طائر قدسیان
اوله حق اشجار سایه دار * ریشه انداز زمین استقرار اولمشدر
میانده حرمدده حرم مخصوص صخره مبارکه که بش التي ذراع مقداری
ارتفاع اوزره تخمینا اوجریوز ذراع طول و عرض ایله مرآت
صورتهای رخام مجلادن بناء اولنوب پیرامنی بینه رخامدن بذر ذراع
مقداری دیوار چه ایله احاطه اولمشدر رکن غربیسنده روز بازار
قیامتده میزان عمل سنج اتمام موضوع اوله حق محلدده نیچه ستون
موزون رخام اوزره برضیر مطبوع السما * و بر محراب سینه کشا *
بنا اولمشدر و بوساحه تابنا کلک جوانب اربعه سندن سکن یردن
یکرمیشر پایه دن افزون سلم سلامت فرمایه ارتفاع اولنوب پایه
پایینی مسافه بعیده دن تأسیس اولمغین غایت بهن و فراخ واقع
اولوب هر پایه سنده پهلویه پهلوی بیکرمیشر آدم پائنهاده صعود
اولق حیرت امکانده در (و بوساحه دلارنک آغوش میانه سنده
قیه صخره مبارکه بیضه طائر سعادت شکلنده جلوه نما اولمشدر
قبه نور یمانک نصفه بالغ اولنجیه دک اطراف لباس رخامیه ایله
بر حرم هشتخانه هاله وارا حاطه ایدوب اندن بوقار و ناکنکره زرین

قبه به دك خلعت كاشی نادیده نقوش ایله جلوه نمای طرز آخر
اولشدر اول قبه عالیشانك بنای اصلبسی ملوك امویه دن سلیمان بن
عبد الملك بیضه طائر همنی ایکن بعده الباس كاشی و رخام
بهشت آشیان (مرحوم سلطان سلیمانك) دوخته كارگاه همت
بی همتاریدر زیر قبه سپهر مماسده تخمینا طولایکرمی و عرضا اون
سکز ذراع مقداری قفص احاطه سنده طائر زینده پرواز اوج
سعادت یعنی صخره مبارکه جانب قبله به توجه اوزره آسوده بال
آشیان استقرار اولوب شش جهت دن قطع روابط و اتصال ایله
علاقه پذیر و وقفه امتثال امر ذوالجلال ایذیکی پیوند کسل جبال
قبل و قالدر (دوش میثنده نقش تمغای اثر پای محمدیکه تشریف
سر ادقات ملکوت پیوردقلری شام طرب فرجامدن یادکار قالبوب
ماننده دهان کوهرفشان (یت) چون غلامبست که کم کرده خط
آزادی * هر که پیداغ تودر عرصه محشر گردد * ترغیله لبریز
مباهات اولده در * بهشت مسند (مرحوم سلطان احمد اول)
صورتمای فاخنه شاخسار خدایی تعظیما مکین قفص سمین ایدوب
نوبنو کلاب ایله پراولغین اول فیضله وجوه نواصی زوار
مشارق انوار اولده در (مهمان کرامی ترین ایزدی صلی الله تعالی
علیه وسلم حضرت تلی رخساران آسمان اولد قده صخره مبارکه
کشش جذبه محبت ایله بیقرار اولوب آماده پرواز مر افقت اولدیغی
حالده فرمان یزدانی ایله حضرت روح الامین نیم راهده تمکین
پیورمد لیه آثار خامه انامل روح القدس صحیفه صخره مبارکه ده
مر تسم اولشدر * و بر جاننده دخی رخصت یافته کلکشت
چترار فرادیس * جناب ادریس * صلوات الله علی نبینا وعلیه
حضرت تلینك اوندن متجاوز نقش قدم مکرملری دیده کشای
جانب آسمان اولشدر زیر سایه دولتمایه صخره مبارکه برغار

پیوند اولاشق سبب
اتصال حلیمی
تشریف سر پرده
سر ادقات نسخه

صحیفه بدن صخره
نسخه

شکلنده نمودار اولوب جانب قبلیدن زردبان هفت پایه ایله اول
مخزن اکسیر سعادت وضع قدم زیارت اولنمده در (لیله معراجده
امیدگاه کافه عجزه عصاة صلی الله تعالی علیه وسلم جانبندن
ناطقه سنج رجای شفاعت اولان لسان بلیغ الیانی جسم مبارک
صخره دن متمیز اولوب مالشگاه افواه وجباه اولشدر طرفین
زردباننده محراب داود و سلیمان صلوات الله علی نبینا وعلیهما
السلام صورتمای دو چشم جهان بیندر که اکثر اوقات حیاتلرنده
اول محرابلرده سجده بر درگاه قاضی الحاجات اولشدر (قافله سالار
نبوت صلی الله تعالی علیه وسلم حضرت تلی لیل معراجده امامه
سجده اصفیا * یعنی امام صف انبیا * صلوات الله علیهم اجمعین
اولغیچون مر دمك دیده محراب اولد قلرنده اثر علامه مبارکه لری
سپنه صخره ده اثر ایتمکین بر هیئت مقعر جلوه کر اولوب شام
وسحر بر قنبدیل ضیاءش فروزان اولمده در * بر کوشه سنده دخی
بر صفة مختصره کهینه شب بر طرب معراجده تنهانشین منصه رسالت
صلی الله علیه وسلم حضرت تلینك کوشه دامن دولت پیرامنلرینی
بر کر به یستر خواب ایتمکین اطارة خواب راحت کر به مسکین تجویز
کرده شفقت دلنوازانه نبویلری اولماغله کوشه مامن دامنلرین بریده
مقراض مر حمت پیوردقلرنده کر به ناهشیار فرمان مغیر الصور ایله
صورت عجزده جلوه کر اولوب تابقیامت خواب سنکینده مشاهده
صورت بیداریدن وایه کیر حرمان اولشدر حالا علامتی هویدا *
ومحل احابت دعادر * بر کوشه سنده جناب جد الانبیاء * خلیل خدا *
صلوات الله علیه وعلی نبینا حضرت تلی نیچه دفعه اصحاب بصاره
هویدا اولغله محراب ابراهیم نامیله مر سوم صحیفه دیوار اشتهار
اولشدر بالای صخره مبارکه ده داود علیه السلام حضرت تلینك
ساخنه دست اعجاز آهنکدازلری اولان درخت پرشاخ وبرک

محرابلرده سجده
پروردگار قاضی
الحاجات نسخه

آهین ایلہ سپر سید الشہداء حمزہ باصفا سایہ انداز شہرت اولمشدر
(ینہ درون قبۃ صخرۃ اللہ دہ امید گاہ اہالی ایمان یعنی در روضۃ
جنان اولہ جق محلہ یسرنا اللہ وایا کم باب الجنۃ تسمیہ سی ایلہ بر رخام
سبز کون وضعی ایلہ اشارت اولنوب مائدۃ آسمانی دخی پیش نہاد
مہمانان یردانی اولان محل بر رخام سفرہ سیما ایلہ تعیین اولمشدر
واسطۃ نزول کریمۃ ہل اتی ماصدق وصف لافتی باب مدینہ
علم اجدی * شا کرد در سخنانہ محمدی * علی بن ابی طالب کرم اللہ
وجہہ منظور اصحاب صدور اولدینی محل مقام علی تعیینی ایلہ
زیارت گاہ اصحاب انتباہدر اماندرون قبۃ رفیعہ صخرۃ مبارکہ دہ
نکاشتہ قلم استاد ازل اولان نقوش حیرت فزا * نور نگاہ مخروطی
الشکلی ہمرنگ دم طاوس * وعکس جام روزنی نظاری ہمچشم
خروس ایدوب خصوصاً صحائف جدرانندہ شکافتہ ارۃ حکمت
ونکاشتہ قلم قدرت اولمش رخام آیینہ انداملر کہ چار قطعہ سندن
بررکابۃ موزون یا خود بر شمسۃ خوشنمون بدیدار اولوب کویا
خلاق ازل عز وجل * نکارخانۃ صنع از لیدہ مطلق آرایش دیوار
صخرۃ مبارکہ ایچون رسم وایجاد اولمشدر تخصیص ایکی طاوس تمام
الاعضا برکاسہ بہ سراندا از اولمش صورتی ہویدا اولدینی اصحاب
بصیرتی سر افکندہ زانوی استغراب ایتہ دہ در خوشا صخرۃ
مبارکہ کہ میانہ اجزای ارضیہ دہ ذات مقدس الہیہ بہ اختصاص
ہمسنگ ترازوی قدر عرش اعظم اولوب فرقہ انبیای کرامہ
زیارت گاہ * واقدام فیض کاهلرینہ بوسہ گاہ اولدیفندن غیر
سلطان عرش مسند صلی اللہ تعالی علیہ وسلم حضر تارینک
خلوتخانۃ خاص الخاص قریبہ عروجلری ہنکامندہ بام آسماندن
آویزان سلم نورانینک متکای درجۃ بانی اولغلہ اثر قدم شفاعت
توأمترین حلقہ کوش افتخار ایمان مرتبہ سندن فضلہ روز جگر

سوز رستاخیزدہ دخی تفریق اہالی بہشت ودوزخ ایچون منصہ
محکمۃ قاضی الحاجات اولوب زمرۃ عصا زوارینہ لب جنیان
شفاعت اولہ ہزار ہزار شکر حضرت خالق بیچونہ کہ مہمان رباط
چار صفہ بدن یعنی روح بر محن * راحلہ بند بندرفنا اولدین ناصیہ
سیاہ گاہ آلود اول سنک مبارکہ مالیدہ قلنغلہ داخل شمار زوار
اولمشدر اولدی المنة اللہ تعالی وتقدس نکار صخرۃ مبارکہ دہ رخام
مجلادن برقبۃ خوشنما بنا اولنوب قبۃ المعراج اسمیہ طواف گاہ انس
وملائک اولمشدر سودا کر بازار ملکوت صلی اللہ تعالی علیہ وسلم
حضر تلمی راہ آورد صلوات خمس ایلہ نازل مظہورۃ خالک اولدقلندہ
ابتداء تحریمہ بند افتتاح صلوة اولدقلری محامدہ دخی بر محراب
سعادت نصاب یا برجای قیام اولوب شاہد با لاخرام دعا اول محراب
شریفہ کلکونہ تأثیر نما ایلہ سرخ روی اولہ کلکین قزل محراب
نامیلہ شہرتیاب اولمشدر (وینہ خارج قبۃ صخرۃ مبارکہ نک جانب
شرقبسندہ محکمۃ داود صلوات اللہ علی نبینا وعلیہ اولان موضع
اوزرہ قبۃ السلسلہ نامندہ ہشت طاق رخام اوزرہ برقبۃ زینندہ سیما
جلوہ نما اولوب بہشت مکان سلطان سلیمان زیور بند کاشی
خوش نقش اولمغین (یاداود انا جعلناک خلیفۃ فی الارض) نظم
کریمین الی آخرہ آرایش کتابۃ بالای طاق ایلمشدر (وینہ اول
محل معتبرہ قریب مقام حضرت خضر علیہ السلام بر رخام آہری ایلہ
تعیین و اشارت اولمشدر (خارج حصار قدس مبارکہ دہ پیش گاہ
باب الخطۃ دہ مزار عصمت مدار مریم دفین آغوش زمین اولوب
(ینہ خارج حصار دہ جانب غریبہ ہر قد نور آلود حضرت
داود صلوات اللہ علی نبینا وعلیہ بر مسجد و آلاقیاب داخلندہ
حجرۃ بہشت اثر درونندہ مواری لحاف خاک اولوب استار زرین
تار صندوقہ مشہور لری نور بخشای اغواہ زوار اولمشدر

المظہورۃ میم فتنی
وطانک سکونیلہ شول
حقورد کہ اندہ ترکہ
صاقلنور وانقوی

(وینه معموره بیت المقدسك جانب شرقی سنده سر بر آورده مقرر
کردون اولان كوه بهشت شكوه طور زیتاده مضاجع انبیا و شهدا
مانده انجم جایجا ضیا بخشا اولوب امكنه متعینه دن مزار لامع
الانوار) حضرت عزیر و اثر قدم روح الله و حالت رعی اغنامه
نالشكاه (كلم الله صلوات الله على نبينا وعلیهم دن غیرى مزار
رابعه عدویه رضی الله تعالی عنها زیارتگاه قدسب اندر) فریاد
گریه خیرهای های حسرت * زلزله افکن اساس کردون * وشعله
آه عالم سوزندامت * داغزن درون چرخ نیلگون * اولق
سزادر که بیم نیره سرتیز زهرنان امان ندان جانب خلیل خدا
(حضرت ابراهیم و حضرت موسای کلم صلوات الله على نبينا
وعلیهما حضر تلرینك) و کجینه مدفن ابراهیمه مدفون اولان
جواهر فروزنده درج نبوت یعنی جناب اسحق و یعقوب و یوسف
صلوات الله على نبينا وعلیهم حضر تلرینك زیارت ریاض
مقدس لرینه خار دیوار بممانعت اولوب شوق خاك آستان لرینه آغوش
ناصیه امید خیمازه کش تحسرقالمشدر * وصف ريك بی امان راه
مصر * قدس مبار که ده سه روزه آرامد نصکره ینه رمله و غزه جانبینه
عنان کردان اولوب غزه یه قریب محله قبور شهدای عسقلانه
آمد شد سفیر دعا در کار قلندی (غزه دن بشنخی منزله واقع قلعه
عریش ایله صالحیه مصر بینی که بش مرحله در آب ودانه دن
نهی ریکستان اولغین) بیت چون کذشتی از ریاط تن دکر معموره
نیست * زاد راهی برغیداری ازین منزل چرا * آوزه سی اقلام
السنة اصحاب و قوفدن مرسوم صحیفه سامعه اولغین ماکل
و مشارب پنج روزه تحمیل دوش جال قلنغله دریای رمالده شتابه
عزم اولندی واقعا عرضا بش التی منزل طولایکرمی منزل مقداری
محل لب بحر سپید دن کنار بحر سوبسه وارنجه بیخته غربال تنك

السفير بفتح السين
وكسر الفاء بمعنى
الرسول ومن يصلح
بين القوم واتقولى

چشم اولمش ريك ساعت مثابه سنده ريك سفید كسترده دست
فراش قدرت اولوب میانه ده طاق کردونه پیوسته کوهلر که تازیانه
تحریر باد ایله موجه دریایکی یققرار و دستخوش بازیچه روز کار اولوب
(بیت) روز کار یست که باریک روان باسفرم * میروم راه زمزل
خبری نیست مرا * و فقیحه دست استاد صنعله مانده آلات
شطرنج بر ساعت برخانه ده آرامی محال * وجنبش چو کان
روز کار یله کوی صفت بر ساحه ده استقراری منعدم الاحتمالدر
(بیت) بادر عشق طاقت و بی طاقتی یکست * تمکین کوه و کاه
درینجا بر است * الحاصل اول بحر مواج ريك ایچره غوطه خواری
اضطراب ایله عزیمت اولند قده قوایم خیول قارونه قرین * و خم
خسروانی کی شکملری زیب زمین * اولوب صفحه ريك اوزره
آثار اقدام مطایا برینه نقش نخته رکاب هویدا * و رسم قوایم
جباله بدل عکس داغ سینه لری پیدا ایدی سوار لر پیاده شککنده
نمودار * پیاده لرك ایسه انجق عقده زانوری آشکار ایدی
مبالغه و اغراق دکلدر * اوتاد خیامه استقرار حیر امکاندن دور
اولغین دستبرد تاب آفتابدن سایه شب چشم اعتباره سرمه
صفاهانیدن برتر * و پای دواب قرار داده اوله جق مرتبه زمین سخت
تخت سلیمانیدن نازکتر * کورینوردی نه حال ایسه بوکونه رنج راحت
فرسایله پنج شبانه روز افتان و حیران (مصرع) ایده لم طی بیابان
برایچم صودییه رك * نخلستان قصبه صالحیه آشپانه طائر نگاه
اولد قده حکایات الفرج بعدالشد صحیفه دلده مرقوم اولوب
سایه نهال بالاکش خر ماده وضع خیام آرام اولندی * ذکر و وصف
زمین حرم مصر * او آخر فصل مهر جان اوائل فروردین مصر
اولغین تمام هنگام اعتدال هوا سنه مصادفه اولد یغندن فضله آب
نیل تمام اراضی ساهره غبرای قاهره بی مستور دامن همت ایندیکی

فرسودن بمعنی ضوابط
و بوزلق واسکیوب
دید ملک و سور ملک
و یاغله دیمک

موسم اولمغه کمر بیان صالحیه دن دامن مصره وارنجیه دك
دربش منزل مقداری فضا لباس آبگون آینه سیماده ناپیدا *
اولوب انجق کذرگاه ره روان ایچون تخمینا درت بش ذراع عرضنده
براه مرتفع و مفرح قالوب میانه آب کوثر سیماده بر منزل خد نك
مقداری محله برقریه قصبه نمون جایگیر اولوب بر راه باریک ایله
یکدیگره اتصالی اولمغه هر چار قریه نك مایینی بر حوض دلپذیر
شکلنی اشعار ایدوب ساحه قراده اولان هر نخل سرافراز (بیت)
میان نیلده هر نخل خرما بکزدی کویا * شناور لک ایدن بدلیر کا کل
پیشانه * مضمونی افاده به لسان حال اولمشدر اما خیاط صنع الهی
زمین دلنشین مصری گاه لباس آبگون ایله پرده و گاه لباس برده
سبز رنگه جلوه کرایمکن شاهد مستانه رفتار نیل تدریجیه دامنکش
اولدیغی محالردن آثار قدم خضر کبی سیره بریشم نار فرس
ذمرد کون سرزده اولمغه یوز طوتوب میانه نیلده طپور متنوعه طبران
وجریان ایند کلرین شکار شاهباز نگاه ایدرک هر مسافه ده بر موج
مسرت استقبالی و هر کامده بر کره دل انحلالنده طفل سر در هوای
دل آغوش ام الدنیاده غنوده استراحت قلندی * ذکر اوصاف
مادر دنیا * خوشا بلده معظمه قاهره که فسحت دایره سواد ی
پر کار قیاسی فرسوده قدیم * و کیوتیر کام تخمینی کسسته دم ایدر
ساحه ارتفاع طبقات پنجه کانه بنیانی بیرون یارای مد بصرو و کنگره
سطوح سرادقات ایوانی شکست آوراندازه نظر در معانقه عمارات
طاق ابرمماسی سده جکر فلک و مزاحمه منارات زواق بر رواق انکشت
نماسی مانع جنبش بال ملکدر رشک کثرت قباب انجم حسابی
خراب ساز خاندان حباب و ماهجه زراندوده منارات رفیع سی طنبجه
زن صورت آفتابدر * دروب زاهت مصحوبی جداول صحایف
دواوین کبی بهن و راست و نسق آرایش دکا کین واسواقی نظام

دل انحلالیه نسخه
آغوش رموز ام الدنیا
نسخه

غنوده او یومش
و آسایش معناسنه

ماهجه بمعنی علم در که
سبحاق باشنه کچوررل

دروب صوفاقلر
معناسنه

پروین کبی بی کم کاسدر سایه مظله بنیاننده مجموع طرق واسواقی
دستبرد پنجه آفتابدن آسوده و سر جله عیون ایوانی آغوش
دایه صفا پرور طاق سایه کسترده غنوده در * هر خانه صد بیی
بدولتسرای عالی و هر دریچه سی منقش کرایله بر عروس لایالی *
هر خانه نك صحنه دیواری بر نقش و نگار اولمغه بالجمله طرفین
طرفی هر دم بهار اولمشدر کویا هر قصری لطافتله بر قصر یوسف
و نقش و نگار ایله خلوتخانه زینخادر * غلبه زحام سکاتی بر رتبه ده در که
اقاصی حوالی شهرده غایت تنهایی ایله متصف اولان گوشه زنده به
قطرات باران زحام اجسامدن روی زمینه حسرت نکشیده در کثرت
مجامع و مساجد بر مرتبه ده در که بر قاصد چایکخیز ایام حیات
یکساله سن وقف دور مجامع و مساجد ایلیسه ینه طی طوامیر حسابی
مرهون درجه استحاله در حتی قلیکیر صحنه تحریر با لای قلعده
سواد مصرک اکثر حوالی محاطه سلسله انظار اوله حق محله
استکشاف کیت اعداد منارات ایچون تحریر سرانکشت نگاه
ایلدیکمده غایت ارتفاع ایله نمودار اولان مناراتک شماری درجه
هزاری گذار ایتدیکندن ماعداد قصور قامت و بعد مسافه ایله
متواری پرده خفا اولنلرک حسابی مستور پرده ابهام اولمشدر
سواد شهردن خارج اراضی خالیه ده اولان جوامع بی جماعتک
حسابی محاط علم الهیدر سواد خوش نقش قلمرو چرا کسه واکراد
اولدیغی ایامده بر بریله همچشم رشک و حسد اولوب کندی اتبعی
آخرک جامعنده همزانوی صف صلوة اولسی منافی قاعده حیات
اولمق اعتقاد ایله همسایه دیوار بدیوار شککنده جوامع بنا ایدوب
یکدیگره تشابهندن تحاشی وجهی اوزره لباس آخرده جلوه کر
ایتمشدر حتی بعض مواضعده بر مرد چالاک مناره دن مناره به برتاب
ایده جک مرتبه به تقریب ایتمشدر در مداخل و مخارج صحن ساحه لرنده

و حیطان و جدران لرزنده اولان نقوش رخامیه خرده کاری پای نظاره
 زنجیر حیرت اولمشدر در جله نك اشهری جامع از هر در که وسط جسد
 ام الدنیاده منزله کیر قلب وسیع اولوب شام و بحر نیچه بیک بالا
 نشینان سر خوان تحقیق و تقریر و حلقه کزینان استفاده حدیث
 و تفسیره مقرر اولقدن خالی دکلد بریسی دخی جامع سلطان غوریدر که
 شمس زران دوده تاوانی واسطه کدر ضمیر مهر انور واسطوانه
 سر بگردونی قنادیل نجومه مستقر در (بریسی دخی جامع طلوند که
 طولا و عرضا مساحه ساحه بیت الحرم اوزره بنا اولنوب
 بیت) باشندن آتشی اکسک دکل اولوب پامال * مناره کبی اولان
 کچ درون و راست نما * قولنج درون مناره ده اولان اعوجاجدن
 روگردان اولوب (بیت) اگر چه نخل خرماوش دکلسه ظاهر
 هموار * عصای موسوی وش باطنده استقامت وار * مضمونی
 صحیفه متخیله بانیسند نما یان اولغین خلاق رسم معهود اوزره
 درجات مرقات مناره سی منتهای شرفاته وارنجه قامت نهالی
 در آغوش ایدن تانک صفت ظاهرندن پیچیده اولمشدر بوکونه احدوئه
 انکشت نماتک منشائی بودر که گذشته جریده ذکر اولان طلون
 اول جامع والانک بناسنه اعمال معمار همت ایتدیکی ایامده برکون
 بر شخصک مرفوع پایه سریر ایتدیکی عرضحالن بازیچه دست
 اندیشه طفلانه ایده رک سرانکشتند پیچیده ایدوب اولور قپاره ده
 بحسب العاده بر هیئت مخروطی نمایان اولدیغی حالده رقه افکاردن
 بیدار اولغین اول مقوله مشغله لعبت * عارضه وقار سلطنت *
 اولق ملاحظه سی مشهود سبابه نبض آشنای ادراکی اولغله
 دامن نمکین ملوکانه سندن ازاله غبار خفت فکرینه دوشوب نسیم
 جهانگرد خردایله خلوتخانه سینه سنده عقد انجم مشورت ایتکین
 اول محله معمار جمعی احضار ایدوب حالا اثر سرافراخته ساحه

پای نظاره
نسخه

کدر ضمیر
نسخه

پیچیده صرمشق
و بلزک
و بمعنی طول شمش
حلمی
آناده نسخه

عقد انجم
نسخه

ظهور اولاجق جامعک مناره سی بورسم اوزره متاع درجائی یافته
 منوال مصورم اولغین بوکار نامه مصنوعه اوزره ریخته قالب
 استحکام اولق مقصود مدر دیو دست معماره تسلیم ایتکله دیده
 نظاری حلقه دریچه اغفال ایتک تکلفاتنه دوشد یکی زبانگذار
 توارنج شناسان وقایع مصریه در * بریسی دخی روم ایلی میدانده
 جامع سلطان حسندر که زیر کتب دیروزه فامده نظیری جلوه کرساحه
 انعدام ایدیکی قرارداد خواص و عوامدر (زیر اساس افکن
 استحکام عمارتی اولان سلطان بلند همت علی وجه الاتزام اندازه
 طاق کسری احضارند نصره الهی ذراع دخی ترقی ایل بر برینه مقابل
 چار طاق اوزره بازورده استحکام ایتشد ربانی مبانی بیان اولان نابی
 ناتوان صفوف احجار دیوارین شماره اقامت سلم انظار ایلدکده
 مرتبه متصفنه ارتقا ایدنجبه دک هشتاد صف کدر ایدوب
 نصف اعلا سنک تشخیص فواصلدن سبابه باصره اظهار عجز
 ایتکین نصف اسفلنه مقایسه وجهی اوزره اکتفاء اولندی (دست
 ارتفاعی کلاه افکن تماشا یاندر دیو زبانزد انام اولان تعبیر مشهور
 بوجامع والانک نصفی مرتبه سنده جلوه کر ظهور در (بریسی
 دخی جامع فاتح برقع ام الدنیا عمربن عاص رضی الله تعالی عنهنک
 مصر عتیقه آثار همت علیالری اولان جامع رفیع الاعتبار در که
 هزاریک ستون رخام اوزره پابر جای ساحه استحکام اولوب یمین
 و یسار محرابنده ایکی مصحف شریف نهاده رحله تعظیم
 قلمشدر که بری چکیده خامه عنبر فشان حضرت عثمان بریسی
 دخی نمیه قلم کوهربار حضرت حیدر کرار رضی الله تعالی
 عنهما در * وسواد بدن ام الدنیاده ایکی دیده بینا منزله سنده ایکی
 برکه لطیفه وارد در که بری برکه فیل و بری برکه اوز بکیه ایل نام
 یافته السنه انام اولمشدر * هر بری تقریبا طولا و عرضا ایکی میل

المنوال دیمک کسری
 ونونک سکونیه سرمین
 دید کلمی انجدر که
 جلاح اکا طوقد یغی بری
 صرار النول نونک فتحی
 وواوک سکونیه بمعناه
 ومنوال وجه معناسنده
 کلور یقال لادری علی
 ای منوال هو ای علی
 ای وجه هو واتقولی

مقداری شکل مستدیر ایله جایگیر اولوب بش طبقه دور وقصور
بیقصور احاطه ایدوب روزنلری ورای چین کبسوی اشجار * وکره
زلف پیچ دریچ سرور هوادن آینه آیه چشم کشای تماشا
اولمشردر * مربع نشینان سواحل آب دائره زورقه به هوای
صباده ضرب اتامل مقدا ف ایدرک اصول دور یله سیر مقامات
ایتمری محیر ساز چنبر اوج کر دوندر * اما بویکی برکه مطبوعه
جوشش احسان نیلدن حصه یاب اولملریله شش ماه مقداری
کنجینه لری پردرویشش ماه پردمرد اولمغین حواله نشین اولملرگاه
سیراب ایله شقایاب علت سودا * وگاه مشاهده سبره ذمر دقایله
کور ساز افعی آلام دنیا اولده درلر (جو بیار نیل مبارک جدول
نیلگون کی سواد مجموعه مصرک کار غریبینه کشیده اولوب ساحل
شرقیده قدم نهاده عرش برین * جناب سلطان المرسلین *
حضرتلرینک ایکی نقش پای ملکوت پیملری بر سنک مبارک
صحیفه سی اوزره ایکی دیده یینا کی جلوه کرا اولوب اطرافنه
نیچه کاخ دلارا * و بر جامع بیهمتا * بنا اولنوب قدم بنی نامیله
شهر تیاب عرصه روز کاردر اولاب نیل اول مقام مبارک دامن
بوس ایدوب بعده معموره مصر عتیق پیشگاهنده اجرای مراسم
رومال ایدرک مروردنصرکه نسخه هشت بهشتدن یک ورق
شکلنده پیرایه بخش محافل حور عین اولان قصر عین نام مسیره
دلکشاسایه سنده کف زنان التجا و بعده بولاق قصبه سنده سبتیه
نام مسیره جنت فریب تماشا سندن اکنتساب صفا ایدرک سواد
اسکندریه ودمیاط ورشیده وارنجه ایکیه منقسم اولمغین سیر
مستدیر بحر سپیده حواله رسم ذوالفقار ایشدر * مصر عتیق
مقابلنده جیره واین بابا نام ایکی قصبه مطبوعه کاره کیرجوی نیل
اولمغین شام و سحر هزار سفاین صرصر شتاب بادبان کشای ایاب

وزهاب اولده درمیانه ده برجزیره نازنده سمایی آب نیل کرسمین کی
احاطه ایتمکین بن آیده پشت ماهی به زخم رسان اوله جق اساس
مستحیل الاندراس اوزره سنکین طاقلربنا اولنوب بالاسنده بش
طبقه اوزره معلا کاخرواسطه کلف عارض ماه اولمشردر *
اول بناتک طبقه سفلیسند ممر آیده برکنج پنهان کی برحوض
رخامیه مربع الاضلاع اختراع اولنوب وسطنده رخامدن چار
کوشه برستون موزون مانند نقطه نون مستقر اولوب ارتفاع نیله
درجات سلم ارتقا اولمق اوزره اشارت اولنان خطوط حساب اصابع
کریشان لپاچه استقامتده چیراست شکلن کوسرتوب (یت)
منتظرکن مرده انعامنه سرجهله ناس * نیچه بر بارمق حسابن
کوسترام القیاس * شهرتیه مشار بالبنان اولمشدر * کله ام القیاس
غلاط مشهور السنه عوام اولمغله (یت) دمبدم غرقه سیلاب سرشک
اولدی تم * دوندی نیل ایچره کی مقیاسه غمکدن بدتم * مالن بیانه
لسان حال اولمشدر * ورای نیلده ایکی ساعت مقداری مسافه ده
کمال ارتفاع واستحکام ایله سرافراخته اوج اشتهار اولان جبال اهرام
تجاوز کرده عدد ثلثین واربعین دراما ایکبسی بر برینه قریب
دوستان ام الدنيا منزله سنده چار رکن مخروطی شکل ایله بیدار
اولوب هر جانبی چارصد ذراع وارتفاعی دخی چارصد ذراع هیئات
غریبه ایله مربع نشین اساس تمکین ایدیکی توده راه نگاه حیرتدر
ومصرک جانب شرقیسنده اولان قصبات و عمارات شماری خارج
حوصله ارقامدر لکن احسن واشهری واسطه العقد سلسله
سلاطین پتراکسه اولان سلطان قینباتک عمارات حوالی مزار
فیض بارلیدر که ینه بر سنک مبارک اوزره ایکی نقش قدم سید عالم
صلی الله تعالی علیه وسلم کوهر تاج افتخار مزارلریدر پادشاه سالف
الذکر حرم بهشت توأم نبوی * وروضه مطهره مصطفوی

صلی الله تعالی علیه وسلم بناسنه صرف کنجینه همت ایتد کدنصکره
برشب آتش محبت فخر کائنات ایله دیک پر خون درونی غلیان *
وصعود بخار حسرتیله سرپوش پرده زجاجی دیده سندن قطرات
اشک لاله کون میل آغوش دامن ایدرک رقده خفیفه مهمان رباط
اجفانی اولیحق دار العطای عالم مثالده رسم قدم شریف نبوی
نقره اشک خلوص آمیزینه بدل اعطا وودیعہ صندوقه امانت
اولان محلی تعیین وایما بیور مغله اول پادشاه کامیاب کندو حیاتنده
توطین جسم فنا پذیری ایچون محفور تیشة انبیا ایتدیکی مدفنه
لوح سینه ایدینوب لذت چش خوان عجم النوال ممات اولدقدنصکره
شمع مزار ایشلرایدی (فردوس مسند مرحوم سلطان احمد زینت
بخش سرپرسلطنت اولدقلرنده انلردخی هوادار پابوس سلطان رسالت
صلی الله تعالی علیه وسلم اولملریله اول قدم شریفی استحضاره اقدام
ایتمکین بامر خالق بیچون مزاج روز کاره سکون طاری اولوب اول
کوه عالمتاب کرانه های کنجینه اولان سفینه زورق ماه منیر هفت پاره
تهی وپراولنجیه دک ساحل قسطنطنیه به بادبان چین وصول اولدقدده
داور مغفور کمال شوقه بناء (یت) بلبلاره ویردی مرده مقدم کل *
خوش کلدی قدم کتوردی کلزاره ضبا * ترانه سیله اول سنک مبارکی
بفرینه باصوب مداد اشک وخامه مر کانیله (نظم) نوله جانم کی باشمده
کتورسم دائم * قدمی رسمیدر اول حضرت شاه رسالت * کل
کلزار نبوت او قدم صاحبیدر * احدا طورمه یوزک سورقد مینه
او کلک * منظومه سین عقد مروارید کی نثار شکرانه قدوم
ایتد کدنصکره اول رسم همای سعادت ایچون آماده اولان قفص
سمین ایچره مکین * و بازوی طاق خانه خاصه بی اول کوهزنور
بخشا ایله تزین * ایتمکین شبانگاه روزنه چشم عالم بینلری مستور
غشاوه خواب اولدقدده کار فرمایان عالم معاندن یا احد

الرقده رائك فتحي
وقا فك سكونيله
بر مقدار او یومق
نومه خفیفه معناسنه
وانقولى

دیوانخانه قسمت ازلیه ده تعیین اولنان حصه آخره اطاله دست
طلب منافی قاعده توکل دکلمیدر (یت) بشنواين نکته که دل را
زعم آزاده کنی * خون خوری کر طلب روزی نهاده کنی *
مضمونی ایله مظهر سرزنش اولملریله صیجدم یتنه برسقینه به
حائل کردن قلوب جانب مصره اعاده اولندقدده بوکرلوجه
مهر منیریدی دفعه کردن عروس نیلی برقع کردونه آویزان اولدیغی
مدتده ساحل مصره لنگر انداز استقرار * ویتنه سر مزار قیثبایه
شعشعه بار اولدیغی مسلوک قدم قلم اصحاب آثار در (اگرچه
مدینه قاهره ده مشاهد مشاهیر کار بیگانه حد و شمار در اما شهری
زانورده کان حلقه انجمن اصحاب رضی الله عنهمدن حضرت
عقبه در که قبه مزار لامع الانوری دیباجه صحیفه قرافه کبرادر
اکامتقارب رکن واحد ارکان اربعه امام شافعی علیه الرحه
حضرتلرینک جواهر کرانقدر جسد لطیفلری صندوقه سبزپوش
ایلله برقبه آسمان سایه سنده مقیم اولوب جناب سید الثقلین
صلی الله تعالی علیه وسلم حضرتلری اول قبه معلایه تشریف
بخش قادمه آسمان مسیر اولدقلری مشهود اصحاب ارباب بصائر
اولغین دیوار غریبه مورد سعادت اثرلری بر پرده زرتار ایلله اشعار
اولمشدر (وفارس میدان ولایت عمر بن فارض قدس سره العزیز
حضرتلرینک دخی خوابگاه فیض پناهلری سرسطر جریده
خاموشان قرافه کبرادر * وکل کلشن طراز ولایت شیخ ابراهیم
کلشنی حضرتلرینک دخی قطعه چترار بهشت اولان مرقد
مؤیدلری جلوه ساز سینه سواد قاهره اولمشدر * ما حصل تحریر
او صاف مواضع غریبه * واما کن عجیبه قاهره * بیرون یارای
حوصله قلم اولغین جانب صحرای مرامه تحریک لجام اولندی
کالای سینه قام ظلام * کسوه قامت شام * اولغیچون دامن

بدر شوال شب بشب بریده مقراض نقص اولغه شروع ایلد کده
با لای شاهد بیت الهی ایچون بافته کارگاه یکساله اولان کسوه
شریفه عنبرین تار * غلغله اذ کار مشایخ بی شمار * ایله والی
مصر پیشگاهن کذار * ومدفن رأس پرنور حضرت حسین بن
علی المرتضی رضی الله عنهما ده چندروزه ودیعه وقفه استقرار
ایلدیلر * برون رفتن محفل مصریان * علم عالمتاب قمر منور شقه
سیمکون مرصع طراز عشرینه کشاد و یرد کده دار الحکم مملکت
قاهره دن خارج باب النصرده قصبه عادلیه وارنجده اوج ساعت
مسافه نک طرفین رهگذارنده واقع دروب وایوان ودکاکین
ومیادین و طبقات بیوت و قصور بالجمله سکان مصر ایله نمونه
صحیفه دیوان اشعار اولوب غلبه مزاجه نفوس انسان * جمعیت
معشر محشره پرده کش نسیان * اولق صورتلرین نمایان ایلدی
* اجسام انام غرقه امواج زحام اولوب بربری فوقنده نبح
دواژ وجوه واعمال * بدیدار اولمشیدی هرینه طرفه امرار نظر
اولنسه یکسره لب ورو وچشم واپرو مشاهده اولوب کویا نساج
کارگاه صنع طرفین رهگذاره نقش بشرة انسانیه ایله مزین
بر پرده مصور آویخته ایدوب اول مرتبه جلوه عالم صورت
منظور دیده عبرت بین اولما مشیدی * ذروه رؤس سوابق
ستون زنج لواحق و صدور لواحق بالش اکتاف سوابق اولوب
خطوط نواصی اسافل چیر است سینه اعلی وارقامی زیر لب
اعالی خط پیشانی اسافل اولمشیدی بو حالت ایله هرکس دیده
کشای راه تماشا ایکن بالجمله مواجب خوران دیوان * و مشایخ
جلیل العنوان * غلغله اذ کار یله مسامع ناسی دریچه خانقاه
حقیقت ایدره رک محفل شریفی زیور دوش تعظیم ایدوب مخیم
حاجه ایصال ایلدی لر * رفتن حاجیان به برکه حج *

دروب ای الاسواق

اول کوند نصکره جرس مهر منیر بش دفعه آویخته کردن جازه ایام
اولد قده بالجمله آماده کان راه بیت خدادوش جماله تحمیل اقبال ایدوب
مایه داران قوت مالیه اولنر مسند نشین حضور اولمچون وقف
زلزله بی انفصال * ومشروطه رعشه بالاتصال * ققص طائر حجاز
خلوتخانه سالک راه دراز بیت چار فقره بحر رمل * سر پر چهار
پایه دوش جل * حباب عمان بیابان * یعنی خانه پادروای تختروانده
کوشه نشین استراحت اولوب نیمه لدخی دو صفه متقابله محفه ده
بادام دومغز صورتی کوسر توب برکه الحج تعبیر اولنان غدیر پاکیزه
ضمیر کارنده آرامگیر سایه خیام اولدی لر ایکی کون اول فضا ده اتمام
قصور مهمام ایچون آرام اولنق مر سوم جریده اعتیاد اولندیغنه بناء
کنید فیروزه فام کردونه غشاوه عنبرین تعلیق اولندیغنی دم اعیان
حجاجک پیشگاه خیامنده اشاره تعبیر اولنور بر رستون اوزره قنادیل
بیشمار ایله صورت عقد ثریا فروزان اولوب رهروان بیت اللهک
مر اسم رکوب و تزوی مغایر اسفار سائر اولغین اکثر یا حرکتلری
طبل زرین آفتاب زیور زیر نعل فی زوال اولدیغنی وقتلره تصادف
ایتمکله هنگام زواللری دخی قافله صبحدن مقدم واقع اولغین شب
کردان مکرده راه دلالت نجوم ایله رهبرده منزل مقصود اولدیغنی
کبی هرکس سموت خیامن استعلام ایچون العارف یکفیه الاشارة
دیه رک هر اشاره نک نقشی نقوش سائرهدن ممتاز اولق اوزره ترتیب
اولنوب کویا شب روزه ده برعموره عظیم السوادک رؤس شرفات
مناراتی قنادیل ایله تزین اولمشیدی * ابتدای عزیمت حاج *

اون کوند نصکره نسخه
جازه بمعنی مجل دوه سی
وهیون مثله نعمه الله
و بمعنی ییل دوه سی
نعمه الله

برک مهمات سفر

محفه بیت قصیده مشهوره شتر حیره به نظیره قلوب قلبا و قالبا
جانب قبله آماله توجیه قبالة اقبال اولندی (بیت) مارا هروان
حرم کعبه جانیم * باقافله اشک روان همره ازانیم * انشای طریقه
صحرای تبه و طور سبنا کذار اولند قد نصکره طقوز نجی کونده عقبه
مصر نامیله مشهور السنه انام اولان راه عسرتپناه که طرفینده اولان
قلل جبالی آشیانه نسر طارون بر تو * و میانه ده اولان مر باو یک عمیق
بشت کاو و ماهی به برابر در مانده مار پیچیده پای مطایا اوله رق
لب بحر محیط یوسه داد دامن خیام قلندی (بیت) لب دریا ست
چون لب دلبر * از برون سیره و ز درون کوهر * مانده دریا صفای
خاطر ایله بر نیچه منزل دخی کار ورق پیروزه فام دریادن بریده
مقراض قوایم مطایا قلند قد نصکره زلزله زمین کردان الهی ایله
کوی چوکان قضا اولان ارض مدین قرینده عبادتخانه خطیب
الانبیا حضرت شعیب صلوات الله علی نبینا وعلیه حضرت تلیتک
زیارتیله قطع مدارج منبر مرام اولندی مشعل قرذی الحجه زیور
دوش سپهر اولد قد عرصه بدر خین جلوه گاه خیام اولوب روز
نصرت اندوز غزای کبرای بدرده صهبا کشان پیمانه شهادتک خاک
خون آمیز لری زیارتیله سر کرمی نشئه روحانی اکثسابیدن غیری
سلطان منصور اللواء نبوت علیه الصلوة والسلام حضرت تلی اول
معرکه خرد فرسا هنکامنده امید خرام شاهد نصرت ایله دو کف
استد عارین مرآت روی رجافلیق ایچون تواری یورد قلری سایه
نخل تا کده بنیاد اولنان مسجد عریش زیارتیله دست امید نائل
خوشه مرام قلندی * رسیدن بمیقات احرام کله * اندن ابکنجی
کونده میقات قافله مصریه اولان رابق نام صحرای سینه کشا
پیراهن جنکار کون خیام ایله پیرایه کیر اولد قد به الحمله سالکان راه
بیت اله البسه عادیه دن تعری ایدوب (بیت) پنبه داغ درون ایچره

نهاندر بدتم * دیری اولد بجه لباسم بودر اولسم کفتم * بینی ایله شست
و شوی ایداند نصکره لباجه دیوان مقدس الهی اولان ایکی قطعه
احرام سفید قامی زیور دوش و میان ایلوب سرو پارهنه آوازه
غلغله فلک رسای لیکی آمیخته اذ کار مسبحان ملا اعلا ایلدیلر
(بیت) کعبه را مستانه لبیک آرم از میقات عشق * کز الستم هم باین
لبیک کویا کرده اند * تسلسل زمزمه لبیک پنج شبانه روز انقطاع
بولوب بر صبحدم حاجی برهنه سر خورشید دور طاف کردون
ایچون صبح اول و اخیردن ایکی قطعه احرام کافور قامی آرایش
اندام ایلد کده ناگاه تیغ جبال زمین بطحالمعان ایتمکین قافله آرزو
بار حجاجک عنان آرامی کسسته اولوب هر کسک صحایف پیداشانی
حالنده داعیه شتاب مر تسم اولغین (بیت) رضایی صوره صوره
کعبه بی بولور آدم * همان یوله دوشه لم کوی دلربا دیه رک * حرم
شریف صوبنه مسارعت ایلدیلر (بیت) دلم بناله دراید که
از صبوری را * زحد مبرکه درین راه کس عباد صبور * واقعا
شاهین ملکوت آشیان جان هنوز آزاده پرواز هوای عالم اطلاق
ایکن کردش بفره دعوت خلیله به بال کشای اجابت اوله ده
اضطرارندن غیری شهر بند مشیمه عدمه نائل دستمایه وجود
اولد قد نصکره حضرت قادر استطاعت بخشاجل شانه بک آراسته
نوال مغفرت اولان ضیافتخانه کبراسنه تکلیفی دخی زنجیر کردن
اختیار اولوب خصوصاً سودا کر چار سوی حیات اولدنبیری دکانه
سامعه کالای گفتگوی حرمین ایله پر اولد بجه صندوقه متخبله نقد
اشتیاق ایله مالا مال اولغله (بیت) کی بود یارب که رودر یترب
و بطحماکنم * که بمکه منزل و که در مدینه جاکنم * ترانه سیله
توبنو دریای اشک شوق موجه دار رقت * و نفس بنفس سفینه
دل باد بان کشای آه حسرت * اولمق معتادی اولد یغندن فضله

(لباجه)
اوسته کیلن لباس

دلم بناله درآید که هان
صبوری را نسخه
از صبوری را نسخه

آثار حکم تقدیرازل ظهوره قریب اولمغین اول کلستان مغفرت الهی
زیارتنه عزم اولندیغی کوندنبری شبنم صبر ر بوده نیچه مهر اشتیاق
اولمغله طی منازل بعیده دامن آرزویه غبار اولوب برکون مقدمه
منزل مقصوده وصول وتسليم تقد اشک نیاز امید یله عوارضخانه
جریده عمر دن بر مقدار خانه ایام فرو نهاده قلمق جاننه منت بلنور کن
نه حال ایسه اول مرتبه طی مراحل بحسابدنصکره رسیده قرب
بیت الحرام اولدقده کاربان عقل وشعور وملکه صبر وقرار محلنده
پایدار اولق نیچه متصوردر (بیت) چون اثر قرب مصور شود *
جاذبه شوق فرو نتر شود * حرم مکه معظمه یه ایکی ساعت مقداری
عمره نام محل که ابتدای حد حرم ایزدی اولدیغی اشعاره طرفین
طریقنده ایکی میل سر بلند لسان حال اولمشدر چشم گذار ره نوردان
یوادی حسرت اولدقده یکباره قافله حجاج جنبش صرصر شوقیله
اوراق خزان زده کی افتاده زمین اولوب پیاده بازیچه شوق و محبت
اولدیلمر (نظم) جمله خلائق چه عرب چه عجم * بادیه پیمای هوای حرم
* ز آتش شعله بنمود آمدند * جمله دران عرصه فرود آمدند * خوشا
اول هنکام دلارام که مقراض شوق وغرام صحیفه قلوبدن حواشی
تعلقات سوای قطع ایدوب ر یسمان باز آرزو سر منزل آماله خطوه
جنبان شتاب اوله وحبذا اول موحد پاکیزه سرشته که جذبه محبت
الهیله ایل پیراهن علایق اموال وعیالدن آستین فشان تجر داولوب
خوان بی امتنان مغفرت الهیدن لقمه چین نعمت دارین اوله
(بیت) نعمت او هست برون از خیال * کیف بود سر لسان المقال *
هزار شکر قادر بچگونه که شمع سبزه فروز حیات کشته نفس واپسین
اوله دن کرم نظر قندیل طاق مطاف اولمغله دیده روشن
اولق سعادتندن بی نصیب ایلدی وثنای بیحد حضرت وهاب عیم
الرحمه که کالای کیاب زندگانی * تاراج خورده رهن مرک نا کهانی

بازیچه باجیم فارسی
بداچه بازی کنند
و مسخره سرفنامه
فرود بمعنی فرو یعنی
آشعه نعمه الله
الغرام الدوام والحرص
(وا) کبر و معناسنه عریندر
مره بعدا خری معناسنه
گاه اولور تحسین لفظ
ایچون زائد کلور وبا
معناسنه کلور پسین
صکره کی معناسنه در
نعمه الله

اولماز دن مقدم پرنیان پیشانی * پابند از خاک حرم یزدانی قلمق
دولتدن محروم قومدی (بیت) منت خدا که هر چه که طلب کردم
از خدا * بر منتهای همت خود کامران شدم * ما حصل حوالی مکه
معظمه ده ناگاه قباب مزارستان معلا * سایه خرم ازاردن هویدا
اولمغله حدقه عیون پیمانه لبر یز نشاط اولوب مستی شوق سر خوشی
اولمغه باشلدی (نظم) خاک معلاست که تاج سراسر است * نورده
دیده ماه وخوراست * هر طرفش مغرب صد آفتاب * پرده کل
کشته برایشان نقاب * هزاران نجوم زهره سپهر کرامت اول
خاک پاکده متواری کوشه خفا اولمغین قدری آسماندن معلا اولق
موقع چون و چرا دکلدر خصوصاً شمع شبستان عصمت پروانه چراغ
نبوت خدیجه کبری رضی الله عنها حاضر تبری دخی اول ساحه ده
آرایش زینت سرای جاودانی اولمغله قبه مرقدی اعظم قباب
معلا در اندنصکره ناگاه آثار عمارات بلده مکه معظمه ورای نقاب
خفا دن نمایان اولمغله یکباره هجوم سیلاب حیرت بنیان حواسی
نمونه دل مشتاقان ایدوب صولجان مهابت قدسیه ایله کوی صفت
پار سر کرده (بیت) کویک کی اهل دله باغ ارم اولماز * باغ ارم
اول جنت فیضه حرم اولماز * زمزمه سیله میانه کوچه مکه
محترمه ده دور ایدرک (بیت) مد عامز پرنگاه مر جتدر یاردن *
ایکی عالمده دخی برمد عامز یوق بزم * وفقیحه سخن مدعا آرامگاه
پای نگاه قلندی مدعا نامیله شهر تیاب اولان میانه کوچه ام القرا ده
بر پشته در که صحیفه دیوار حرم ربانی ابتدا اول محله ممر طفل
نوآموز نظر اولمغله اول محله چکیده یراعه زبان اولان منظومه
دعا مر سوم لوحه اجابت اولق موقع اشتباهدن متباعد اولدیغی
سلطان کونین صلی الله علیه وسلم حضرت تیرینک موقف مزبوره
هر بار دست کشای بارگاه احدیت اولد قلری ثبوت یافته در *

کوچه بمعنی صوفاق

یراعه یونلمش قلم
نعمه الله

(بیت) روی طلب نه بسوی مدعا * بی شک و شبهه است قبول دعا *
 دیدن رخساره بیت اله * بالاخره مدعای دخی گذر اولوب
 تار انظار شرفات منارات حرم مکرم سر بگردونه پیچیده قلندر
 سده سدره فرسای باب السلام سجده گاه پیشانی جان اولوب
 سخن ساحه حرم الله اطاره حمامه نگاه اولند قدح نسخه
 مخیله دن شیرازه شعور بالکلیه کسسته اولوب اجزای پریشان
 حواس بازیچه بادآه اولغه آغاز ایلدی (بیت) کشت دلم غرقه
 بحر وصال * کشدم از خود بفر و غ جمال * سیل سرشک از مره
 اشکبار * سرزد و جیحون شد و از انم کنار * غلبه دهشت وصالدن
 از قالدیکه اکسیر عالمهای جان * خاکریز مسامات بدندن ریزان *
 اوله واستیلای مهابت بیت ذی الجلالدن قریب اولدیکه شیر
 روح زنجیر انفاسی قطع ایدوب کر یوه تنگ تندن کر یزان اوله
 (بیت) دیدیم اینچنین دم وصل و نه مرده ایم * مارا بسخت جانی
 خود این کان نبود * بو کیفیتله شهنه مهابت جلال * بر زمان
 قلمرو خرده تصرفدن تعاقب لمعه تبسم جمال * نوعا اثاره چراغ
 شعور ایتمکین کمال شرمبله ورای چارچوبه مژگاندن قامت
 هوشربای شاهد بیت الحرامه روزنه چشم حسرت کشاده قلندی
 ذکر اوصاف کعبه علیا * برنازنین انجمن ملاحتدر که قامت
 سدره خرامنه پیرایه قیام ویرمکه تماشایان ملک و ملکوتی افتاده
 نظره حیرت ایلش * و برماه آفتاب سوزدر که آغوش هاله مطافده
 جلوه کراولغله کان چشم نظاره کیان زمین و آسمانی کریبان عشاقه
 دوندرمش (بیت) ز فرق تابقدم هر کجا که مینگری کرشمه * دامن
 دل میکشد که جا اینجاست * بر سرودامن چیده ساحه رحمتدر که
 مرصع باله آشیان قدس کرد سر نده فاخته مطوقه که دوره
 کیرمش بر شمع انجمن تاب هدایتدر که سبعة سیاره پیرامن شعله

جمال عالمسوزینه پروانه اولق آروسیله سوزان اولمش (نظم) کشته
 همه فاخته اوسروناز * جمله چو پروانه و اوشمع راز * شمع اگر
 هست درین بزمگاه * روشنی اوست ز نور آله * ورای پرده سیه
 فامده سر چشمه حیات ابدیدر که دلالت خضر توفیق ایله اب
 نشنکان بادیه آرزو ز بر میراب رحمتدن استفاضه ماء الحیات مراد
 ایتمده درلر بر کاسه سر پوشیده نوال هدایتدر که دایره خوان
 مطافنده اولان نیم سخن حطیدن کر سنه چشمان تنکنای معصیت
 ایچون تحصیل نواله مغفرت ایتمده درلر (بیت) از کل و آبش
 کرم میبارد این خانه است * خضر راسقا و ابراهیم بنا کرده اند *
 نه کعبه ناف مشکین عالم آب و خاک * مرکز عنبرین دوار افلاک *
 کر سی مملکت آلهی * قفس طائر فیض نامتناهی * صد وقه
 کعبینه ملکوت * درج مظهر و ف جوهر چار سوی جبروت *
 پیرامن مشکفای تحریک نسیمه جنبش پذیر اولدجه تموج قلزم
 انوار نمایان * و قلوب دلبستگان نظاره حیرت عمان ذوق
 استغراقده غوطه زنان اولمش (بیت) تیه لباس مشکین چو بجلوه
 اندر آید * ببرد هزار دلر ابر شمع نهانی * وزیر نقاب عنبر آکیندن
 کوشه عذاری لمعان ایتدیکه مهر سپهر افروز خروش ضیاده نهان
 اولمده در (نظم) شد محروک ز نسیمش نقاب * کشته منور ز رخس
 آفتاب * برقع مشکین ز رخس بر شکست * رخ کل و قیمت عنبر شکست *
 امیدگاه کافه کائنات اولان باب مغفرت مآبی جانب شرقه توجیه
 چشم التفات ایتمکله هر صبح داور خاور اورنگ پیروزه فامه صعود
 هنکا منده سده سعادت پناهنه ناصیه سای اولغله قلمرو آفاقی
 زیرنکین ایلشدر (نظم) مهر سلیمانکه جهان بر گرفت * سکه اش
 از حلقه این در گرفت * کر بشرف مهرومه افسانه اند * حلقه
 یکوش در این خانه اند * دست درین حلقه زند جبریل * ناشتود

بانك زرب جليل * جامه عنبرين زرنطاقيله جلوۀ محبوبانه سي مايه
 سوداي انس و ملك * واركان مطبوعه اوزره قاعده تمكين
 محترمانه سي واسطه سرکرداني كاخ فلک در (نظم) آمده با خلعت
 عنبر سرشت * سنبل مشكين رياض بهشت * برده براه گرمش
 عرش راه * مشعله دار حرمش مهر و ماه * عتبه باب عاليجنابي
 محازي سطوح تواسي اولغين افواه و پيشاني زوار * شرف
 مالش ايله مشرق انوار اولمه در (نظم) تن ملك راست چون دل
 خاك راسويدا * بچهار حد كشاده در فيض جاوداني * چو ورد
 نسيم كويش كه رود بي مسيحا * چورسد صرير بابش كه زندم
 اغاني * نفحات آسماني ز حريم او مترجم * ز خطاب آستانش شده
 عرش رحمتي * و باب رحمت نصاب ايله ركن شرقي بيني اوج ذراع
 مقداري ملترم شريف ناميله معين اولان موقف جرم افكندر كه
 او صفحه به سايده اولان جباه و صدور * دست زده دوزخ اولمق
 غائله سندن دوردرد * وصف حجر اسود و الای مكرم * ركن شرقيه
 تخمينا زميندن ايكي ذراع مقداري رفعت ايله حجر الاسود اسعد
 مبارك برداره سمين احاطه سنده نور بخشاي انجمن حرم اولمشدر
 (نظم) نور سياهش لمعان از خداست * خال سياهش حجر الاسود
 است * نه حجر الاسود بر شجر اراغ افسر آفرينش * مردمك ديده
 بينش * سويدي دل كائنات * خال جمال ممكنات * كوشواره عرش
 رباني * بازو بند خانه يزداني * كوي كريبان انوار * نقطه دائره
 اسرار * نكين خاتم صنع ازل * يمين خداوند جهان عز وجل *
 بوسه گاه انبيا كرام * محك شفاه اولياي عظام * لوحه سبنه عنايت
 كوهر كره دايه (نظم) نقطه نه دائره آسمان * نقطه صفت
 هست ازان درميان * سرمه كش چشم غزالان چين * داده سياهش
 كواهي بر اين * وصف مقام ابراهيم صلوات الله علي نبينا و عليه *

يقال نفخ الطيب ينفع من
 الباب الثالث اذا فاح يعني
 رايحه ويرسه ويقال
 نفخت الريح اذا هبت
 وانقولى

در ملائك مقره مقابل بر قفص روئين زرین سقف دروننده
 مقام ابراهيم ايله مسمي حجره مباركه كه آئيناي بنای بيت الهيدۀ زير پای
 ابراهيم صلوات الله علي نبينا و عليه ده مرغ آسا محل اقتضايه
 پرواز ايمكله اتر قدم مكرملري حالا سبنه سنكده داغ محبت اولوب
 كندوسي حرم ساحه سبحانیده كوشه نشين يقين اولديغي كبي
 ذكری دخی كريمة (فيه آيات بينات مقام ابراهيم) شرفيله متخير مبانۀ
 خيaban سطور كلشن كلام قدیم اولمشدر انك دخی هيئات پا كيره سنده
 مناسب بر كسوة زرنار آيت نكار الباس اولمغله بيت سبه قبا ايله
 همسنگ ترازوي اعتبار در (بيت) كعبه است اينجا ملك حيران كار
 افتاده است * آسمان از شوق طوفش بيقرار افتاده است *
 * اوصاف چاه روح ده زمزم شريف * * مقابله حجر اسودده
 منبع شيرة جان * مورد زلال روان * يعني چاه شفا پناه زمزم
 مكرم كه خاصيت ذاتي سر چشمه حياتي خيمه نشين ظلمت *
 ورحيق و تسنيمي موجه زير خجلت ايتك وصفه شايسته دكلدر
 (نظم) بمذاق حق شناسان كف آبش اربسجد * نه دهند لای
 زمزم بزلال زندگاني * مه اكر مجال يابد كه شود مقيم چاهش *
 كندش زجرم دلوي رشعاع ربسماني * با لای چاهده برج آبي به
 مماس اولان قبه عاليشاني طبقه علوي سي مؤذنان شافعيه به مقام
 اولمشدر شبانه روز صد هزاردن افزون نشنه لبان حجاج شرب
 و غسل و وضوده بوجه اسديفا استعمال ايدر ركن كنجه غيبه
 الهيه دن فوران ايدوب مركز اصل پسندن تفاوت جريئه سي كوشكذار
 دكلدر خارج دائره مطافده اولان چهل ستون روئين اوزره آويخته
 اولان قناديل خاطر شكن اختر فلک * وساحه حرمده پرواز ایدن
 كروه كروه حمامه تير پروا سطة انكسار بال ملكدر (نظم) وضع قناديل
 وي از هر طرف * اختر جا ترا شده بيت الشرف * خيل كبوتر

لای بمعنی طور طو

بهوا پر پیر * در طیران چون ملک اش کرد سر * اول چنستان
قد سک حوالی حرم خرمنده هفت منار هفت سرو کی سر بر آورده
اوج اعتبار * و قمریان پرواز گاه قدسه جای قرار در (نظم)
در صفت طول قد هر منار * نکته زده بر فلک زرنکار * پایه زاوج
فلک اش مرتفع * باشجر سدره شده مجتمع * جوانب اربعه مطاف
جماعت مذاهب اربعه یه جای اولوب هر برینک مجعنده بر
محراب سینه کشای احباب اولشدر (بیت) چتر مقامات رباعی
دران * بر سر هر قوم شده سایبان * الحاصل بو کونه ترتیب نظام
خانه خداتماشای علاوه حیرت اصلی اولمغین بر زمان پای زمین پیا
درون باب السلامده پیرایه رفتار دن عاطل اولوب نظر مدهوشانه
شاهین چشم دوخته کی با لای نکه ربای بیت الحرامه تعلق
یهوشانه یه باشدی (بیت) بس که مهابت بدلم رونود * چشم نیارستم
ازان در کشود * اگر جذبه مقناطیس حجر اسود پنجه زن گریبان
شعور اولماسه انجماد دهشت ایل سندان صفت اول مچلدن تحریک
خطوه یه حصول قدرت ناممکن ایدی (بیت) چنان از یافکننده ام
روزم از رخسار و قامت هم * که فردا برنخیزم بلکه فردای
قیامت هم * ذکر توجه بطواف قدوم * هله سیلاب سرشک ساحه
دلده رفع خیمه حیره بر مقدار همت ایتدکده (بیت) آخرای کعبه
دلیلی که بجایی برسم * دردمندم مددی تابدوایی برسم * بیی ایل
مصافحه حجر اسوده مبادرت و طریقه سنت اوزره دور طواف
قدومه مسارعت اولتوب اول شمع شبستان حقیقتک پیرامنده تمایل
اجسام طائفین ایل صورت فانوس خیال هویدا قلندی (نظم)
ز آتش شمع رخ جان پرورش * سوخته پروانه صفت بر سرش *
نیست درین انجمن آن شمع نور * یکنفس از کردش پروانه دور *
بر طواف کامل یدی دوردن عبارتدر که هر بدوری طبقات قباب

(فائده)

فارسیده اوائل افعاله
داخل اولان باموحده که
تأکید افاده ایدرفرسک
اهل لسان اولنلری مکسور
اوقیوب رستاقیلری
مضموم قرائت ایدرار

چرخ دوارک بر طبقه سنت تبعیت وجهی اوزره تعیین کرده صانع
ازلدر (نظم) هر یک ازین دوره زروی نظر * تابع دورست
ز چرخ دکر * چاررکن رکن که رکن حجر اسود و رکن عراقی و رکن
شامی و رکن یمانی نامیله ثبوت یافته عرصه اشتهارددر انلره وصولده
وباب رحمت مأب و حجر اسود و ملتزم شریف و مقام ابراهیم
ومیراب رحمت مقابله لرینه وصولده اولان ادعیه مخصوصه
مسنونه اداسی ایل اتمام طواف قدومه اقدام اولندی (نظم)
طائف این خانه نباشد بفرش * بل چوملک طوف کند حول عرش *
طواف قدوم که اشواط ثلثه اولاسنده رمل واضطباع مراسمی
مراعات ایچون هر کس طرف احرامی دوش یمیندن اسقاط ایتمکله
کالای تجردی زیور دوش رضا ایدوب بهادرانه ایل سر دوش جلوه
گاه جنبش شجیعانه ایدوب (بیت) جرأت و اظهار تجرد نکوست *
خاص بشغلی که بود بهر دوست * اشواط اربعه باقیه سنده حالت
مسکنت و افتقاری شعار ایلدی (نظم) این سه بود جرأت
و فرخندگی * چاردر کراحت و افکندگی * مبدأ دائرة طواف که
نقطه سیاه حجر اسود در هر برشوط مقطعنده ینه رخساره جهان
تابندن لب ادب ایله بوسه چین اوله رق هفت دوره طواف ختام
عنبرین حجر اسود ایله مختوم اولدیغی محله عر ضحال درگاه قاضی
الحاجات ایچون ملتزم شریف دخی درکار و جریده ضمیرده
مرسم اولان مطالب نهفته برداشته بارگاه ستار قلندی (نظم)
ملتزم ارشوق در آغوش گیر * زنده یحانان شواجان بمیر * عادت
پروانه ندانی مکر * چرخ زند اول و سوزد دکر * بعده و رای مقام
ابراهیمده دور کعت نماز طواف عقبنده دست سابقان زمزمندن
بر قدح شیرین کوار ایله تسکین ناره آرزو قلندقدن صکره قادمه عزم
آرامگیر و فقه تأخیر اولمغه مساع اولمامغین باب صفادن ساحه مسعابه

زروی نظر تأمل
وجهی اوزره اوله
دیمکدر

۳ (فائده)

آخری هاء رسمی اولان
اسمک آخرینه یای
نسبت داخل اولدقده
هاء رسمی کاف ملفوظیه
قلب اولنور

تحریرك خطوات اهتمام اولندی (نظم) یافتی از مرتبه طوف کام
 * زودپی سعی بمسعی خرام * طاق صفارشك رواق فلك * بر سر او
 صف زده خیل ملك * سعی کردن بصفا و مروه * صفا ایله
 مروه سرای الهینك جانب شرقیستند بر بریل زانوزده تقابل ایکی
 طاق بلند رواقدر که طاق صفا جانب جنوبیده و طاق مروه جانب
 شمالده مقدم کر مروان آمد شد سعبه آغوش کشای مر حبا اولمشلردر
 (بیت) یکطرفش مروه و یکسوصفا * سعی آن نیست جز اهل
 وفا * میانه ده اولان ساحه بسی بر میله قریب بر مسافه هدایت
 پیرادر که اصحاب سعی اول شکرستان مغفرت اوزره قافله مورکی
 جوش ایشلردر (بیت) وادی مسعاست که ریک شرف * سرمه
 چشم عظمای سلف * نقش کف پای تو بر آن زمین * روزن
 فردوس شود روز دین * هر بردفعه سرمزل صفا و مروه قدم نه
 وصول اولد قده زیر طاقده صورتمای جداول تقویم اولان
 درجات اوزره ارتقا و طریقہ سنت سنیه اوزره جانب حرم مکرمه
 توجیه قبالة خشوع ایله آیه کریمه (ان الصفا والمروة) سرنامه
 دیباجه دعا قلندی (بیت) سعی کن از مروه ده در اصفاء * لبس
 للانسان الاماسعی * دیوان حرم مکرم ایله خانه عباس رضی الله
 عنه جوارنده بر برینه مقابل چارستون اخضر میانده اولان مسافه ده
 دوش خطوه یه الباس خلعت سرعت اولنوب خصوصاً حرم
 خرم الهینك باب صفا و باب بغله و باب بازان و باب علی و باب
 عباس و باب جناز و باب السلام نام یدی دریچه مطهره سی راه
 مسعایه دیده کشا اولغله اثنای سعیده هر باب معلا جانب مقابلنه
 کلدکده شاهد تنهانشین بیت الهینك جلوه استهزازی مشهود
 اولغین دست نگاه کلزار جانندن شکوفه چین تماشا اوله ورق مطلع
 صفادن مقطع مروه یه دک تکاپوی هفت پاره تکمیلی ایله هر هفت

اهتراز نه خده

عروس مرام اتمامه اقدام اولندی (نظم) هیچ بی بی وولی بی
 نبود * کو قدم سعی درین ره نشود * بر اثر پای کسی پانهی * کز
 قدمش عرش گرفته مهی * آخر طومار هفت ورق سعی طی
 اولند قد نصکره ساحه حرم محترمه روزن کشای نظارت اولان
 بر مترلده بسط بساط آرام * و یوم وقفه یه انتظار ایله چند روزه
 اداره اوراق لیالی وایام قلندی (نظم) چونکه نیم محرم دیدار او *
 میکریم بدر و دیوار او * خانه او خانه چشم منست * زانکه جهان
 بر من ازوروشن است * ذکر وصف عزیمت عرفات * آخر
 جرس سمین هلال ذی الحجه دفعه هشتمه بختی کردنکش کردونه
 آویزان اولد قده زمان عزیمت عرفات قریب اولغله پای صبره
 عقدۀ آرام حرام اولغین آماده نشینان کریوه حسرت (مصرع)
 مرده شهیدان عشق روز قیامت رسید * مألبله بر برینه ابلاغ
 پیام بشارت ایتکه باشد یلر شش جهت عالمدن (نظم مؤلفه)
 پیشانی شوق قدم راه نجات ایت * مژگانکی چاروب غبار
 عرفات ایت * طی ایله جبینکله ره کوی خدایی * ابروزك آماده
 فیض خطوات ایت * دیوان الهیده دوکوب نقد سرشک *
 معموره اسلامکه تجدید برات ایت * ویرسون سکا عمر ابدی کریه
 حسرت * خون دلی همخاصیت آب حیات ایت * نابی نیه کلدک
 نه طور رسن بومقامه * وارباز که خالقه کسب درجات ایت *
 آوازه سی سامعه جانی کنجینه کوهرایدوب طرف طرف آوازه
 نفیر امرای حجاج اموات برهنه خیر انتظاره صور صفت افاضه حیات
 ایتمین کمی ناقه آهه هودج شعله بی زیور کمی اجازه سرشکه
 عماری ۲ حبابی بر سر ایدوب غریوه نعره کسان دمساز سهیل ۳
 فرس * و آوازه جرس * ناله دردناک عشاق ایله هم نفس اولوب
 بر حالت آرام ربا هویدا اولوب قریب اولد یکه آب زمزم سر جوش

مهی مه بالکسر
 اولو معناسنه ویا
 یاء مصدریه در

۲ عماری عورت محفه سی
 نعمة الله
 ۳ السهیل بالضم وفتح الهاء
 کواکبدن بریلدزدروات
 آوازینه دخی دیرلر اما بو
 معنایه صادله دخی لغتدر
 الصهیل صادک فتی
 وهانک کسری ومدیله
 آن کشمک صوت فرس
 معناسنه وانقولی
 سهل الفرس کضرب
 اومنع صهیلا فهو صهال
 صوت وکامیر و غراب
 صوته قاموس

شوق اولوب سیلاب اشك حجاج ايله كف زنان وادی منایه
جریان ایلیمه واز قالدیکه شاهباز آشیانه عنایت یعنی بیت مکرم
احرام سیه فامن بال مشکین کبی آماده پرواز ایدوب همراهی
سحاب آه عشاق ايله فضای عرفانه طیران ایلیمه (بیت) ناقه
سراسیمه شد و شوقناک * مرده برآورده سر از جیب خاک * سینه
ام القراده شرحه شرحه دروب لخت جگر سوخته دلاندن تنور
کبایان کبی آتشین * و دامن بطحا ايله کربیان معلا ده اولان
چاک چاک طرق خروش اشك خونین ايله عمر سیلاب بهار دن
برترین * اولوب دل خاکدن برخواسته اولان غبار پرده رخساره
مهر منیر * و آوازه زوار ايله آمیخته غلغله اذکار صمم رسان سامعه
فلاک اثیر اولمشیدی * مبالغه تصاعد غباردن مشعل عالمتاب آفتاب
دوش فلکده ناپیدا * و مزاحمه مطایادن کره زمین زیر پاده ناهویدا
ایدی (بیت) عنان بدست عنایت سپرده بودار نه * صف ملائکه
در زیر دست و پامیرفت * بو غلغله طربخیز ایلیمه وادی منی جانیده
ورود اولدی * ذکر و صف منی و مسجد خیف * وادی منی
بلده مبارکه مکه ناک جانب شرق پسندیده بریحی ساعت مقداری
مسافه ده بروادی جانفزاد که نیچه خانه معلا بنا اولوب طرفین
طریقده شهنشین بر شهنشین رواق صف کشیده راه انتظار حجاج
اولوب طبقه سفلیسی سوداگران ایام تشریق ایچون دکا کین
نزهت آیین ترتیب اولمشدر و اول وادی اوزره سایه کستر اولان
کوه بهشت شکوه دامنده مسجد خیف نام معبد فسیح الارجا
اساس یافته قواعد استحکام اولمشدر (بیت) قرب دو صد کام
ز سوق منی * مسجد خیفست صفا در صفا * خاک وکل آن همه
عنبر سرشت * فسحت او وسعت صحن بهشت * اول مسجد
پرفیض و راسته جلوه کر بر غار پرانوار که درینم صدف کونین

(منی) ممک ضمیمه
نونک قصر یله در

حضرتلری اول غارده واسطه العقد انجمن اصحاب اولدقلری
حالده پیام رسان جهان آفرین * جبریل امین علیه السلام امواج
بحر قدیمدن سبحة سورة والمرسلاتی دستاویز پیشگاه نبوی ایتلریله
غار والمرسلات نامیله صدف کوهراشتههار اولمشدر (نظم)
هست یکی غاردر آن کز صفات * آمده مشهور ابوالمرسلات *
از پی فراشی آن ابر و باد * میرسد از چرخ بهر بامداد * لیلۃ ناسعه
ذی الحجه ده وادی مناده آرام شبانه * و مسجد خیفده ادای نماز
پنجگانه * سنت قائد راحله رسالت اولمغین خیمه زر طناب خورشید *
ساحه فی زوالده بدید اولمازدن مقدم ستون واوتاد خیامده
هیئات رکوع و سجود و قعود و قیام جلوه کر اولمغه باشلیوب
دیباچه زرافشان ظهردن خاتمه سپید فام نماز بامه دک مسجد
خیفه ملازمت و عکس خطوط جبهه سجود مسطر نسخه ضراعت
قلندی (بیت) خلق در آن عرصه با فغان و زار * جمع بهر گوشه هزاران
هزار * قافله سپید پوش صبح ایلیمه خوابگاه افقدن سر زده اولوب
جیش ضیافضای پیروزه فام اوزره وروده اغاز ایلد کده (نظم عربی)
قد طلع الصبح وهب الشمال * اقرب الوقت انیخوالجمال (نظم)
بار بیندید که فرصت نماند * تیز بر ایند که مهلت نماند * مألن زبان
زدادا ایتمکین کبسه قلوب نقد آرامدن خالی * و کاخ دماغ هوای
شوقدن مالی اولوب جانب موقف عرفانه شتاب ایچون خطوات
شوق بیک نکاهی مقدمه باشلیدی (بیت) آن عرفانست و بود
کوی حق * هست کر یز همه کس سوی حق * بعد ازین نه خانه
دلده مایه صبر * ونه الده عنان اختیار * ونه تنده خلعت تاب *
ونه جانده نشئه اقتدار قالوب زمام ارادت سر نیچه حیرته مسلم
و ورق شعورده مسئله بیهوشی مرقم اولوب مهابت دیوان جبروت
عمال حواسی مناصب شعوردن معزول * و غشاوه تنق ملکوت *

بال بیند
نسخه

تنق پرده معناسنه در

طره ادراکی مسبول ایلدی (بیت) پای نه تاسرکنم ای ره دانا
 فریب * زهره نه تابوکنم این می دانش زدا * نو بنواستقبال امواج
 روحانیت سفینه وجودی لطمه خوار طوفان انقلاب * ودمدم
 تصادم صرصره هابت عوالم معانی باد بان نفسی کنجینه خفقان
 اضطراب ایدرک هر نه حال ایسه افتان وخیزان خاک روانبخش
 عرفاته ایصال جان ناتوان اولندی * ذکر عرفات وکوه رحمت *
 فضای رحمت آرای عرفات وادی منادن اوج ساعتک مقداری
 جانب شرقیده بر ساحه انشراح بخشادر که هر ذره ده خاک
 مشکسای کبوسوی حوران بهشتدن آستین فشان استغنا * وکتر
 کلاه نیم خشک نافه کشاسی سیره جویبار کوثر تسنیم خنده فرمادر
 هر ریزه سنک کوه رشکنک رشک قیمتی زرخورشیدی کداخته کوره
 کره اثر * وهر قطره آب کلاه شوینک کیفیتی سرچشمه ریحی
 ولسبیلی امواج انفعال ایله در زنجیر ایلشدر هر نخل بهشت آشوبی
 اغصان طوبایه میوه بخش پیچ و تاب * وهر خار خنجر دارینک
 خیازه کش حسرتی آغوش دیده آفتابدر (بیت) ریک میندار بظاهر
 در آن * که آب حیات تست جواهر دران * حقا بر صحرای وسیع
 الاطرافدر که اول قهرست تفاسیل عوالم علویه و سفلیه اولان
 روز رحمت اند وزده رباط نه قباب آسمانه صعود ایدن قوافل
 دعا و بقاع هفت صفة زمینه نزول ایدن سرایای ملاء اعلا
 دخی صورت مراسم انسانیه ده مد طناب خیام ایتسه لرینه اکثر
 مواضعی اول کونده جریده سبئات عصا بدن خالی ترقاله جفی
 موقف اشتباه دکلدرا ووسطنده توده راه مغفرت یعنی جبل رحمت
 هیئات مختصره ده بر نافحه المسک درج هدایتدر که بوی دماغ
 پیراسی مبدأ عطسه صبح و منشأ زکام شامدر با لای سر رحمت
 آورده برقه دلنشین زانورده تمکین اولوب سرشک عشاق کبی

السابل یولجی کیمسه
 سالک کبی

کوره بمعنی اوجاق
 نعمة الله

دامنندن گذرایدن آب روان قبر بنده مطبخ حضرت آدم علیه
 السلام دود انکیر مجر آسمان اولمشدر (نظم) کر چه بصورت
 زجبال اصغرست * لیک یعنی زهمه اکبرست * پر بود از رحمت
 حق دامنش * ائس و ملک جمع به پیرامنش * سایه او در عرصات
 جنان * میدهد از ظل الهی نشان * اول جبل و آلا محل حوالیسی
 کردا کرد طناب در طناب خیام رشکارنک ایله تربین اولنوب اول
 کنجینه رحمت کویا احاطه دیوار مینا کاریده برنکین واول
 مرکز دایره عنایت چارده صفت آغوش هاله ده مکین اولوب
 (نظم) از جبل ودشت وی آثاری * هیچ بجز خلق نمودارنی *
 دامنش از خیل و شتر فوج فوج * کشته چودریا که در آمد بموج
 * جمعیت حجاجست در مسجد ابراهیم علیه السلام * وقتا که
 عارض خورشید ده رنگ زوال نمایان اولمغه قریب اولدی یکسره
 حجاج قرین الایتهاج مسجد ابراهیم علیه السلامده گذشته سلاک
 صفوف نماز اولمغه عزم ایلدیلر تعین روح الامین اوزره حدود
 بیت الحرام ایله حدود عرصه عرفات امتیازی ایچون ایکی محله
 وضع اولنان علمین پیونده کی ارض خالیده مسجد ابراهیم علیه السلام
 بر عبادتگاه فراخ و منور در که نماز پیشین و پسین همزانوی صحبت
 مواخات اولمق اول جامع شریفه مختصدر بتا برین اول مسجد
 شریف احرام کشان سید فام ایله شکوفه بادام ریخته اولمش
 کلزاردن نمونه اولوب صحیفه ساحه دلاراسی عملنامه رحمتیان کبی
 سطور سیداج کون ایله جلوه کر اولدی آخر عقرب زرانده
 خورشید ساعت مینا ظرف کردن مدارنده که درجه ظهرده
 سر نهاده اولدقده مؤدتان پاکیره نفس منیه وقت صلوة اولمغین
 خطیب بدیع البیان منبر فصاحت مقتضای حاله مطابق بر خطبه
 بلیغه اداسندنصکره قیاس ناسه مخالف رفع تنافر بین الصلوتین

ایله جمع وقصر ظهور وعصر ایلد یلر بو حالت اندیشه فرسانا
نامسبوق جریده اعمال اولغله مبتدیان حجه وسیله غرابت و ضمیمه
حیرت اولغین عقیب سلامده یکباره کلبانک نعره لیک ایله چال
افکن کر بیان افلاک اولدیلر برمدت اول محله دست دعا کاسه
در یوزه درگاه کبریا قلندقد نصکره (بیت) وقت شدا کنون که
بموقف شوی * واقف اسرار معارف شوی * مالی کر بیان جانه
دست اوروب هنکام تشبث دامن عرفات حلول ایتمکین همان اول
محله نقد هوش و دیمه صندوقه حیرت قلوب جاذبه مهر عنایت
ایله شبنم آسای اختیار عزم دامن عرفات اولندی (بیت) کمال جذبه
تو آستین **ک** شایم برد * بذروه که یکی بود رنگ سایه و نور
وصف هنکام وقفه در عرفات * ینه قافله مور شمار حجاج پیرامن
خرمن جبل رحمتله حلقه بند جمعیت اولنجیه دک فراشان چابک دست
صبا سیمای احوال و اقبال برچیده مفرشه دوش جلال ایدوب طرف
طرف دیوان مقدس الهیده هر کس وقفه کیر کوشه مسکنست
وافتقار اولمق تدارکنه اشتغال ایتدیلر (بیت) این عرفاتست
فراغت کجاست * هر کسی امروز بخود مبتلاست * ماهیچه محفل
مصری و شامی اول کوه فلک عنایت دامننده صورت نمای فرقدان
اولوب توغلرک پرچی پرخم * و علملرک شقه لری درهم قلندی
قاضی محکمه مکده مکرمه مبار که بحسب العاده درجات منبره
صعود ایدوب رفع دست مناجات ایله فتح ابواب حاجات *
مقدمانه شروع ایلدی * فواصل فقرات مناجاتده عامه حجاجدن
تحریک سلسله لیکه اشارت ایچون بازوی مؤذنان بال مرغان
ک بی وقف جنبش اولدی هنکام زینت روز بازار مغفرت
اولغله سو بسوجان فروشان سودا کر محبت لقا فیه متاع نیازه کشایش
و یروب معامله کرما کرم سوز و کداز و شوق و نیازه درکار اولدیلر

کمال خواب لطف
نسخه

(نظم) زین همه یکبار برآمد نفور * خواست قیامت مکر و تفرغ
صور * شیوه شیون به بدن راه یافت * تنکدلی دستکه آه یافت *
گاه بیم عصیان ایله بد نلر سیلاب صفت لرزان * وگاه تشنه رحیق
امید غفران ایله دیده لر کر یان * اولوب چهره لر دمسردی آه
ندامت ایله خزان * و سرشکار ازوی نوبهار رحمت ایله ارغوانی
اولغله بوزطوتدی (بیت) مره هابر عذار دجله فشاند * آستینها
زکریه چیمون شد * نیچه جبهه لر سجاده خالک اوزره نقشبند * نیچه
بدنلر آتش اضطراب ایچره سیند اولوب شراره آه نشانگاه مهجده
ثریا * و قطرات سرشک کلکونه رخساره ثری اولغله عزم ایلدی
(نظم) دل بدرون کرم چو خورشید شد * رعشه تن بر نهج
پید شد * نعره یارب زفلاک برکذشت * اشک روان آمد واز
سرکذشت * کر بیان کفن احرامدن سرزده اولان برهنه تنلر ایله
صحرای عرفات * نمونه حسابگاه عرصات اولوب بلکه غوغای
شورانگیر محشر * که نظر انجمن سوردن ناز کتر ایدی (بیت)
مرده اوبا کفن پاره به * عاجز و افتاده و بیچاره به * جوشش
سیلاب اشک ندامت آسیاب چرخ کردان * و هبوب عواصف
آه حسرت کشتی نه بادبان افلاکی ویران ایتکه قریب اولمشیدی
(بیت) لنگر لطف توای کشتی توفیق کجاست * که درین بحر کرم
غرق کنه آمده ایم * اشارت مؤذنان ایله صد هزار افواهدن دفعه
ظهور ایدن کلبانک فلک شکاف لیک بنیان ملک و ملکوتی برهنه زده
زلزله اضطراب بلکه لب سکان ناسوت و لاهوتی تبخاله زارتب
وتاب ایدردی ساحه خالک اوزره مزاحجه روی نیازدن کلکون اشک
عرصه جولان کوره مردی و روی هواده کثرت دست دعادن طائر
نگاه فرصت طیران بوله مردی (بیت) دست دعا بین که در آسمان *
داشته هرسوی زمین و زمان * الحاصل هر کس اندازه قامت

استعدادی اوزره کجینه عطایای ربانیدن خواهشکرم تا معفرت
اولمق سودا سیله نقد شمار اشک افتقار اولد قلری وقتده درون کنبد
اخضر سینه حجاجدن ساده ترایکن آثار رحمت الهی ظهوره کلوب
(یت) فوج در فوج کند حسن قبول استعجال * خلق را لشکر آمین
ودعا در سفرست * و فقیحه ناکاه تحمینا دائرة عرفات مقدار نیجه
بر قطعه سحاب عنبر افشان سایبان * سر برهنه حاجیان اولمغه
آغاز ایلدی کویا تصاعد انجری آه لباس ایرده جلوه کراولوب (یت)
آبرومیرودای ابر خطاپوش بیار * که بدیوان عمل نامه سیاه آمده ایم *
نیاز یتک تأثیری نمایان اولوب کلاب افشائی مهمان نوازانه اوزره
تدریج ایله صفحات وجوه عصانه ژاله بار اولمغه باشلدی (نظم)
کشت فلک زنجکه تیر آه * رحمت حق ریخت دران جایگاه *
از تم دریای کرم کوه کوه * فیض خدا ریخته بر این کروه * کویا حکیم
خسته نواز شفاخانه ازل عارض بیهوشان نشئه محبته مشاهده
شاهد لطفه چشم کشای اولمغیچون رشحاب آب عنایت یاشیده
ایلدی نه باران هر قطره سی مرسله رباط الحیال الطاف یزدانی به
بر در شاهوار * ووشاخ الصدر عرایس قبول ربانی به بر کوهر آبدار
ایدی (یت) بر فلک یرده دعا رابر و بال وسوز و تاب * بر زمین آورده
رحمت را دعای مستجاب * یو کونه هنکام عجز و نیازده آبیاری ابر
عنایتک سر سبزی کشترا آماله دلالتی واضح اولوب یوم معامله مرحت
مقدمات جوشش دریای مغفرت اولد یغی استشعار او انمغین
(مصراع) کرم کورد بکجه ای باقی کدالردن رجالتی و فقیحه فریاد کریه
خیزی نیجه یرده دخی تیر ایلدی بر ساعت مقداری تقاطر رشحات غمام
دخی اول موقف معلاده وقفه کیر آرام اولد قد نصکره خرمن برک
نسرین کی تفرقه ناراج صبا ایله ینه ناید ایلدی الحق نه هنکامدر
اول هنکام که سکان قلمرو اسلام دیوان مغفرت الهیده بر ساعت وقفه

الحیلة فتمت به کلن اوی
الحیال یکسر الحاء جمعه

مفروضه آرزوسی ایله هفت ساله وهشت ساله واک اقربی چهل
مرحله دن ارتکاب مشاق بحر و برایله طی منازل اشتیاق ایدرک اولزمان
و مکانه حان رسان اولوب (یت) دست تهی پای تهی سر تهی *
قلب تهی روح تهی بر تهی * کدای کوچه رحمت حضرت غنی
چاره ساز * و نائل دستمایه عرض نیاز * اوله لرنه خوشدر اول فصل
بهار چنستان قدس که بلبلان لانه بیزار هوای اطاعت شاخسار
عفو الهیدن کلچین اولمق امید یله مسافه دور و درازدن اول کلشن
مغفرت پرواز و دست دعا و دامن نیازی دراز ایلد لرنه دمدر اول
دم که خرمن خرمن ذنوب دوزخ آشوب صدمه صرصر عنایت
بی غایتله برک کیهدن سبکترو توده توده غبار معصیت خروش سیلاب
مغفرت ایله اکسیردن نایا بتر اوله نه محلد راول محل که مسوده
جریده سیئات قلم عفو ایله بیاضه حقوب پیشانی شب فام عصات
طلوع آفتاب رحمت ایله مانده دیباچه صبح منور اولد قدس ابلبس
نا قبول رنج اضلال صد ساله سی هبا اولد یغنه سینه کوب آه و واویلا
اوله (نظم) بارکنه از همه کس لخت لخت * ریخته چون برک
زشاخ درخت * بارد کرامده از نو بدید * هر که درین وقت
باینجار سید * نه نعمتدربو نعمت که کرسنه طبعان روزه عجز و نیاز
یوضیافتگاه عیم النوال غفراندن کندیلری سیر معده اولد یغندن
فضله اقربا و احباب سینه دخی افراز حصه غائب ایچون دست افراز نیاز
اوله لرنه سعادتدر یوسعدتکه حلقه کیران باب عطای غفاری
نیجه زبانه آتشدن کندیلری تخیلص کر بیان جان آیتد یکندن
ماعد امانت سیار لک دخی صحیفه رقبه سی رقداشت اعتاق اولمغه
وسیله اوله لرنه کوندراول کونکه ابواب رحمت دست دعا کی کشاده
و کالای عنایت روی نیاز کی آماده اولوب سرو پاره نه درگاه کرم
پناهه مجتمع اولان بنده لیراهن چرکین کاهدن عاری اولوب تشریف

خلعت مغفرت ايله عودت ايله لر (نظم) بر در از باب کرم منع
نیست * خواه در آری از در خواهی بایست * بر در درگاه کریمان چه
پاک * کر همه آفاق در آیند پاک * نه کر مد ربو کرم که حجاب جرم
و تقصیر ايله نقاب عذار اولان ایدای دعا نقد اجابت ايله کنجینه
اعزاز و بار کران شرم و عصیان ايله خم اولان قامت لر بایمزدی
نشئه الطاف ايله سرو آسیر افراز اوله لر بوجله مواهب بیکراندن
غیری نه دولت در بود و لست که حضرت کریم ذی الجلال عز شانه اول
روز مغفرت فیروزده ملائکه مقرینی نائل لطف خطاب بیوروب
ای معشر سر ادا قات ملکوت دید ه کشای تماشا اولک که امید
عفو و رحمت له راه رضا خواهی عزتمده پویان اولان بنده لرم که
شوق اطاعتده ملک و مال و اولاد و عیال له موادعت و موقف
مقدمه افتان و خیران مسارعیت ایدوب حالا دیده لری چشمه
سارتم و سینه لری چاکزارالم و جبهه لری خرم نگاه غبار مذلت
و دهن لری ناله ریز فریاد ملامت دست لری کزیده دندان انفعال
و سر لری کوفته سنک ملال در یوزه کر در غفرانم و حلقه کردان باب
احسانم اولش لدر سز جله نکاشته صحیفه شهادت اولک که
بونلرک سر جله سیاتده لباس حسناتده جلوه کر و رحمت و مغفرتده
مظهر ایلدم دیو رخسوده خالک عرفات اولان کینه لرین انجمن
قدسیانده عظمت و کبریا سبیل و سیله مباهات ایلده (بیت) زهی
مراتب علیا و سعادت عظمی * ملکوتینه مباهات ایده سنکله
خدا * الحمد لله ثم الحمد لله بوه رزه کرد کوی معصیتی آواره وادی
یأس و حرمان ایتوب قوت رفتار پای اقتداردن دامکش اولمدین
اول خاک پا که وضع قدم ايله فائز درجه اغتنام ایلدی (نظم)
ایردم اول جایه که مقصود دل و جانم ایدی * کوردم اول وقتی که
آرایش ایمانم ایدی * بولدم اول مطلبی کم کوکم ایدردی خواهش *

و خواهی بایست
نسخه

بایست نسخه
یا حرف تأکید ایت
امر مخاطب در استیذان
طور دیگر سودی

کزیده کزیدن فتح
کاف ايله ایصر مق
معنا سنده در

بصدم اول خاک که کل بصیر جانم ایدی * حضرت قادر مجیب
جمله آرزو مندان پیغوله نشین حسرتیه نصیب ایلده آمین * ذکر
عودت بسوی مزدلفه * ما حصل تکمیل مرتبه و جوبه دلک موقف
کنه کدار عرفاتده اقامت پای ثبات اولنوب بحر زرین خورشید *
زیر دامن افقده نابدید اولق انصراف مهمانان مغفرتیه اشارت
اولمغین العظمه لله یکباره اموات عرفات نائل رتبه حیات اولوب
بر غلغله آسمان کیر طهور ایلدیکه از قالدیکه اطفاء ناره فلك اثیر ایلده
آثار رحمت غفار ی بالجمله قلوبه ساری اولمغین سینه لر کنجینه
سرور و خاطر لر انجمن حضور اولدی حبش الم هزیمت خورده
سیاه انبساط و غبار غم خوابیده رشحات نشاط اولوب مده العمر
دامن وصالنه دسترس مبر اولیان شاهد صفای درون جلوه
نامعهودانه ايله عرض جلاله باشلدی بود ستمایه صفا تحصیلیه
بر برین پامال ایدرک جانب مزدلفه یه امانه عثمان مراجعت قلندی
(نظم) خلق همه بار کنه ریخته * راحله از جای برانگیخته *
کشته سبکبار ز بارگاه * روز سر شوق نهاده راه * اول محله
بر برینه مسابقت منشأ نزاع و جدال اولق احتمالی دفع ایچون
بحسب العاده محفل مصریان دست شامیانه و محفل شامیان دست
مصریانه ایداع اولنوب کمال انشراح و ابتهاج ايله رویمال دامن
مشعر الحرامه تحریک کام اهتمام اولندی (نظم) رهروانرا بزمانی
چنین * پای نیاید ز فرح بر زمین * از عرصات آنکه بیاغ جنان *
روی نه چون نبود شادمان * اوصاف مغفرت اثر مشعر الحرام *
مزدلفه نامیله مر سوم جریده شهرت اولان مقام فیض ارتسام
عرفات ايله وادی منی بیننده بر صحرای جانتقزادر که مشعر الحرام
اول صحرای معصیت ربا سینه سنده اولان بر صفت و وسیعه و وسطنده
اولان قبه رقیعه دن عبارتدر موقف عرفاتده جریده عصیانندن

یکباره بای فارسی ايله
بالجمله دیمکدر یکباره
باء عربی ايله دفعه
دیمکدر

دستبرد نسخه

فیض اتسام نسخه

سترده کزلك عفو اوليان سواد حقوق عباد اول مقام مبار كده
شسته صابون عنایت اولق نكاشته صفحات تواتر در بنایین پیرامن
پرامن مشعر الحرام مقام خيام قلوب وقت عشا و مغرب بر بريله
دوچار اولق دخی اول مقام مغفرت نظامه مخصوص اولمغین
هر گوشه سنده برجاعت شیرازه بند اجزای نسخه عبادت اولمغه
شروع ایلدیلر (نظم) پروانه رحمت بدهای شمع که امشب * از آتش
دل پیش تو چون شمع کدازم * اول ليله مبار که ده حقوق عباد
کی بر بار بلادن آزاد اولق شوقيله ذیل معافات رب العباد تشبث
طریقيله بنه قافله آه و فریاد چرخ برینه پیوسته اولدی (بیت)
امشب که یار بر سر لطف و عنایت است * ای ناله کرم باش که وقت
سرایت است * اوليله خوف و رجاده ناره قلوب بدن زبانه کس اولان
دودیم و شمع امید ايله بر بشقه شب پراختردخی بدید اولوب دستلر
تهال دعا کی سوی آسمانه کشوده و جنبه لاشک نیاز کی زمینه
سوده اولوب (بیت) چندان سودند روی حسرت بر زمین * که این
سوده خاك را ببنك آوردند * در یچه خزان ابصار کلید امید ايله
مفتوح * و کالای خواب کران سر نیچه دزدیم ايله هر فوع اولدی
(بیت) رفت زدل محنت و غربت بدر * شام غریبان دکر است
این دکر * اول هر اح شافیه صفاده حال ماضی و مستقبل لرینه
گریه ايله معتل العین اولنلر فائر عز مقصود * و اول ملتقای بحر
رائق هدایتدن درر خزانه مغفرت ایچون نسخه اشباه آه ايله
تویر ابصار ایدنلر واصل مسئله شهود اولدیلر (نظم) ظلمت رنگ
از رخ آینه رفت * از ته دل محنت دیرینه رفت * کوکب امید ازو
شد بدید * شام چنین به بود از روز عید * اول ساحه راحت
بخشای عمیة المغفرتده بازوی مژگان دراغوش عروس خواب ایتمک
دخی وسیله مشاهده صورت مرام اولمغین نیچه لر دخی کر بیان

این توده خاک
نسخه

اجفانه کله ریز خواب استراحت اولدیلر (نظم) دیده آن بخت که
نغفود بود * کردمدد طالع انجاغنود * چونکه شدی یاک زاکودکی
از بی باکی بود آسود کی * شکست کاسه درون ابالسه ایچون
انداخته اولنه حق ریزه سنک جرات اول ساحه مبار که دن بر چیده
کوشه دامن همت اولق سنت اولدیغنه بناء اول جواهر کان سعادت
بر بر ریز یور سرانکشت جمعیت قبلدی (نظم) ریزه سنکش همه
نسبیج کوست * نیست تهی یکنفس از ذکر دوست * در تو
قصور یست که آن کوش نیست * ورنه وی از زمزمه خاموش
نیست * ورق عنبر فام شام عملنامه شبه کاران کی ریش
قطرات نجوم ايله شسته روی اولد قده خروس ملع بال
صبح (نظم) صبحك الله صباح السعيد * بر تو مبارک بود این
روز عید * این چه صباحست که شش صد هزار * بنده شد
آزاد صغار و کبار * زمزمه سیله لبریز بانك بشارت اولمغین آفتاب
سجده گذار دست اشعه ايله جویبار شفقندن وضو ساز اولمازدن
مقدم (بیت) دلایر خیر و طاعت کن که طاعت به زهر کارست *
سعادت آنکسی دارد که وقت صبح بیدارست * مألن دلیل صبا
مسامع مجامع حجاجه القا ایتمکین احوال و اثقال تحمیل ظهر جمال
قلوب ادای فریضه صیحدن صکره مشعر الحرامه توجیه قبالة
خشوع اوزره وقفه مزدلفه به قیام و اساس دست دعا احکام
اولندی * رفتن از مزدلفه بسوی منی * نیچه مصباح آفتاب
اظهار مفتاح فروغ ایتدیکی ساعت پای قیامدن دفعه عقاب آرام
کشاده اولمغین قنده سین قریبانگاه منی دیوجان انداز اولدیلر
(نظم) کس نکشد بهر کسی انتظار * شوق منی برده زدلها قرار *
ینه وادی منی کثرت خيام ايله نمونه محی بر حجاب قلندیغی ساعت فوج
فوج دامن جره عقبه به شتاب ایلدیلر * ذکر اوصاف جره اولی *

جسره اولی عقبه وادی منانک مکة مکرمه جاننده اولان
مدخلنک طرف شمالنده بر موضع در که دامن کوهده طولاً
وعرضاً بش ذراع مقداری بر دیوار بنا اولمشدر جناب ابراهیم نبی
صلوات الله علی نبینا وعلیه حضرت تبری بروفق فرمان یزدانی کردن
جگر گوشه کرامیلین بوسه گاه دهن تیغ ایتکه دامن برزده عزیمت
اولدقلری حالدی ابلبس عالیہ اللعنه اول جان سپاران راه وفایی *
کشدی بیابان نافرمانی ایتک سوداسیله ابتدا اول موضعده تحریک
محبت پدرانه ایدیجک کله شفقت انکیز مقدماتیله ترتیب دام فریب
ایتکین مانده سک هرزه فریاد * دست ابراهیم علیه السلامدن
سنگ خورده رجم وابعاد اولمشدر * جره ثانیہ وثالثه دخی
تخمیناً بر بردن صدکام مقداری بعدایله وسط بازارمناده واقعدر که
اول شاخ زقوم ضلال یعنی ابلبس شقاوت مأل اول موضعدر دخی
اطاله ریشه تزویر ایتدیکی اجلدن سنگ رد ایله برکریز حرمان
اولغین بناء علیه اول موضعدر دخی بر میل بناسیله تعیین و اشارت
اولمشدر روز نخستین ده فقط موضع عقبه یه رمی جرات اولمغله
هم اندام بادام هفت سنگ الماس رنگ فلاخن ناخندن پای عقبه یه
پرتاب اولندی (نظم) هفت کرت سنگ بر آن میل زن * میل چه
بر روی عزازیل زن * قوم که شمشیر غزامیزند * نعره تکبیر
فنامیزند * ذکر قربان و سرتراشیدن * اول روز جگر سوزده
بدل نقدینه حیات سوداسیله تسلیم کردن رضا ایتکه آماده اولان
رمة کوسفندان ریک بیاباندن افزون اولغین هرکس کاسه اقتدارنجه
اراقه دم ایتکه کلکونه سای عارض آمال و سرخ نویس فصول
وابواب نسخه اعمال اولمغه شمشیر ساعد اهتمام ایلدیلر (نظم) کشته
در آن بادیه قربان بسی * تشنه بخون تیغ بکف هرکسی * هر که
تشنه کشته شمشیر دوست * لاشه مر داریه از جان او ست *

اول بسمسگاه رحمت پناهه خلعت خونین ایله کرد نفر از اولان
قربانیان سرباز * قدوم شاهد قبوله اطلس سر خدن بسط پاینداز *
و پای عروس انابته نثار کلبرک اعزاز ایلدیلر (بیت) بسمل
قربانکه اوکر بود صید حرم * بر زمین خونش حلال و بر بدن
جاننش حرام * اساله جو یبارخونه متعاقب توده سر سودازده دن
ازاله گیاه خود روی مویه سرعت اولنوب اول قربانگاه وفاده *
تیغ فرمان ربانی یه سر نهاده تسلیم و رضا اولماش آفریده قالمدی
(نظم) کر سر مویست علایق ترا * نیست یکی طاعت لایق ترا *
از سر تسلیم رضا پیشگیر * در ره دین ترک سر خویش گیر * سر
بتراش ارچه که مو اند کبست * اندک و بسیار درین کویکبست
* ذکر اوصاف برون آمدن از احرامست * آخر نسخه افعال
ایام احرام تراشه موی عنبرین فام ایله مسکی الحتام اولیحق مرده
کان کفن در کردن احرام دست برده برات حیات اولغین بعد ازین
پیراهن احرام و دیعه لفافه تعطیل قلوب هرکس صندوقه
استطاعتنده آماده اولان البسه عیدیه عادیه ایله آرایش بدن
غریانه شتابان اولدیلر (بیت) و یردی جان عید بهار ایتدی ینه
تازه قبا * کفنن ترکس بیمار هله چاک ایتدی * شانه لر دست کش
دامن محاسین ایکن ینه بر بر یله هم آغوش مصافحه تهنیت اولدیلر
کلاب وعود روی و مشامیله آب و آتش ایکن خاک و باد کبی رفع
غبار وحشت ایلدیلر البسه ایله اجسام یننده وساطت احرام ایله
حاصل اولان برودت ینه لباس گرمیتده جلوه ریز اولدی و سربایله
دستار میانه سنده مفارقت دور و دراز قات قات الفتیله تازه لندی
انداخته بام نسیان اولان نعلینلر طلب مصالحه ایله پایله افتاده
اولغین بعد ازین روح و جسم کبی اتحادده ثابت قدم اولمق شرائطی
قالب استحکامه افراغ اولندی اول روز مسرت افروزده بازارمناده

کشایش بولان تنك كالای سرور خارج کاروانسرای تصویرای
(بیت) نه سو قدر بو که سوداگران زوارك * فروختی اوله جرم و خریدی
اوله ثواب * رفتن بکعبه بهر طوف زیارتست * اما سه شبانه روز
مشاهده رخسار دلارای بیت خدادن جدا دوشم کله نفس بنفس
يک خیال جانب حرم مکرمه آمد شدن خالی دکل ایکن لوازم
رمی و ذبح و تراشدن آزاده سراولد قد نصکره ادای فریضه
طواف زیارت جریده ذمته باقی قالمغله کند جاذبه محبت کردن
دله منعقد اولوب مانده جو بیار بهار موج موج اول لجه مغفرت
جانبه جریان اولندی اول کونده ینه سخن حرم ربانیده ساحه بهشت
کبی شورش جمعیت نشاط امیر هویدا اولوب کوردیلر که اول
شاهد مربع نشین سریر عز و تمکین ینه خلعت عباسی ایله جلو
اهترازه آغاز ایلش کمر زرتار کوهر نکاری دیده ملائک ایله ترصیع
اولمش (نظم) بهر همین بسته کرتا دکر * جان کند آویزه
بند کر * زلف سیاه خم بجم عنبر سابی پرویزن دست نسیم
اولدجه ارواح مقدسه بخته اکسیر عنایت کبی خاک پاینه ریزان
اوله ده در (بیت) پیش او بر پاستاده چار ارکان وجود * کرده
از جان خدمتش را ملزم وار انتزام * اول نهال سرافراخته
بوستان عنایت معانقه نسیم عنبر ریزایله خرامه کلدکجه بال کشایان
هوای قدس قمری واری بالای سرنده حلقه نمای کردش نیاز
اولمش اول هنگام فیض عام اولان روز عید ده بونجه ناکاملر (بیت)
چکمه دامن نازایدوب افتاده لردن رحم قل * کوکله آچلسون
الکر که دامانکده در * ناله سیله عرض حال ایچون دامن استار فیض
بارینه توسل ایتمشلر (بیت) دامن اودر کف مردم بسی * اونکشد
دامن ناز از کسی * نیچه لر زحام انام سبی ایله دست امیدی کوشه
دامن جامه شک فامندن کوتاه اولمغین (بیت) یوز سورمک امارو پایکه

افتاده لراما * نو بنی دکر کیمسه یه دامانک اوچندن * مالن دستمایه
تسلیت ایلش نیچه لرایسه (بیت) باشکه دور ایده یم مهر جهان تاب
کبی * پایکه یوز سوره یم شعله مهتاب کبی * زمزمه سیله کباب
سوزش شوق طواف اولمش (بیت) کردن کرو بیان و دست و دوش
حاجیان * در طوافش بی سپر کشته زفرط ازدحام * نیچه لر ملترم
شریفه (بیت) من کر آمرزش تو بهره بزم سود کنم * کرتو بخشی
کنهم راحه ضرر برداری * مألله سینه سای نیاز اولمشلر نیچه لر
سودای تمغای حجر اسودایله متاع جانی کارگاه زحامده تنکد چکمش
(نظم) کشته زخالش دو جهان مشکبو * خم شده چرخ از شکن
موی او * یوسه زتنداین همه بر خال او * هیچ دکر کون نشود
حال او * نیچه لر زیر میراب رچنده هر دمک دیده حطیم اولان
حجر اسمعیل علیه السلام اوزره ناودان دودیده سین سرشار
خونابه نیاز ایتمش (بیت) مژه پیش ناودانش بجزع چنان بکرید *
که ز سخن حرم آردیدرش ز سیل رانی * و نیچه لر مقام ابراهیم علیه
السلامده ناصیه خضوعی فرش سجده نمازایدوب نیچه لر
بیرامن چاه زمزمده تسکین ناره سوز و کداز ایچون قدح کردن
امید اولمشلر (بیت) عافیتلر اوله اول تشنه طوف حرمه * که سر
چاهده پیمانه کش زمزم اوله * دخول حاجیان در بیت مولی *
خصوصا اول پیرایه جلال موجوداته اول کون الباس جامه مردمک کون
ایمک ایچون دیده باب عالم تابی طاق عرش برین کبی کشاده اولمغین اول
لجه انوارده اشتیاق استغراق ایله پیشگاه سده رچنده زحام اجسام
انام دریای صرصر دیده کبی موخیز خروش اولوب نیچه لر معصره
تنکسای زحامده شیر شعور دن جدا و نیچه لرک زیر اقدام انامده
عقد کوهر انفاسی ناپیدا اولدی نیچه چالاکلر پشته اعتاق اوزره
رفتار و نیچه سبک یار توده رؤس اوزره کنار ایلدی اما (نظم)

عجز بدرگاه تو ناصیه سای غرور * فقر باقبال تو حوصله سوز غنا *
 و فقبحه چارسوی قبول کبر یاده کالای عجز و افتقار قدر جنس رایج
 اولدیغی تمغا یافته ثبوت اولغین قادمه جنبان دریچه بیان اولان
 نابی ناتوان سمین بدن وضعف حرکتدن ناسی سیلاب خروشان
 زحامدن گذاره فرصتیاب اولمیوب حسرت ایله نا امیدانه دوردن
 نگران ایکن (نظم) بدرش چنان بنالم که زغایت ترجم * زدروز ندا
 برآید که در آذر آفلانی * و فقبحه دستیاری جاذبه عنایت ایله اول
 عتبه فلک فرسایه اسهل وجه اوزره چهره سای وصول اولوق
 دولته موفق اولدی (مصرع) العزة لله تعالى و تقدس (بیت)
 فیض ازل بزود و بزرآمدی بدست * آب خضر نصیبه اسکندر
 آمدی * واقعا اگر آفتاب عنایت ازلی کند انداز قبول اولماسه
 پابسته جرم و تقصیر اولان بو عبد فقیر اول مخزن انواره پانهاده اولوق
 نیچه متصور ایدی (نظم) این بود از فرط عطا و کرم * کوچوینی
 یار دهد در حرم * داد مرا در حرم خود مقام * کرد مرا طائف
 بیت حرام * این حرم محترم کبریاست * مخزن آن خلوت خاص
 خداست * اول سرای جهان آرای دارالملک حقیقت که غبار کتری
 توتیای چشم خزنه فرادیس جنان * و اول نهانخانه انسا انس
 اسرار وحدت که فرش عرش عیاری چاروب زده مژگان قدسیان
 اوله اکه پانهاده اولنلرک ستون شعوری بر پا وارکان ادراکی برجا
 قالماق متواری پرده خفاد کلدن (نظم) مارا پنه اعتبار و اثر باوجود
 دوست * جایی که جلوه کرد حقیقت مجاز نیست * اول آینه خانه
 صاف اتصاف حقیقتده طوطی شکر خای خامه سرخ منقاره مساخ
 مد نفس اولماغین (نظم) من بر آهی میروم کانجا قدم ناخر مست *
 وز مقامی حرف میگویم که دم ناخر مست * مقالی سر نوشت صحیفه
 اعتذار قلمشدر (نظم) تبارک الله ازان سخن بی زال که بود *

سمین بدن نسخه

ز نور حسن لبالب زدوستی معمر * اول قبله ملک و ملکوت دروننده
 کی رو برو کی قفا بر قفا و کی دوش بدوش نماز گذار تحیت کی سخن
 و کی دیواه رخسوده مذلت اولوب اول بن قلزم اسرارده غریق وار
 بری برندن بی خبر حرکات بی اختیار ایدرلر ایدی (بیت) صار لسه
 حیرتیه نوله زلفنه یارک * نکاهی غرقه حسن اولدی عاشق زارک
 عزیمت دکر بارسوی منی * ما حصل اول کون غواصان بحر
 حرم یزانی دامن دامن خرمن خرمن کوهر بهشت افروز مراد
 تحصیلند نصکریه ینه مناده آماده اولان خیامه توجیه مطایای
 عزیمت * ولیالی ایام تشریفده انجمن کیرفضای منی اولوق سنتنه
 تبعیت ایلدیلر (نظم) سوی مناران و کرامت بین * کرمی بازار
 قیامت بین * سه شبانه روز سوق منی نشانداده بازار رستخیز اولغین
 کار عیش و نشاط * هر دریچه یه فرش بساط ایدوب بار متاع
 کونا کون فلک کبی تنک بر تنک و خرمن خرمن سیم و زر توده راه ایله
 همسنگ اولمشیدی (نظم) رومی و هند نیست که بایکد کر * کرده
 مماسات چو شیر و شکر * بس که بهم ریخته همیان زر * کشته
 دکانهای منی کان زر * نیچه چابکدستان سفیده کاردخی ساده
 لوحان تماشاییانک تنکشیای جیب و بغلندن کبسه نهفته لری دست
 زده نیرنک دزدانه ایتکله غم نسیه لری نقد ایدرلر ایدی (بیت)
 کبسه برانند درین رهگذر * هر که نهی کبسه ترا سوده تر
 کردن زیب چراغان شامیان و مصریان * سودا کر کردون
 زر خورشید ایله خرید ایتدیکی پرده عنبر کونی دکان آفاقه آویخته
 ایتدکده قافله مصریان و شامیان بر برینه اظهار حشمت و اقتدار
 ایچون مخیم مخصوصه لرینه ترتیب آیین چراغان ایلدیلر هر بر خیمه
 پیشگاهنده هزار قنادیل ایله برر اشاره نقش آخر اوزره اشغال
 اولنوب طبل و سوزنا عالم با لایه ولوله * و طوپلر اجزای زمینه

بغل قولوق خلیمی
 نیرنک حیلہ خلیمی

زلزله صالوب آتشین چرخلر کره ناری کی دوار * خروسلر
 ققنوس صفت آتشین سفار * کبشلسمندر مثال آتش نثار فواره لر
 شراره بارد ایجه فشکر آتش زن خانان ریش و دستار اولمشیدی
 هوایی فشکر یلدره کند آتوب تارشهاب ایله جو هواده عقد
 رابطه اخوت ایلدیلر کو بیادستبرد دزدان ابالسہ یی قافله حجاجدن
 ابعاد ایچون زمین و آسمان دن اعمال ادوات رج و طرد ایلدیلر
 غلبه مشاعل و قنادیل زمینی همزنک آسمان و آسمانی خاکه یکسان
 ایدوب جایجا کل مشاعل و خوشه قنلیدیل ورشته کجروش فشکدن
 دوش شامه کویا پر جامه زنجیر باف کلداری الباس ایتشلرایدی
 طلوع ید بیضای صبح ابطال حبال آتشین ایتد کد نصرکه آخر ایام
 تشریفه دک وادی مناده درنک و هر وقت زوالده دامن امیال
 جرات سپر هفت سنک قلوبینه ارزوی جمال بیت ذی الجلال
 عنا نربای آرام اولمغین غبار راه حرم ایله تنویر دیده رکاب اولندی
 * عودت زمنی بیت اشرف * منادن عودتده مدخل مکه
 مبارکه ده بطحا نام زمین دلنشین ده واقع محصبه ده بر ساعت
 مقداری جلسه استراحت سنتی مراعات نصرکه حوالی حرم
 مکرده اولان منازل معینه ده بسط حصیر اقامت اولنوب اوقات
 قرین البرکات لیالی وایامده هر کس اندازه شوقی مرتبه سنجه متاع
 بهشت بهای مطافی (نظم) امیدنوبت طوفیله تاجشراولماز * رباط
 دیده کرویشان نشین خواب * مصداقی اوزره پیوده خطوات
 طواف ایتدیکندن غیری درون و بیرون ام القرا ده اولان امکنه
 متینہ یی زیارتی ایله تنویر دیده جان ایدرلرایدی * وصف جبل
 ابی قیس است * جله دن بری جبل ابی قیسدر که بیت محترمک
 شرقه مائل جنوبده سر بر آورده کریبان فلکدر که نصفه
 وارنجیه دک مبانی عمارات ایله جلوه کراولوب حتی خورشید

فلک نبوت صلی الله تعالی علیه وسلم حضرت تلمینک دندانه کلید
 خزانة اعجاز اولان سرانکشت عالمکشاری سینه ماهی کریبان
 عشاق کی چاک ایتدکاری اول کوه بهشت شکوهک کرده رسیده
 ذروه وقوع اولمشدر (نظم) کان کرامت جبل یوقیس * سنک
 عیش بردل فرهاد و قیس * در کمرش موضع شق القمر * کشته
 بخورشید بعالم ثمر * کعبه چوکل سرزده ازدامنش * هشت
 بهشت آمده پیرامنش * ذکر اوصاف مولد نبوی * بری دخی
 اول ما حصل من رعة کائنات * علیه ازکی الصلوات * حضرت تلمینک
 نهال وجود عرش آرازی خرامان ساحه امکان وجود اولدیغی
 خانه ملائک خدمدر که سوق اللیل نام بازار عنایت زار کوشه سنده
 اولان شجر جبر قرینده نور بخشای زمین و زمان اولوب میانه سخن
 خانه ده سرزده چنزارشهود اولد قلری مقام برصندوقه سیر
 پوش سرو سجا ایله ایما اولمشدر (نظم) شکست جنت دمد
 از سوق لیل * خاک کش کوچه اوکل بدیل * سرزده خورشید
 جهانتاب ازو * روضه جنت شده در تاب ازو * بیان وصف
 سرای خدیجه کبری * و بریسی دخی دولنسرای خاص الخاص
 خدیجه کبری رضی الله عنهادر که خواجه سرمایه دار شفاعت
 صلی الله تعالی علیه وسلم حضرت تلمینک خلوتخانه انسانس عبادتگاه
 خاصه لری خانه خزینه مقامنده روزنندن کذر اولنوب بر حجره
 مطهره مختصره در که صورت دیوارنده اولان دیده محراب
 ملکوت آراسی قامت طوبی شکن محمدی فراقیله حالاکشاده قالمشدر
 کوشواره بنا کوش بقا یعنی حضرت فاطمه زهرا رضی الله تعالی
 عنها دخی دست افروزشهود اولد قلری محل ینه روزن دیگردن
 کذر اولنوب بر حجره پاکیزه درون صحنده بر پوشیده سبزیله جلوه کر
 اولوب دست آسیای سنکینلری حاله فراق دست مکارم پیوستلریله

الجزیر جیمک ضعیله صیغه
 تصغیر اوزره برجنس
 یشدر که انجیره مشابهدر
 وانقولی

حالا دیده حیران وش
 کشاده نسخه

سرکردان دقیقه هجران اولمشدر (نظم) بام ودرش يك بيك
ازهم جدا * باردازور حجت خاص خدا * مشتری وزهره وشمس
و قمر * بوده قران شان همه بایکدگر * مطلع نیر ذات صدیق
اکبر و غابه شیر خدا یعنی ولادتگاه علی مرتضی دخی اول کوچه
کیمیا غباره متقاربدر (نظم) جای علیست دران شعب هم *
خانه صدیق بیکد و قدم * اول مرآت جلا داده جلال قدیم *
علیه افضل التحیه والنسليم جنبه اثناء گذرده مانده طوطی
کویا شکر پاش ثنا * اولان سنک مبارکه دخی اول کوچه دیوارنه
کوکبه بخش انوار * و بوسه گاه افواه زواردر (نظم) سر بسر
آن کوی نشیب و فراز * بوده خرامشکه آن سروناز * بر سر آن
کوی چه سان پانهم * بی ادبست آنکه نهیدیدهم * بریسی دخی
طاق صفایه همسایه دار خیز راندر که جناب سید الوری * علیه
صلوات الاعلی اول خانه ده اوتوز طقوز نفر اصحابیله و رانشین پرده
خفا اولدقلری حالدیه جناب عمر ابن الخطاب رضی الله تعالی عنه
اول خانه ده رشحات سحاب عنایت ایله چرك شرکدن تطهیر
پیراهن جان ایتمکله تکمیل رتبه اربعین ایتمشدر (نظم) خاک درش
سرمه اهل نظر * کشته دران خانه مسلمان عمر * مولد حضرت عمر
رضی الله تعالی عنه دخی برکه یعنی جانبنده برتوده رفیع اوزره
مرجع اعتبار زواردر * ذکر و وصف کوه نور سر بلند * بریسی
دخی مکه مکرمه به برفر سخندن اقل جبل نوردر که کل کلشن طراز
رسالت علیه افضل الصلوات حضرت تری هنوز غنچه نشکفته ایکن
سینه لری نسیم دست روح الامین ایله اول مقامده منشرح اولدیغندن
غیری ذروه سنده واقع غار حرا ده مظهر تشریف رسالت اولمغین
قبه فلك مما سنده بربقه بیضا دیده نظاره نور بخشادر (نظم)
زاویه حضرت مولا ست این * مهبط انوار تجلا ست این * طلعت

لفظ سان وجه و اعتبار
معنا سنده در نعمة الله

جبریل که دیده رسول * کرده در آن فار بایشان نزول * ذکر و وصف
کوه ثور جانفزا * بریسی دخی ینه برفر سخن محله جبل ثوردر که
ذروه سنده قریب بر غارتنک جیننده کوه رنه درج کائنات علیه
افضل الصلوات حضرت تری بار غار صدیق ایله هنگام هجرتده نهفته
اولدقلرنده با فرمان صانع حکمت نما عناکب رشته باف پرده کش
اشباه اولوب بر چفت کبوتر زیننده فرمهره بازیچه مشعبدانه
رسمنده بر نیچه بیضه نظاره قریب وضعیله چشم بند متجسسان
قریش اولمشدر (بیت) لعل اگر شد بید خشان مقیم * معتكف
اوشده درینیم * از صد فش ریخت در شجر اغ * داد جهانرا
زکواکب فراغ * الحاصل سر بسر تجلی زار انوار خدا * وجلوگاه
انبیا و اولیا اولان خاك پاك مکه معظمه نك بیان اوصاف شایکافی
بیرون قدرت قلم فرسوده قدم اولدیغی وسیله اعتذار اختصاردر
* ذکر دم هجر و طواف وداع * آخر نمونه ایام اقامت رسیده
حد نهایت اولدیغنه خاتم سمین غره محرم ختم زن امضا اولمغله آثار
مقدمات فراق سینه لری مضاف غم و دیده لری مانده چشمه زمزم
ایتمکه باشلدی (نظم) دل باز خریدار متاع دکر است * رنجیده
سر از دست صداع دکر است * این طرفه نکر که صبردر خانه
خویش * ننشسته هنوز در وداع دکر است * بورباط مهمان قریب
عالمده دست ساز میریان ایام اولان قنغی ماده سروردر که عاقبت
دست اشتها شسته آب چشم فرقت اولیه و بوضهها کده مست
انداز جهاتده بخشیده ساقی روز کار اولان نه کونه جام لبریز
صفادر که آخر لب آرزوی پیانه خیازه خمار ایتمه (بیت) دم وصله
هجوم جیش هجرانندن امان اولماز * فنا کلزاریدر بونده بهار
بی خزان اولماز * کعبه مکرمه به روز نخستین وصولده جریان ایدن
کریه سرور بود دفعه لباس خونابه حزن و فراقده فوران ایدوب

مقدمه تازیانه شوق طواف قدومه توسن برقه مسابقت ایدن کام
 آرزو طواف وداعه کلد کده ستون مطافدن جایگیر تراولوب غلبه
 جنبش خطوه عزیمتدن دامنگش اولدی امانه چاره بو حالت
 جانکداز ایله عاقبت کام ونا کام دائره مطافه وضع قدم اولندی
 (بیت) باخفقان دل ورنج صداع * میروم اکنون بطواف وداع *
 خون کری ای دیده بصد های وهوی * وقت جدا بیست ازان
 خاک کوی * اول روز کلو سوزده دیساجه زرنگار صبحدن خاتمه
 مسکی شامه دک ناله دل یشان هجران ایله حرم کعبه سیه لباس
 ماتمکده پرشیوندن نشان ویرایدی (بیت) فراق کعبه دن سن صامه
 چشم خونفشان اغلر * سرکوی حقیقتدر بوتلر ایچره جان اغلر *
 دکل کریان اولان انجق بنی آدم وداعندن * فلک کرده ملاک اکثر زمین
 و آسمان اغلر * هر بدوره طواف طائر شکسته بال دله بر حلقه دام اولوب
 دانه خاطر ربای حجر اسوددن علاقه اتصال قابل انفصال اوله مدی
 امانه چاره مراعات آداب مجاورت خارج عهده قدرت اولمغه دوری
 صوری ضروری ازومنه بناء ملترم شریف ایله معانقه مواده افتراق
 اولدقد نصکره رسم مسنون اوزره سده سنیه عرش اعتبار رخسارندن
 دخی لب اد بله بوسه چین حسرت اولدقد مداد اشک وخامه
 مژگان ایله صحیفه سده معادنه بو منظومه فرقت امیر ترقیم
 اولندی (نظم) الوداع ای مردم چشم بصیرت الوداع * الوداع ای
 سنبل باغ حقیقت الوداع * الوداع ای خال مشکین جم انتابک سنک *
 مایه داغ دل حوران جنت الوداع * الوداع ای قطره آب زلال
 زمزمک * سلسبیله موج بخشای نجات الوداع * الوداع ای چرک
 شوی جامه جرم عصاة * کوشه بامکده کی میراب رحمت الوداع
 ایله نایینک ادای حجه روز جزا * پیشگاه حضرت حقده شهادت
 الوداع * آخر دامن دامن خونابه سنک کداز هجران دو که رک *

سده سعادت
 نسخه

جهان جهان آه کرد ونسوز حسرت چکرک * قدم قدم رجعت
 قهقری ایله باب وداعه عزم اولندی (بیت) از سر کوی تو من با چشم
 کریان میروم * با کریبان پراز کل از گلستان میروم * بیرون
 عبه باب وداعده جمال جهان آرای بیت خدا دیده نکراندن
 نهان اولد یغی ساعت خانه درونه نزول ایدن کاروان حیرت
 وملاک تحریر کیفیتی کنجیده تخانه تعبیر اولمد یغی انجق بارکشان
 هجرانه نمایاندر (بیت) خروش اشکی نه بلسون کناره کیروصال *
 دوشن بلوریم طاق کداز هجرانه * غلبه حسرت فراق ایله رائض
 حیرت دودیده دن جریان ایدن لجام سرخ فام سرشکی سر پنجه
 تصرفدن حقروب توسن زود رمیده جان * نه جانیه دوان ایلد یکن
 اسن شعار ایده مدی (بیت) عنانده چشم کریان الدی دست
 اختیار مدن * صا ولسون با که سنک راه اولنلر رهگذار مدن *
 فراق لیلی سیه خانه ایله مجنون ملامت زده وارد امن صحرای
 طوتوب میانه امواج حیرته غرقه فنا اولمغه بر ایکی نفس انجق
 قالمشیدی ناکاه (بیت) مشو ملول که فتاح باب مشکلهها * اگر
 دری که بزند هزار بکشاید * زمزمه سیه بر طرفدن خضر
 فریادرس عنایت * کمند انداز تعبیر استمالت * اولوب ای فتاده
 کرداب اضطراب هیچ تخنه پاره جسم زارک بو مرتبه طوفان
 زده انقلاب اتمد که اگر بحر رجعت خیز حرم محترم دن ساحل
 هجرانه دوشدک ایسه عنقریب واسطه العقد نظام موجودات
 اولان بر در کرانیهای صد ف کونینک رویمال خاک در کاهنه فائر
 اولورسک که هنوز هفت حقه مرصع افلاک محیط جواهر آب
 و خاک اولمدین انک ذات کهری کتر خفاده منظور قادر پروردکار
 ایدی (نظم) کوهر تحقیق بعالم نبود * کودر کنجینه معنی کشود *
 واکر گلستان استان الهی کلکشتدن خدا اولدک ایسه برورد

مطرای چمنزار قدسك روضه بهشت آراسته ببلبل کی نالان
 اوله جقسك كه هنوز خیابان سنبله دار چرخ برین * کشیده دایره
 باغچه زمین * اولدین انك وجود عالم آراسی سرشیشه خلوتخانه
 انوار ایدی (بیت) آب در جود داشت در فصلی كه عالم بود آب *
 دست در كل داشت آن روزی كه عالم بود طین * بونوید مسرت
 رخسار جانه كلاب پاش تسلیت * اولغله مجمره دله بر مقداری
 عنبر شعور غلیانه باشلدی الحق اكر هوای شوق مدینه منوره اول
 ساعتده تحريك چاروب عنایت ایتیمیدی جوهر نایاب روح زیر
 توده غبار غمه كم اولمق مقرر ایدی (بیت) دل اولوردی پایمال
 لشكر جانسوز هجر * جیش جان بخش نوید وصل امداد ایتسه
 واكر رشحات سحاب آرزوی روضه مطهره اولخلده افاضه قطرات
 عنایت ایتیمیدی خرمن هجران زده هستی طعمه برق فنا اولماق
 نامتصور ایدی (بیت) اكر صوصیمیدی دمدم اندیشه وصلت *
 نه جان قوردی نه تن یاندر مدق سوز غم حسرت * هله فرمانروای
 قلمرو هدایت * شمع نیم مرد جانه بووجهله پروانه بخش تسلیت
 اولغله بعد ازین كاسه دلدن ریخته اولان خونابه اندوهه بدل
 باده نشئه زای شوق جدید پراولوب (بیت) وادی یثرب كجاست
 آه زحرمان او * دامن دل میکشد خار مغیلان او * زمزمه سیله جذبه
 كند محبتہ تسلیم كردن ارادت اولنوب خاك روان بخش طیبه مبارکده
 تحريك قادمه اشتیاق قلندی (بیت) هوای عشقه او یوب کوی
 یاره دك کیدرز * نسیم صبحه رفیقز بهاره دك کیدرز * متاع كرانقدر
 منازل بین الحرمینده بار تمغازده مهر منیر اولدقده بر صبحدم (نظم)
 باد صبادامن كل برفشاند * نكهت یثرب بمشام رساند * نكهت كل
 بر سرم از باد ریخت * خانه هسینم زینیا در ریخت * نمایان كشتن شهر
 مدینه * مدینه منوره به نصف ساعت مقدار مخلده جبل مفرح نام

بر پشته آسمانقدر اوزره ارتقا اولندقدده مرآت عالمتاب حصار مدینه
 دفعه صورتمای جلوه ظهور اولوب اول كلشن مقدس میانه سنده
 كند خضرای نبوی احاطه آغوش چارمنارده نور بخشای چشم
 اشتیاق اولدقده العظمه لله یکباره قافله آه و فریاد مهمانسرای
 كردونی پرمناغ اشك لاله كون ایلدی رنگ رولطائر با صرهدن اول
 پرواز و روح روانلریك خیال دن مقدم شتابه آغاز ایدوب قفص
 بی جان ابدان لطمه اشكیله روان اولغله باشلدی (نظم) تابانم عشق
 توهم آغوش شدیم * بیكانه زعقل و خرد وهوش شدیم * دروادی
 عشق انچنان كم كشتیم * كز خاطر خویشتن فراموش شدیم * نه كنید
 خضر اجتر زرقكه پیروزه فام عرش پناه كه سایه سعادت مایه سی
 آسایشگاه سلطان سرا پرده زمین وزمان و پیرامن كنكره لامكان
 كزاری پروازگاه قدسیان هفت آسماندر حوالی قبه فلاك فرسا سنده
 تلائو امواج انوار شوكت شكی آفتاب وتلون انچه ملائكه زوار
 تفرقه بخش سحاب ایدیكى بی اریابدر (نظم) كنید خضر است
 چه می پرسیش * عرش بدان پایه شده كرسیش * نور تجلیست كزو
 تاسماست * نور كجا آتش موسی كجاست * بر سر هر كنكره اش تافلك
 جای گرفته است ملك بملك * اول سر چشمه انوار دو جهان معاینه سی
 ایله یکباره قافله مشتاقان خفاش آفتاب دیده کی زمینه دوكلوب
 اول بهارستان وصالده غبار سیلاب زده وار كف زنان ونعره كشان
 ممر در یجه مدینه به ورود ایلدیلر (نظم) بمركان رفته ام خاك درش
 اما پشیمانم * مباد ادر رهش افتاده باشد خار مرگانم * کیمی زبان ماهی
 جو بیار صلوات و کیمی طوطی ناطقه سن غرقه شكرستان تحیات
 ایتمین نخلبند حدیقه اثر * یعنی نابی كتر دخی بوسنبل نودمیده زمین
 اخلاصی دست آویز سر کوی خیر البشر ایلشدر (نظم) ایا حبیب
 خدا یا محمد عربی * شفیع روز جزا یا محمد عربی * هوای كردش مهر كله

چرخه کیرم شد * سرادقات سما یا محمد عربی * او شمسوار هنر سن که
جلوه گاه کدر * فضای نور و ضیا یا محمد عربی * سن اول طیب شفا
بخش سنکه هر نفسک * ویر عصانه شفا یا محمد عربی * حکیم صنع
قومش حقه دهانکده * مر یض جرمه دوا یا محمد عربی * شفاعتگاه
اولور زیب قامت رحمت * پلاس جرم و خطایا محمد عربی * اسیر
لعل شفاعت نثارک اولم شد * کمال حسن ادا یا محمد عربی * تفاخر
ایمه ده در خدمت رکابکله * امین وحی خدا یا محمد عربی * کلید قفل
کشای خزان رحمت * الکده جلوه نمایا محمد عربی * قلندی روزازل
جلوه جالکده خاص * قلمر و دوسر یا محمد عربی * کشاده یافته تیغ برق
حسنکدر * در سواد رجا یا محمد عربی * لباس سایه ده اولدک برهنه
جسم ایتدک * اود کلوترک هوا یا محمد عربی * چنستان بهشته سحاب
فیضکدر * مدار نشو و نما یا محمد عربی * سیاه روی و کنه کار نابی
بدکار * ایدر امید عطایا محمد عربی * محصل مانده سایه بیجان
رویمال جاده آمال ایدرک غبار راه ایله باب مدینه منوره دن کذر
اولدقده (بیت) کی بود سده آن روضه بشویم باشک * ادخلوها
شنویم از حرم و آلاش * زمزمه سبله هر قدمه صفوف روحانیان
استقباله اکسباب صفای درون ایدرک عتبه عرش پیرای باب
السلام * جان اشتیاق زده به جای آرام * اولدقده نکهبانان مواقف
ملکوت * و پرده داران سرادقات جبروت * بوزمزمه ایله قرع ساهمه
انتباه ایلدیلر که (بیت) صفق ترک ادیدن کوی محبوب خدادر بو *
نظرگاه الهیدر مقام مصطفادر * حبیب کبریا نیک خوابگاهیدر
فضیلته * تفوق کرده عرش جناب کبریا در بو * بو خاکک پرتو ندن
اولدی دیجور عدم زائل * عمادن آجدی موجودات چشمن توتیادر بو *
فلکده ماه نویاب السلامک سینه چاکدر * بونک قندیلدر خور
مطلع نور ضیادر بو * مراعات ادب شرطیله کبر نابی بودر کاهه *

سایه دن اولدک
نسخه

رسیدرز صحرای باب السلام
ایله دیده باب
نسخه

مطاف قد سیاندر بوسه گاه انبیا در بو * ای بادیه پیمایان اشتیاق
یو اول دولنسر ای جهان آرای حقیقتدر که فرش براق عنایت
اندوزی سر بسر دیده حیران کرو بیان و قندیل طاق آسمان
افروزی سینه سوزان قد سیاندر (بیت) برسبیل طوف میگردند
کرد مرقدش * پیدش جبریل وملائک در قفای جبرائیل * ای
یوینده کان راه مرام یو اول حرم کعبه توأمدر که ساحه سعادت
بخشاسنده مکین اولان سلطان المرسلین صلی الله تعالی علیه وسلم
حضر تلرینک اتر قدم لامکان پیرالری وسیله مباهات جبین عرش
بریندر ای آرزومندان پیغوله هجران یو اول آستانه سعادت عنواندر که
رفت وروب غبار صحن بهشت آشوبی مایه افتخار بالروح الامیندر
(نظم) طعنه با کسیر زند خاک او * در مجلس از خس و خاشاک
او * ریک زمینش چون نجوم سما * کشته بسی کشده رارهما *
ای بیماران بستر حسرت یو اول دار الشفای علت معصیتد که
غبار صحن معلا سندن ترکیب اولنان معجون مفرح جواهر تقویت
بخش دلخسته کان عصیان اولماسه تب و تاب جای حمیدن افاقت
نامبرایدی (بیت) آنکه دامان شفاعت بیمان برزند * کرداندوه
نشیند بحال کوثر * ای ایله پایان ظارستان فراق یو اول روضه
مطهره در که زمین دلنشبنده نشانده اولان نهال بالاکش رسالت
صلی الله تعالی علیه وسلم حضر تلرین بهار وجود دن خزان
عدمه دك مزرعه آفرینشدن سر زده اولان عصیه اتم اوزره
خرمشگاه رستاخیزده سایه انداز شفاعت اولغیچون باغبان ازل
خاصه تریه ایلشدر (بیت) کل نکار از جلوه اش فرش رخ خلد
نعیم * عطرریز از روضه اش چاروب زلف حورعین * ای چشم
کشایان صحیفه مرام یو اول حجره محرمه در که صدر و آلا ترین متکا
ایدن خواجه کائنات علیه افضل الصلواتک نام نامیلری دیباجه

طراز جریده آفرینش اولماسه اجزای اجرام علویه و سفلیه شیرازه
پذیر انتظام اولمازیدی (نظم) طور صد موسی برانگیرد ز خاک
آستان * شمع صد عبسی با فروزد بیاد آستین * ای خریداران بازار
امید بو اول مضجع مقدس عرش زبیدر که آغوش صند و قه
مشک ساسنده دفین اولان جوهر یکتای کونین بهادر ج خفادن
درخشان اولماسه کنجینه ملک و ملکوت زیر قفل عد مد ه جلوه
وجوددن محروم قالوردی (نظم) ز آستین رسیدی بجیب دست
وجود * اگر نه کوهر او داشتی هوای ظهور * ای چاک زدکان
گریبان حسرت بو اول هر قد منور در که شفیر حفرنده آسوده
اولان متاع کارگاه لولاک زینت چارسوی امکان اولماسه بازار کون
و مکان آیین بند آرایش ظهور اوله مزایدی (نظم) آنکه بی حبل
المتین مهر ذات پاک او * خلعت خلقت ندیدی تاقیامت تارو بود *
ای امید داران شفاعت بو اول سلطان سر پرده رسالت در که داخل
شمار جریده امتی اولق مر سوم صحایف آمال انبیا در (نظم) شان
دینش همه بازار ملال کرده کساد * انبیا جان بکف اندر هوس
سوادیش * ای دانه پاشان اشک فراق بوقفص آرای شباک اولان
اول طوطی شیرین ادای و ماینطق عن الهواد در که هنوز زبان
امکان دهان عد مدن نمایان اولمدین ناطقه روانبخشای انا افصح
ایله خلوت سرای خاص الخاص لی مع اللهده شکر پاش زمزمه
گفتگوایدی ای دلبرستان مشاهده مراد بو اول تابنده جال پیرایه
انا امح در که حسن ملکوت آرای ازل پسندی جلوگاه قرب
القرب وحدتده منظور کرد کارایکن هنوز ماه مصر آشوب کنعانی
نهفته بن چاه عمایدی ای بادیه پیمایان آرزو بو اول تنها سوار
فضای ملاء اعلادر که آرزوی قدم جهان کسایله نه رخس
مر صع پوش افلاک مر بوط طویله انتظار اولمشدر در ای سینه

ریشان محبت بو اول شاهباز بازوی عنایت در که آشیانه قدس دن شکار
گاه امکانه نزولری ایچون صیاد قدر نیچه مدت اداره پفته مهر و ماه
ایلمشدر (نظم) دیده سدرالمنتهای معرفت رابرک وبر * وادی
تحقیق راطی تاباقصا ساخته * ای سینه صافان بز مکاه خلوص
بو اول سردفتر انبیای کرام در که آرزوی اسم مکرملریله صحایف
دورنک ایام ولیال نیچه مدت جلاداده مهره مهر و ماه اولمشدر
ای جان سپاران راه وفا بو اول حبیب نازنده خالق یکتادر که
ضیافتخانه هشت درجه نعیم سالکان جاده موافقی ایچون مزین
وعذابگاه هفت در که بحیم سرکشان پیابان مخالفی ایچون معین
اولمشدر (نظم) جای سرشت آنکه تو پامی نهی * پای ندانی که
یکامی نهی * هر که درین کونه زسر پا کند * بی خردست اربفلاک
جا کند * لیک در اینجا ادب آمد بکار * بی ادباز نبود اعتبار * دیو
سروشان غیب توصیه طریقه آدابده تأکید ایتدکده استیعاب
شوکت آستان رسالت ترکیب جسم ناچیز دن ازاله نشئه حیات
ایده جک مرتبه ره قریب اولغین (نظم) نیچه حیرت زکریبان
گرفت * عقل سر اسیمه شد اندر شکفت * کشتم ازان واله
وحیران و مست * صبر برفت ازل و دل شد زدست * بو حالت
شعور کداز ایله مرده صد ساله سیماسنده روضه مطهره یه وضع قدم
ضراعت * و محراب مغفرت مأب نبویه ناصیه سالی سجده
توحید قلمق مبر اولدی (نظم) روضه که آمد ز ریاض بهشت *
خشت بخشنش همه غنبر سرشت * هر که دران روضه زمانی
نشست * تا ابد الدهر ز اندوه رست * ادای تحیه المسجد عقبنده
رهغونی دلیل عنایت ایله مواجهه شریفه سید الانامده ادای
لازمه صلوة وسلامه قیام اولندی اما (بیت) تاب لقاندار دیار غم
کشیده * در آفتاب افتد دیوار نم کشیده * وفقیجه رشته انفاس

رحمن عقده اضطراب و لب نیاز معدن ریشه شرم خطاب
اولمشیکن یتنه دست ادب قفل صندوقه سینه و تار انظار مر بوط
پشت پای سکینه قلوب زبان مشتاق رخصت یافته جنبش سلام
قلندی (نظم) السلام ای سرور اولاد آدم السلام * السلام ای بادی
ایجاد عالم السلام * السلام ای کوهر یکنای ذات اقدسک * زیور
با لای طاق عرش اعظم السلام * السلام ای قفل کنج رحمت حق
تا زل * دست استعدادیکه اولمش مسلم السلام * السلام ای انساب
ذات پاکله سنک * اولدی بویله نوع انسانی مکرم السلام *
السلام ای جدک اولمقله خلیله ابتد حق * آتش غرودی پر گلزار
خرم السلام * السلام ای قرب عهدک فیضنک تأثیر یدر * کایلدی
احیای اموات ابن مریم السلام * اشته کلدی نابی دلخسته خاک یایکه
ایده زخم جرمه لطفکله مرهم السلام (عربی) یاخیر من دفنت
فی القاع اعظمه * وطاب من طیبهن القاع والاکم * روحی الفداء
لقبرانت ساکنه * فیہ العفاف وفیه الجود والاکرم * خوشا اول
هنکام حیات یخشا که سیاح علین نورد روح را کب جازه بدن
اولدنبرو اول آستان شفاعته رومال آرزوسی ایله مانند جرس لبریز
فریاد ایکن اعانت قائد عنایت ایله واصل سر منزل مرام اوله حبذا
اول وقت دل زدا که فانوس شکست آزمای بدن نشین چراغ
حیات اولدنبرو اول انجمن مقدس شوقیه کنجینه سوز و کداز ایکن
اول شعله جمال موجوداته بی پرده اطاره پروانه نگاه ایلیه یاد باد
اول بهار وصال که عندلیب خونین ترانه دل آشیانگیر شانه جسم زار
اولدنبرو هوای روضه مقدسه ایله زمستان هجرانده تالان ایکن
امداد نسیم هدایتله اول کل کلشن افروز نبوتک پیشگاه عزتنده
بی واسطه کرهکشای ناله فریاد اوله (نظم) چه خوشست پیش
محبوب لب راز باز کردن * کله های هجر قربان بمر بنواز کردن *

فراموش مباد اول دم مکرمکه بال جامه آه ایله ارسالی معتاد اولان
نامه صلوة وسلام بالمشافهه رسانیده معرض معلا قلوب رحای
کوهر فردوس بهای شفاعت ایله بسط دامن نیاز اولند المنه
الله تعالی وتقدس (بعده همنشین انجمن زندگانی هم حجره آبشگاه
جاودانیلری یعنی جناب صدیق وفاروق رضی الله تعالی عنهما
مقابله لرنده دخی ابلاغ لوازم نحت وتسلیم اولند قد نصکره و رای
حجره مقدسه ده دره صدف هدی سیده النساء حضرت فاطمه
الزهره رضی الله تعالی عنها پیشگاهنده جواهر نحت و ثنا نثار
اولندی (نظم) میوه دل قره عین رسول * زهره کردون نبوت
بتول * سیده جمله زنان بهشت * مانده دریای نبی سر بخش
عزم زیارت بقیع شریف * بلبل خوشخوان وحی تنزیل
حضرت جبریل علیه السلام راه آمد شدلری اولان روزنه پر
میننده دودست دعا بال طائر رجا قلندی (بنه آ که قریب باب
جبریل علیه السلام کنز اولنوب خاک مغفرت ناک بقیع شریفده
آسوده اولان همسایگان نبوی زیارتنه شتاب اولندی (نظم)
شومتوجه بزمین بقیع * عرش برین بین ومقام رفیع * هر طرفی نور
دمد زان زمین * همچو نجوم از فلک هشتمین * زنده دلان بین بخوم
مردده اند * سر بکریان عدم برده اند * واقعا مزارستان جنت
نشان بقیع بر صحن رحمت نمادر که هر توده سی بر طور نور و هر نخلی
بر درخت ایمن کی لمعان ایتمه ده در هر ذره غبار مغفرت آثاری
مایه اکسیر دولتدن محترم و هر ریزه سنک تابدار ی نسکین سلیمانیدن
مکرمدر اول خاک پاک زوارندن هیچ برتن یو قدر که چار درج
عناصر جیننده نهان اولان کوهر نایاب روحن اول خاکده نثار
ایتمک استد عاسیله دست کشا اولیه هیچ برجان یو قدر که خلعت
چهار قطعه جسمن اول زمینه افکنده ایتمک ایچون لبریز تمنا اولیه

قوله ناک اداند که
کلمه ناک آخرینه لاحق
اولور اتصاف واتصال
ونسبت افاده ایدرمثلا
زهر ناک وغضبت ناک
وغم ناک غملودیمکدر
آسوده بمعنی دکلمش

بوندن اعلا جای آسایش اولورمیکه زمین بقیعدن برخاسته اولئر
دستبرد عمله درکات دوزخدن امین اولوب بلکه دوردن بله اطاله
سلسله نگاه آتشینه فرصت بوله میله (وبوندن افضل دولت
اولورمیکه روز باز رستاخیزده شهر یار کشور شفاعت صلی الله
تعالی علیه وسلم ایله بالین خاکدن بله سر بر آورده اولوب سایه لواء
الحمد نبویه عزیمت کسکشت باغ نعیم ایلیه (نظم) روز
قیامت که بود نفخ صور * این همه خیر اندر استار نور * سرچو
برارند ز جیب غبار * دیده کشایند بدیدار یار * حضرت رب
الغفور نابی معصیت مابی دخی آسوده نشینان بقیع مرافقی ایله
سایه لواء الحمد محمدیدن مهجور ایتیه امین بحرمة محمد الامین (دریچه
بقیع شریفده ابتدا عمه سید المرسلین برقه علیه دروننده مکین
اولوب اکا قریب برقه ده دخی محرمان سرا پرده سعادت یعنی
ازواج طاهرات خواجه کائنات علیه افضل الصلوات پرده
نشین شبستان بقا اولمشلردر (نظم) برسر آن ره که طریق
خداست * حجرة ازواج رسول خداست * ساحه آن مشهد
فردوس بو * حور بکسوس کندش رفت ورو * برقه نور آمیز
دروننده دخی پرورده دوش و کار دایه عزت * در شاهوار افسر
سعادت قره عین قبول * ابراهیم بن حضرت رسول صلی الله
علیه وسلم غنوده کهواره عدم اولمشلردر (نظم) نیست مجال
در قدم اجنبی * خفته دران کوه صلب نبی * کرده دران مخزن
عنبر سرشت * جای بهر گوشه طیور بهشت * برقه کردون مماس
سایه سنده دخی عم مکرم سید الناس حضرت عباس رضی الله
تعالی عنه ایله چار کوه رمعدن ولایت و چار قندیل طاق امانت
یعنی حصرت امام حسن بن علی المرتضی و امام زین العابدین و امام
محمد باقر و امام جعفر صادق رضی الله عنهم انجمن کیر خلوت سرای

باز خاسته نسخه
کشور رسالت نسخه

رفت ورو ب سپر که که
انکه خرمان سپور لر
ایکبسی بر پرده مرکب
استعمال اولور
نسخه

خلد اولمشلردر (نظم) کنبد عباس که خلد آشیان * قبه از نور
بعالم عیان * از فلک جود و سخا و کرم * کرده قران چار ستاره
بههم * برقه معلا دروننده دخی حضرت عقیل بن ابی طالب
رضی الله عنه (و برقه ده دخی امام مالک رضی الله عنه کوشه
کزین پستر خواب عدم اولوب (برقه ده دخی امام القراء حضرت
نافع بن کثیر رضی الله عنه سرفرو پرده رحله رحلت اولمشلردر
(برقه ده دخی مادر شیر خدا فاطمه بیت اسد رضی الله عنها پیغوله
نشین غایه فنا اولمشلردر (اما سایبان قیابدن ساده اولان هر اقد
اصحاب کرام خارج حیطه حسابد (نظم) خیل صحابه چه
بزرگ و چه خرد * بیش از انست که توانی شمرد * خصوصاً بکار
مجاوریندن ملوک و مشایخ و علما و صلحا شمار غبار بقیعدن افزون
تر در بلکه هر بر مرقدده یوزدن متجاوز خاموشان منزلگاه فنا
آسایش کزین خلوت بقا اولمشلردر (سر حلقه انجمن خواجگان
خواجه محمد پارسا قدس سره حضرت تیرینک مزار فیض آثار لری
دخی بر لوح رخام ایله اعلام اولمشلردر (اما غایت حدود بقیعه ده
برقه عالمتاب آسمان جناب آغوشنده جامع آیات قرآنی کاتب وحی
آسمانی یعنی عثمان بن عفان رضی الله تعالی عنه حضرت تیری
متواری حجاب بقا و خوش نشینان سرزمین بقیعه نکهبان سرحد
انتها اولمشلردر (نظم) کنبد عثمان که نماید ز دور * زین همه یک
نور دمدزان دونور * کشته حیا پرده درگاه او * بسته زین
خیل ملک راه او * هر برینک غبار مزار فیض بار لریله دیده دل
تنویر * وزبان خامه آه ایله کاتبه بالا خانه آسمانه سوره سبع المثانی
تحریر اولند قد نصکره ینه مقصد اعلا ی انس و جان یعنی روضه
مطهره حبیب یزدان زیارتیه اعاده روی ضراعت اولندی (مدینه
منوره ده مدت اقامت اون کون اولوق عادت اولمغین مطلع نهاردن

مقطع ليله دك و كريان شامدن دامن بامه دك مواجهه سلطان
الانبیاءه غلغله صلوة وسلام انفصام بولوب كریه های های
ندامت وناله رجای شفاعت ايله طبقات كردون پریشان وزوار
كرو بیان رمان اوله جق حالتلر ظهور ایلدی اراقه اشك فراقه
هنكام فرصت واطاله طومار آراهه رخصت الویرمکین هرکس
آویخته دامن شفاعت اولغه صرف مقدور ایلدیلر حتی رقطراز
اوجه مقال نابی شکسته بال دخی بو عرض حال درداشتمالی
برلوحه به تمیق ومواجهه سرور اقلیم شفاعته کستاخانه تعلیق
ایلدی (نظم) بحمد الله نصیب اولدی سعادت یار رسول الله *
که ایتدم خالك درگاهك زیارت یار رسول الله * زهی خسران کهرپاش
اولدین بوخا که ایتسیدم * کوزم کنجینه خواب فراغت یار رسول الله *
کنهکارم سفهکارم سیهکارم تبهکارم * بنی ردایتمه فردای قیامت
یار رسول الله * خلاصه دستبردکار فرمایان دوزخدن * نگاه کترین
ایلر کفایت یار رسول الله * فریب ساقی پیمانه کردان ضلالتدن *
دم آخرده ایمانم امانت یار رسول الله * مکنک یوسف نابی احباب
واقاربله * شفاعت یا حبیب الله شفاعت یار رسول الله * علی الخصوص
حسرتگاه اجفان سلاطین جهان ومایه مباهات آل عثمان اولان
خدمت فراشت جریده سنده نام فقیر دخی نکاشته خامه توفیق
اولغله هنكام شامده نطق عبودیت * آرایش میان مفاخرت *
قلنوب درون شبا کده پیرامن حیره مقدسه ده خدمت اشغال
قنادیله اشتغالده چهره فروز آمال اولق مبسر اولدی * بحمد الله
تبارک وتعالی کبسه فرسوده وجود نقد حیاتدن تهی اولدین اول
خاك شرفنا کده صرف نقدینه اوقات اولغله مشاهده صورت
آمال اولندی (بیت) هزارشکر کل از روضه مقدسه چیدم * باستان
شفاعت بدین گاه رسیدم * ذکر وصف شهدای احدست *

نشانگاه سجده ایام اولان روز پنچشنبه سلك ایامده نمايان اولدقدہ
زیارت شهدای احد سنت سنیه رسول الثقلین علیه الصلوة والسلام
اولغین بالمله حجاج پیاده وسوار اول سرزمینه کذار ایلدیلر (جبل احد
مدینه منوره نك بر ساعت مقداری شمالنده برکوه بلند سرخ
فامدر که معرکه مشهوره غزای احد دامن دلنشیننده موقع ظهور
اولشدر (نظم) دامن کردون که شفق کون بود * از اثر سرخی
آن خون بود * اولا سر راهده داور ممالك کشای رسالت علیه
الصلوة والسلام حضرتلری جسم مطهر جهاز زیلرینه پیرایه بند
اسلحه دشمن افکن اولدقلری محل زیارتگاه تیر نگاه قلندی *
چتر سایه دار عنایتلری مد طناب اقامت ایتدکاری محمله ستون دعا
خیمه آسمانه رفع اولندی * دریای کارزار خروشان اولدیغی محمله
شمشیر آه حواله چرخ ستیزه کار قلندی * درج لعلین دهان شفاعت
فشانلرندن در عالمبهای دندانلری افتان اولدیغی مکانده قطرات
سرشك حسرت کلکونه عارض دامن قلندی (بیت) چنان عقده
از کار امت کشاد * که دندان درین کار بر باد * نخل ناز پرور
جسم نازنینلری اثنای حریده بر مقدار استراحت ایچون بر سنک خارا
شکافنه نزول بیورد قلرنده اثر سر عرش سازی اول سنکده جایگیر
اولدیغی محل مشاهده سی تاج سر نظر قلندی (بعده مجموع شهدای
احد که جمله سی بر زمینده دخیه نشین ملک بقا اولشدر ارواح
مطهره لرینه ابلاغ هدیه دعا قلندی (نظم) بوی وفامید مد
از خاک سان * غرقه بخون تربت نمناک شان * روز قیامت که
برآرند سر * با جگر خشک و کفنههای تر * بارخ چون مهر دمنده از
زمین * تخم وفابار نیارد جزین * انلردن غیری بر قبه عالی بهشت
نما صدرنده عم رسول کبریا سید الشهدا حضرت حمزه بن
عبد المطلب رضی الله عنہک سر زار لعله بارلرنده ناولک دعانعره

آه و فریاد ایلہ حوالہ سپر آسمان قلندی (نظم) جزہ کہ قربان
 شدہ در راہ دوست * سید ہرجا کہ شہید است اوست * لالہ
 زخونش شدہ خونین کفن * داغ نہادہ بدل خویشتن * سرخی
 کوه احد از خون اوست * ریک بریکش ہمہ تسبیح اوست * ینہ
 اول حوالیدہ مسجد قتح نامیلہ مسمی عبادتخانہ دلکش و بترہ
 مخصوص سلطان الانبیادخی مایہ فتوح درون و بیرون قلندی
 (نظم) مسجد قتح این شد و بتر رسول * جای دعا یست محل
 قبول * بتر رسولست کہ از آب حیات * موجزن افتادہ چونہر
 فرات * ذکر وصف مسجد ذوالقبلتین * ینہ اول طرفلردہ
 مسجد ذوالقبلتین بر معبد منور غیر مکرر در کہ دیوار جنوبی و شمالی
 بر برینہ ابرو غای محراب اولوب بری مسجد الحرامہ و بری مسجد
 اقصایہ استظہار ایلہ ہمچشم قاعدہ عز و تمکین اولمشدر در کرمہ
 فلنولینک قبلہ ترضیہا جالندن رفع برقع ابہام ایدن پیرایہ بندان
 عارض تحقیق تعینی اوزرہ اوائل ہجرتہ جہہ عرش تاب محمدی
 علیہ الصلوۃ والسلام اونیدی آی جناب بیت المقدسہ سجدہ بر
 اطاعت اولغین بر کون مسجد معہودہ شعلہ بشرہ لامکان
 افروزری قدیل محراب قبلہ قدیم اولدیغی حالہ حضرت ناموس
 اکبر فرمان جہان کردان فول و ہجک شطر المسجد الحرام ابلاغیلہ
 اول آفتاب فلک نبوی جانب بیت الحرامہ تحویل ایتکین محراب
 قدیم قفای سید الانبیایہ دیدہ کشای حسرت اولوب قالمشدر
 * ذکر مقام پر شرف مسجد قبا * ظہور طلیعہ صبح شنبہ دہ
 زیارت مسجد قبا سنت سلطان رسالت و موازی ثواب عمرہ ایدیکی
 مثبت اولغین کروہ اول جانبہ عزیمت ایلدیلر بر ساعت مقداری
 محلہ میانہ نخلستانہ بر مسجد مکرمد کہ لمعان انوار و آثار اسرار
 درودیوارندہ ہویدادر (قافلہ سالار انبیاء علیہ الصلوۃ والسلام

حضرتلری ہنکام ہجرتہ حوالی مدینہ مبارکہ یہ شرفبخشای
 قادمہ وصول اولد قلندہ تعین قائد تقدیر ایلہ ناقہ فیض بارلری اول
 محلہ بسط نافہ استقرار ایتکین فرمان معمار کارخانہ آفرینش
 ایلہ مسجد قبا بناسنہ مباشرت بیوروب نص کریم لمسجد اسس
 علی التقوی ایلہ اساس مغفرت ساسی تمہید اولمشدر ہنکام بنادہ
 بالجلہ اصحاب کرام رضی اللہ عنہم ادای خدمت مزدوری ایتد کلرندن
 ماعدا سلطان ممالک ماء وطن علیہ الصلوۃ والسلام حضرتلری
 دخی مالک مفاتیح مخازن رحمت اولان دست کرم پیوستلری ایلہ
 بالذات احضار لوازم کل و سنکہ مباشرت بیورمشدر (نظم)
 کعبہ بصد جای زشوق قبا * ساختہ پیرامن عفت قبا * محراب
 سعادت نصابی روزنہ قصر اجابت اولدیغندن غیری محراب رکن
 شرفبسنده باصرہ عرش پیمای نبوی یہ بیت سبہ قبای خدا پرده
 برانداز خفا اولغلہ جلوکاه قبول دعا در ناقہ رفرف وقارلری
 دوزانوی پاکیزہ تکا پوسنہ عقدہ استقرار و یردیکی زمین مبارک
 وسط مسجد دہ بر محراب ایلہ سجدہ کاه شیخ و شاہدر (نظم)
 هست دران صحن مقام دیگر * خوابکہ ناقہ خیر البشر * سایہ
 دیوار قبادہ مسجد علی المرتضی رضی اللہ عنہ و مسجد فاطمہ
 زہرا رضی اللہ عنہا دہ خدادادہ قامت تحیت اولد قد نصکرہ بتر
 قبا نام چاہ زمزم سیمایہ صورت استدعای شفا قلندی (برکون
 سرور کائنات علیہ الصلوۃ والسلام حضرتلرینک کلبرک جسم
 نازینلری تأثیر کرمای ہوادن آزرده اولغلہ چہار یار کزین ایلہ
 ساق عرش مساقلرین اول چاہ عالیجہ دلونہ القا بیورد قلندہ
 انکشت مہ شکا فلرندن انکشتین یوسف جینلری بن چاہہ افتادہ
 اولغین اول آبدن تجرع ایدنلرک پیرامن قلمرو طبیعتلرندن لشکر
 امراض و علل کذرا بتمک ایچون دار الشفای الہیدن اعطای برات

مهور اولمشدرینه اول باغبان ریاض شفاعت علیه الصلوة
والسلام حضرتلری نخلستان قبادن گذر اثناسنده برنخل سعادت
ثمر رهگذر نبوی به اطاله کردن ضراعت ایدوب یا رسول الله
بوزخم خورده تیشه انکسارک برنیچه خرما سین رسیده لب شفاعت
نثار اتمکله تن بیجامی بین الامثال سرافراز بیورک دیو بسط کلمات
شکر سماغ اتمکله الی هذا الان روی ضراعت بر زمین نخل متکلم
نامیله رهگذار قباده مکین اولمشدرانک دخی زیارتی ایله ذائقه مرام
شیرین کام قلوب ینه مدینه منوره به عودت اولندی اما درون
و بیرون مدینه منوره ده برکوشه یوقدر که انواع آیات بینات لمعان
ایتمه و بر محل بوانمز که آثار معجزات فائضة البرکات الی الان
محسوس اولیه (بیت) قنده یوز سورسم اوماهک جلوه گاه پایدر *
قنده باقسم پرتو رخسار جنت سایدر * درهر کجا که مینکرم جلوه
گاه اوست * درهر کجا که روی نهم خاکراه اوست * بنا برین
یکان یکان تفصیل کیفیت احوالی کنجیده معموره بیان اولمق
محاط حوزه امتناع اید یکی حصن حصین اعتذار در (نظم)
اوصاف محبت دهن خامه به صغمن * تعبیر مزایای نهان نامه به
صغمن * و صف روز وداع عالمسوز * عاقبت سرانکشت صبح
وداع روز نامه ایام اقامتدن ورق کردن اولمغین شمشیر سرتیز فراق
دلری ابواب حرم کبی چاک چاک وناوک دلدوز هجران سبینه لری
غمونه شباک ایتکه آغاز ایلدی آه انین نیشخورده هجران اول
کواره انکین شفاعت پیرامنده ناله زنبوردن افزونتر اولدی
(نظم) روز جدایی که نبیند کسی * تیره تراست از شب هجران بسی *
روز وداعست و اجل درکین * خاصه وداع کهر اینچنین * الحق
نه کار دشوار در بو که امید گاه کافه موجودات اولان داور انس
وجانک مواجهه علیه سنده نائل فرصت نیاز اولمشیکن کند ی

کواره بالقح والضم سید
واری قوایی ونیز خانه
زنبور که آرا زنبور خانه
وشانه ولانه نیز کویند
شرفنامه

اختیار کله لب ناطقه بی مورد کله الوداع ایلیه سن ونه امر مشکدر
بو که دستگیر عامه موجودات اولان محبوب خدانک یدشگاه سعادتنده
کره بند ساعد ادب اولمش ایکن پای ارادتکله صحرای هجرانه روان
اوله سن (نظم) اغله ای دیده که کریان اوله جقسک آخر * اکله
ای دل که پریشان اوله جقسک آخر * دستکه کیرمش ایکن کوشه
دامان مراد * الدیروب واله وحیران اوله جقسک آخر * ای سرب
سامان بعد ازین کوفته سنک ندامت اولکه عتبه علیه آستان
حرم کبی بالش استراحتدن برخاسته اولورسن * وای جبهه جلوگاه
داغ غم اولکه مالشگاه رخساره قدسیان اولان روضه مطهره ده
مبجده گذار اولمق دولتندن جدا اولورسن * ای دیده غم دیده فواره
خون درون اولکه نظر گاه خالق ذی الجلال اولان مرقد مقدس
مشاهده سندن سد دریچه نگاه ایدرسن * ای مشام بد کام منبع
ز کام آلام اولکه نکبت کل ریاض قربدن ینه تخلیه دامان ایدرسن
ای دهن پر مخن کاسه انکشت خورده کبی لبریز فریاد اولکه مواجهه
پادشاه دو سراده سرشار زمزمه صلوة وسلام اولمق دولتندن
مبجور اولورسن * ای سبینه بی سکنه موجه زار شرحه اندوه اولکه
ینه قامت موزون خرام ستون حرم دراغوشندن بی نصیب قالورسن
ای دست افسرده سرمای ندامت وکزیده دندان حیرت اولکه
ینه دامن شباک شریفه توسلندن تهی قالورسن * ای پای هرزه
کرای پرکار صفحه ندامت اولکه نائل کلکشت چنزار نعیم ایکن
ینه آواره بیابان فراق اولورسن * ای دل شمع انجمن درد اولکه
یدشگاه محبوب الهیده یانوب یاقلورکن ینه باز یچه تند باد هجران
اولورسن * ای طائر روح بی حیت اشیانه شاخسار علیندن خاکدان
اسفل السافلینه گرفتار اولدنبیری پرواز گاه اصل هوا سیله بال زن
اضطراب اولورکن حالادارالامان حرم رسالنده فرصتیاب فرجه

کراییدن بکسر الکاف
میل ایلک حلیمی

رها اوله سكه افسوس كه ينه شكست قفص چار چوبه جسمه
 قادر اوليه سن (بيت) خاك بادا بسر غيرت اشتكيم * كه تراديدم
 وجان پردم و قربان نشدم * اي عقل بيهوده كرد عله غايه
 مقدمات ايجاد اولان وجودي بولشيك افسوسكه واروب تنكناي
 امور ناشايسته دنيا ده ينه سر كردان اولور سن (نظم) آفاق پردر يغ
 وجهان پندامنست * اين روز هجرت يست كه روز قيامتست * او اين
 روز وصالده شوق مشاهده روضه مطهره ايله تير پرواز اولان
 عندليب جان * هنكام وداعده شكسته بال و ناتوان اولوب پيشگاه
 قفص مقدسده ناله سنج الوداع اولمچي چون جنبش باله بحال
 بوله مدی (نظم) چنانكه كشته ام از رنج انتظار ضعيف * نكاهرا
 برخش طاقت رسيدن نيست * عاقبت خواه و ناخواه خلاف دخواه
 افتان و خيزان مواجهه عليه طاقت كداز زنده دست شرم و حجاب
 نقاب چهره اعتذار قلندي اما بر حال ايله كه سر ناسر شرايين بدن
 محاري سيماب وقوت ناطقه اسير تب لرزه حجاب اولوب (نظم)
 دي روز همه وصال جان افروزي * امر و زهمه فراق عالمسوزي *
 فرياد كه در دفتر عمر ايام * آترا روزي شمارد اين را روزي * مآلى
 هر بن مويدن ترشح كان اشك غلطان و دل طبان ايله مقال درد
 امير و داعه آغاز اولندي (نظم) الوداع اي خاك راهك كحل ايمان
 الوداع * سنك كويك كوهر تاج سليمان الوداع * پنجه خورشيد تابك
 شانه زلف وجود * صفوت نور رخك مرآت قرآن الوداع *
 كوهر بيضاي يكاي وجودك تازل * رونق خلوت سراي قرب
 يزدان الوداع * خدمت اسقايه مأمور اولد يغندن دورايدر *
 كشتزار شرعه طولاب دوران الوداع * كحل كرد آستانكدن اولور كن
 و ايه كبر * قنده صرف ايتسون نكاهن چشم حيران الوداع * قامت
 نخل حريم آستانكدن جدا * نيجه كلسون برره اغوش مركان الوداع *

پيشگاهنده اولور كن نغمه سنج السلام * قنده اولسون
 بلبل دل زار و تالان الوداع * حسرت روضكه اي ورد بهشت
 آراي قرب * ايتسونغي ديده دامان گلستان الوداع * شرمسارم
 يار رسول الله و داعكدن سنك * بويله اولمش نيليم تقدير يزدان الوداع
 كشتي جسم تزارم موج طوفان قدر * ايتك استر ساحل هجرانده
 ويران الوداع * دور دوشدم آستان دولتكدن صورتا * ليك معنيه
 مجاور در دل وجان الوداع * يار رسول الله نكاه شفقك هر حالده *
 ايله نايي حزين اوزره نكهبان الوداع * لحظه لحظه جانب مضجع
 مقدسه اعاده نظره حيرت ايدرك داغ غم وقامت خم ايله خارج
 دريچه حرمة وضع قدم اولندي (نظم) فغانكه روز وداعست
 و كريبه هادارم * اگر چه ميروم اما سرو فادارم * چه كونه پاي كه سنك
 ملائم ناي * كه تند ميروم و روي در قفا دارم * اول حين درد
 آكين ده خيمه خشك اجزاي اعضايه اصابت ايدن سوزش فراقك
 بياني خارج قدرت قلم ترزباندر (بيت) نكه كليچين حسرت دامنم
 پر خار محنتدر * كل اي بلبل بنچون ناله ايتكم روز فرقتدر * بو حالت
 پر ملالت ايله غبار كوچه مدينه منوره يي سيراب سيلاب اشك خونپاش
 ايدرك دامن صحرا گرفته پنجه سودا قلندي (نظم) ميرفتم و خون
 دل براهم ميرنخت * دوزخ دوزخ شرار زاهم ميرنخت * ميرفتم
 و از حسرت آن كلشن كوي * صحرا صحرا كل از نكاهم ميرنخت *
 كاه خيام خيال حرمين آرايش صحراي جنان * و كاه مذاكره
 اوصاف مقامين رائض كلكون زبان * اوله رق راه شامه تحريك
 عنان مراجعت اولندي (بيت) دم وصال پكر نشسته شراب كبي
 * قالور كوزمده اودملر خيال خواب كبي * اداره سبجه ايام و ليال ايله
 بركون ينه خطه شام منزل كه مرام اوليحق اول محمله رشته
 نظام حجاج رهين افتراق اولق اعتياده بناء هر كس دستمايه حصول

يقال رضت المهراروضه
 رياض اور رياضه و انقولي
 رياض طايه باش
 او كر دوب رام ايتكه
 ديرلر و انقولي
 (ان نلت ياريج الصبا
 يومالي ارض الحرم)
 (بلغ سلامي روضه
 فيها النبي المحترم)

الغرام بمعنى الحرص

مرام ايله وطن مألوفنه توجیه روی غرام ایتمکین حضرت سلطان
بارگاه احدیت جل شانہ بوعبدناتوانی دخی رھین بدرقہ توفیق ایدوب
قافلہ امن واسایش ایلہ ینہ برکون آستانہ علیہ دہ بسط وسادہ
استراحت مہسرایلدی (نظم) جناب حقہ ہزاران ہزار جدو ثنا *
کہ ایتدی لطفلہ بوعبدکترین احیا * نہ استد مسہ نصیب ایتدی راہ
بیتندہ * نہ حاجتم وار ایسہ ایلدی کرملہ روا * علی الخصوص کہ
بوشاہد نوآمدہ نک * کہ حسن لفظی ویرر جانہ نشوہ صہبا *
ادای دلکشی تعبیر شیوہ آمیزی * او لور محیر طبع اہالی انشا *
عجمی جامہ قد قبول اولور سہ بودر * متاع تازہ ظہور قلم و معنا * بوفیض
خامہ نابی یہ راہ حقہ ندر * کہ اولدی بویلہ عروس اطیفہ چہرہ کشا *
* دیدم تمامنہ نابی بونسخہ نک تاریخ *
* بونسخہ حرمینم قبول ایدہ مولی *

اقلیم نظم ونثرہ داور * میدان بلاغت وفصاحتہ سخن آور *
صدر سخن سنجانک پیر داناسی * کوکبہ شکر کو یانک محفل
آراسی * زمان و دھرینک نادر و کیابی * استاد ماهر یوسف نابی *
فاضلک اشبو تحفۃ الحرمین نام عجیب الانسجام لرینک طبع
و تمثیلی * راغب اقصى الرغائب الغائی اشوق الوری محمد رجائیک
معرفت و نظارتیلہ * دار الطباعة العامر دہ * ییک ایکیز
الشمس بش سنہ سی شعبان شریفی
اواسطندہ ختام پذیر
اولدی

